



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.140






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.140





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.140



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.140

Incl. GABRIEL  
Epist.







1  
b  
140

IVLII GABRIELII  
EUGVBINI ORATIONVM,  
ET EPISTOLARVM,  
PARTIM SVO, PARTIM ALIORVM  
NOMINE SCRIPTARVM.

Libri duo.

Epistola de rebus Indicis à quodam societatis  
IESV Presbytero Italicè scripta, & nunc  
primum in latinum conuersa à Iu-  
lio Gabrielio Eugubino.

CVM PRIVILEGIO.



VENETIIS, Ex officina Francisci Ziletti. 1569.

Ex Legato D. Equitij Antonij Francisci de  
Marmis

290

IVLI GABRIELII

PHYSICAE ORATIONVM

ET EPICVLARVM

MARTINI SOCIETATIS ALEXANDRI

NOBIS SOCIETATIS

Epistola de rebus in hisce locis

rebus in hisce locis

rebus in hisce locis

rebus in hisce locis

rebus in hisce locis

rebus in hisce locis



Venerabili Patris Martini Societatis



2  
SCIPIONI GONZAGAE  
PRINCIPI, ET MARCHIONI.

Iulius Gabriellus. S. D.



VM superioribus diebus Cyri Pædiā, iampridem illā quidem à me latine redditam, sed nuper editā, ad te in primis, quemadmodū postulabat summum meū erga te studiū, detulissem, nō fatis habuisti, quæ tua est humanitas, & beneficia in bonarū literarū studiosos uoluntas, cōsiliū hoc meum probare, ac laudare, sed et pluribus uerbis suasti ne peius uellē, quā huic, cæteris lucubrationibus meis cōsultum: sunt enim illæ tibi, pro iure nostri aliquot annorum cōuictus, oēs fere, quātulæcunq; sint, perspectæ & cognitæ. hīc ergo, qui multo minoris, quā tu facere uidebaris, eas æstimarem, abnuere, negare, recusare. sed cū idē à me iterū, ac sæpius cōtēderes, nō potui diutius resistere, quin pollicerer, daturū me operam, ut postulationi tuæ aliqua ex parte satisfacerē. Itaq; paucis post diebus soluto scriptorū meorū fasciculo, cæpi ea euoluere, atq; inspicere. occurrit primo uolumē orationum quarundā & epistolarū diuersis temporibus à me scriptarū libēter arripui ac tenui. nā uisa est illud sanè mihi fors ipsa offerre, quo possem pro re nata nō incōmode promissū tibi meū exoluere, tū alias ob cās, tū præcipue, quòd cōplures earū per id tēporis, cum apud te uiuebam, sunt

A ij contextæ,



contextæ, nonnullæ Herculis Gonzagæ Cardinalis,  
propinqui tui, eiusdem & domini mei, nomine con-  
scriptæ, una etiam, aut altera ad te ipsum, ut merito  
uiderentur tibi potissimū deberi, cū præsertim (quod  
maxime rem continet) politioribus tu quidē literis,  
& doctrinis à pueritia mirifice sis delectatus. eas igi-  
tur, cum primum ocium fuit accuratius legi, & qua-  
scunque putavi recte emitti posse, has, quantū per me  
fieri potuit, correctas, in duos libros redegi. quorū in  
uno illas collocaui, quas contigit, ad principes uiros  
partim meo, partim aliorū nomine scribere. in alterū  
eas retuli, quas ad meos uel fratres, uel propinquos,  
uel familiares exarabā. huic uero extremo libuit, qua-  
si corollarij loco, epistolam, à presbytero societatis Ie-  
su nescio quo de rebus Indicis Italicè iā diu cōposi-  
tā, à me aut in latinum quorundā rogatu dudum cō-  
uersam, addere: nec enim desperabā fore, ut hæc quo-  
que piis hominibus grata accideret. sed si quid erit  
uel in ea, uel in cæteris hisce meis lucubratiunculis,  
quod lectores, aut delectet, aut iuuēt, id profecto debe-  
būt tibi uni secundū Deum acceptum referre, quo au-  
thore, atq; adeò impulsore eas digessi, & in lucē pro-  
tuli. mihi certe uel illud satis fuerit, si hinc nō modo  
tibi, uerū ēt alijs cōstiterit plurimū posse apud me uo-  
luntatē atq; autoritatē tuā. quòd si quātum illa qui-  
dē apud me in suadendo ualuit, tantundē apud alios  
in hoc meo libello cōmendando, tuendoq; ualuerit,  
nihil erit, opinor, quòd eū, in manus hoīum uenisse,  
pœniteat. Vale. Romæ xv. Kal. Maij. MDLXIX.

IV LII



IV LII GABRIELII<sup>3</sup>  
EUGVBINI ORATIONVM,  
ET EPISTOLARVM,

Liber Primus.

*Oratio ad Amplissimos Pont. Max. & Sedis Apostolicæ legatos, ceterosq; Tridentini Concilij Patres habita  
anno M. D. L X I I. die festo circumcisi-  
onis à Iulio Gabrielio Eugubino.*



I mea sponte, ac uoluntate huc ascendissem, Patres amplissimi, reprehensione, opinor, minime carerem, quippe qui ab omnibus tum ingenij, tum doctrinæ, tum vsus, exercitationisq; præsiidiis male paratus, ausus essem in hunc celeberrimum consessum ad dicendum uenire: sed cum & mihi ipsi conscius sim, inuitum me hanc prouinciam suscepisse, & uero sciam, idem complures uestrum non ignorare; spero fore, ut non solum arrogantix crimen effugiam, uerum etiam ueniam, si minus expectationi uestræ respondero, facile impetrem. neque tamen oneris grauitatem cum mearum virium imbecillitate conferens, facere possum, quin tota mente, & corpore contremiscam. quid enim à me semihoræ præsertim spatio dici possit, quod uel loci sanctitati, uel auditorum grauitati conuenire uideatur? Illuc igitur cōfugio, ut diuini numinis auxilium pio, ac supplici animo implorem, vosq; simul, Antistites optimi, orem atque obsecrem, ut uelit, me uestris precibus adiuuare, &, quæ uestra est humanitas, benigne, attenteq; audire, etiam si nihil uestris auribus dignum, nihil reconditum, nihil quod non multo uobis, quàm mihi notius sit, attulero; est enim harum rerum, de quibus breuiter sum dicturus, non modo cognitio maxime excellens, sed recordatio ualde utilis, & iucunda. Nullum est profecto præ  
potentis



# L I B E R

potentis Dei opus, nulla actio, quæ non undique perfecta, admiranda, suscipiendaque sit. sed eæ, quarum memoriam his diebus colimus, ac celebramus; omnem plane humanæ mentis comprehensionem, ne dum orationis facultatem longe superant. Recognouimus octo ab hinc diebus noctem illam sanctissimam, ac beatissimam, quæ sempiternam orbi terrarum lucem attulit, cū est immensæ benignitatis, misericordiæ, iustitiæ, sapientiæ lumen exortum; cum, inquam, Christus natus est, ut nostra scelera suis pœnis expiaret, nostras culpas suo sanguine lueret. O singulare charitatis exemplum, Verbum illud æternum, per quod omnia facta sunt, carnem factum, nobiscum nostra causa habitare uoluisse. Summum Deum, ut acerbissimum seruitutis iugum ab hominibus depelleret, filium unicum, & sibi charissimum ex sinu proprio in hunc mundum ad uitam humilem abiectam ac laboriosissimam demisisse. ita tamen, ut de diuinitate ille sua nihil prorsus deperderet, & mater incorrupta, intacta, castissima permaneret. O uere admirabilis coniunctio. idem humanam carnem assumit, & diuinam naturam retinet: idem in terris puer lactens in gremio matris educatur, & in cœlis rerum omnium creator ac moderator in sinu patris residet. O factum incredibile, & in omni memoria inauditum eadem partum edidit, & inuiolata permansit; eadem matris gaudium percepit, & uirginitatis florem conseruauit. huc nimirum pertinebat sacer-

*Esa. 11.* dotalis illa uirga, quæ sine radice floruit. huc rubus ille ardens sine combustione. Et erit quisquam ita rudis, ita ingratus, ac beneficij plane diuini immemor, quem harum rerum commemoratio non excitet? non inflammet? Hodierno uero die eiusdem circuncisionem ab Ecclesia sancta solenni cum ceremonia decantari passim audimus. Postquàm consummati sunt dies octo, ut circuncideretur puer. quid? circuncisione ei opus erat, in quo nulla originalis peccati labes, nullum cupiditatis uestigium apparebat? circunciditur puer; Agnus sine macula. cur ita? nempe propter eandem causam, propter quam conceptus, propter quam natus, propter quam mortuus est; propter eximiam scilicet charitatem suam, qua dilexit nos. O præclare ab eo traditam, sed negligenter à nobis custoditam humilitatis disciplinam. Christus quæ non rapuit, exoluit. nos propriam culpam non erubescimus?



scimus? Christus legi, quam dedit, subiectus esse uoluit, nostrā *Gal. 4.*  
 nos superbiam non agnoscimus? Sed attendite, quæ sequantur.  
 Vocatum est nomen eius Iesus. mira res, Euangelista sancte. *Luc. 2.*  
 Circumciditur puer, tanquam salute indigens, & uocatur Iesus,  
 id est salutis author. Verum, si rem penitus introspexerimus,  
 mirifice hæc inter se conuenire, intelligemus. nempe circumci-  
 ditur, ut humanæ naturæ ueritatem ostendat: Iesus uocatur, ut  
 diuinæ maiestatis gloriam præferat. Et quidem ego, dum om-  
 nem uitæ Christi rationem, quantum per me fieri potest: accu-  
 rate contemplor, uidere mihi uideor, eum summam infirmita-  
 tem cum summa potentia, summam stultitiam cum summa sa-  
 pientia, summam ignominiam cum summa gloria, coniunxisse.  
 nam, ut de duobus posterioribus nunc taceam, quod ad primum  
 attinet, sic considerate. ponite quæso ex una parte ortus condi-  
 tionem, præsepe, fenum, fascias, circumcisionem, insidias, fu-  
 gam, baptismum, defatigationem, sitim, famem, frigus, ludi-  
 bria, cruciatus, mortem, sepulturam: non ne summa hinc infir-  
 mitas colligitur? At collocare ex altera parte regale genus, uati-  
 cinationes, Angelorum elogia, Iesus nomen, stellæ cursum, ma-  
 gorum uenerationem, Herodis ludificationem, morborum cu-  
 rationes, armatæ cohortis subitum casum, solis defectum, ter-  
 ræ motus, reditum ad uitam, ascensum in cælum; non ne sum-  
 ma hinc extat potentia? Iam uero miscete utraque simul, non  
 ne potentissima quædam infirmitas, & infirmissima quædam po-  
 tentia conficitur? O inexplicabilis rerum ferme contrariarum  
 conspiratio. Nolite ergo mirari: si eodem tempore & circumci-  
 di, & Iesus dici uoluit, non recenti sane nomine, aut nouo, sed  
 eo, quod uocatum est ab Angelo prius, quàm in utero concipe-  
 retur, nec humanitus ei imposito, sed diuinitus sibi insito atque *Luc. 2.*  
 innato. nimirum pater dedit illi nomen, quod est super omne *Phil. 2.*  
 nomen, ut in nomine Iesu omne genu flectatur, cœlestium, terre-  
 strium, & infernorum, nomen suauissimum, nomen saluberri-  
 mum, nomen omni laude prædicandum. Solitus est clementis-  
 simus Deus antiquis illis patribus, Abraham, Iacob, Moyse, & re-  
 liquis amicis suis multa beneuolentiæ, gratiæ, ac familiaritatis  
 signa tribuere, ita ut non graue duxerit, eis interdum sui etiam  
 uidendi quodammodo, & alloquendi potestatem facere, sed ta-  
 men



# LIBER

men illis uel summa contentione petentibus nunquam adduci potuit, ut hoc faustissimum nomen indicaret; quod nobis postea, non est grauius patefacere; idque iure, cum enim deprecatorem se pro hominibus ad Deum exhiberet, rationi consentaneum erat, ut tale nomen nobis proferret, quo possemus in ipsius ope imploranda fidenter uti, cuius quidem nos tam præcipui, tamque insignis beneficij, & gratiæ memores, debemus hodie uilissima membra nobilissimum caput imitati, nos metipsos pro sua quisque conscientia, & pro ratione temporum studiose circuncidere. Circuncidant, quæso, hæretici falsas, fucatas, atque inanes opiniones suas, ueram, sinceram, & solidam doctrinam amplectantur. Circuncidant Christiani Reges mutuas inter se contentiones, ac similitates, ad publicam catholicæ fidei auctoritatem, dignitatemque tuendam conspirent. Circuncidant populi turbulentos motus, insolentiam, contumaciam, quieti, humiles, suis principibus dicto audientes sint: Circuncidant Ecclesiæ proceres nimium siue opum, siue honoris studium, frugalitatis & continentiae exemplum alijs præbeant. Circuncidant sacri Pastores proprii emolumenti, & commodi sollicitudinem, gregi sibi commisso fideliter. custodiendo uigilent, circuncidant hi, qui alicui certæ religioni se se addixerunt, immoderatas animi affectiones, & humanarum rerum cupiditates, ad cœlestium curam, salutemque animarum toto pectore incumbant. Omnes demum cuiusque generis, ætatis, atque ordinis seipso hodierni mysterij recordatione circuncidant; non in carne, sed in corde; non cultro lapideo, sed spiritu ueritatis, ut, quemadmodum per carnis amputationem populus Dei ab impijs gentibus segregabatur, sic ipsi per spiritus expiationem paruulorum integritate, atque innocentia imbuti, à quorum doctrina aperte nos dissentire profiteamur, ab ijs etiam uitæ instituto plurimum distare uideamur; itaque tandem octaua die, reuiuiscantium uidelicet ætate, ingredientibus sine macula, fidei, spei, & charitatis corona ornati ad illam cœlestem Hierusalem peruenire, & in monte sancto domini requiescere possimus. Id autem, si unquam antea curatum est; hoc certe summo Reipublicæ Christianæ tempore in primis curare oportet, quo facilius possit ac felicius, iuuantem Deo, factum concilium celebrari, quemadmodum ego quidem



dem fore non diffido, tum quia quocunque oculos conuerto, tutissima catholicæ fidei propugnacula conspicio, tum maxime, quòd scio, Ecclesiam Dei super firmam petram fundatam esse; *Mat. 16.* persuasissimum mihi habeo, Christum lectissimam sponsam suā deferere nequaquam posse: recordor eundem pro summo ipsius *Luc. 22.* gubernatore rogasse patrem, ne deficeret fides eius: non me fugiunt clarissimæ illæ diuini Vatis prædicationes, Dominabitur à *Psal. 71.* mari usque ad mare, & à flumine usque ad terminos orbis terrarum. Et, à solis ortu usque ad occasum laudabile nomen eius. hæc *Psal. 49.* nemini obscurum est, quin mysticum Christi corpus, quod est Ecclesia, nō obscure præsignificarint. quid plura? nunquid obliti estis illius quasi pactionis, quam Christus uobiscum, uobiscum, Pontifices, qui quidem Apostolorum locum obtinetis, benigne confecit, si duo ex uobis consenserint super terram, de omni re, *Mat. 18.* quamcunque petierint, fiet illis à patre meo, qui in cœlis est: ubi enim sunt duo uel tres congregati in nomine meo, illic sum in medio eorum. Ac rursus, Ecce ego uobiscum sum omnibus diebus usque ad consummationem seculi. Quid uultis amplius? uere- *Mat. 38.* mini fortasse, ne stet conditionibus ijs, quas ipse tulit? fidelis permanet Deus, negare se ipsum non potest. Sed magnis, dicet *2. Tim. 2.* quispiam, hac tempestate fluctibus, & procellis Petri nauicula uexatur: at non minoribus aliquando uexata est; & tamen incolumis, integraque emerfit, ut facile appareat, hinc humanā malitiam aduersari, hinc diuinam pietatem resistere, magni sunt nostrorum delictorum acerui. quis negat? at maior est fons ille iugis diuinæ misericordiæ. dici non potest, quanta sit spei, & si dei uis, si quidem ex ea tantulum modo teneremus. Amē quippe dico uobis, si habueritis fidem, sicut granum sinapis, dicetis *Matt. 17* monti huic transi hinc illuc, & transibit, & nihil impossibile erit uobis. sed pro tempora nostra corrupta, ac perdita. è manibus nescio quo pacto elapsa est. uidemur hodie ipsius Dei potentia, ac benignitati quodammodo diffidere. Viget, uiget eadem spiritus sancti uis, quæ prisca illa Apostolorum ætate tot res, & tantas mirabiliter effecit: nullis locorum terminis circumscripta, nullis temporum spatiis definita per omnes orbis terræ partes diffunditur, ad omnia mundi secula propagatur. Vre igitur, ure igne sancti spiritus corda horum, Domine. Deus uirtutum conuertere, *Psal. 79.*


B

re,



## L I B E R

re, respice de cœlo, & uide, & uisita uineam istam. exterminauit eam aper de sylua, & singularis ferus depastus est eam. Tua, tua uinea est, Christe, tui sunt ordines, tua descriptio: perface uineam, quam plantauit dextera tua: restitue destructam maceriam; ne uindemient eam omnes, qui prætergrediuntur uiam. Nosti Pium IIII. Pont. Max. non minus re, quàm nomine Piũ, cum primum tuus hic Vicarius tua prouidentia constitutus est, nihil antiquius habuisse, quàm ut œcumenicum concilium rite, ac sancte indiceret, quæque ad illud peragendum conducerent, omni uigilantia, studio, opera, & sollicitudine curaret. Intelligis, hoc amplissimos legatos, clarissima sacri collegij lumina, nihil eorum, quæ sui muneris essent, neq; hætenus prætermisisse, neque post hac (ut est sperandum) prætermisuros esse. Cernis hos religiosissimos Antistites, nulla rerum difficultate, nullis locorum interuallis deterritos, huc ad operam, quam tibi debent, sedulo nouandam libenter conuenisse. Ne graueris, misericors Domine, cunctis iis ex disiunctis regionibus unum in locum iu tuo nomine congregatis, tantum diuini tui numinis, & gratiæ impertire, quo possint deprauatos mores corrigere, malas consuetudines tollere, & sacrosancta fidei tuæ dogmata, quorundam licentia, importunitateque uiolata, atque conuulsa, refarcire, & confirmare, ut ea sequutus fidelis populus tuus uniuersus uno consensu, unoque ore te unum Deum uerum, eundemque trinum, ac potentissimum pura, religione colat, celebret, ueneretur.






## IVLII GABRIELII

## EPISTOLAE DVODECIM,

HERCVLIS GONZAGAE,

CARD. MANT. ET CAETERORVM

sedis Apostolicæ in Tridentino Concilio  
legatorum nomine scriptæ.*Stanislaeo Hosio Card. Vnarmienfi.*

IN AS abste literas accepimus, quarum unæ iij. Cal. alteræ pridie Id. Maij scriptæ erant. sunt autem à nobis utræq; libentissime perlectæ tum alias ob causas, tum præcipuè, quòd celeris tui ad hanc urbem aduentus spem maximam attulerunt. qui quidem aduentus quàm nobis expectatus atque gratus futurus sit, dici non potest: quamuis enim, ut nunc est, de rebus ad concilium spectantibus nihil dum agi, tractarive possit, tamen consuetudo tua erit nobis sanè quàm iucunda. nec uero diffidimus, posse nos interim de singulis rebus, quæ, Deo iuvante, concilij tempore erunt pertractandæ, inter nos colloqui, huic tantæ provinciæ nobis communiter demandatæ utile futurum, quippe qui in doctrina, sapientia, ac probitate tua magnam spem positam habemus. consilium igitur, & desiderium tuum huc temere conferendi non possumus non summo opere probare, & ut re ipsa ita fiat, ualde cupere. Iam uero colloquium illud tuum cum oratoribus Gallorum Regis de nunciis ad concilium prius posteriusve ab ipso quàm ab Imperatore mittendis, quis non summis laudibus efferat? quanta in eo prudentia, religio, ueritas, quantum denique Christianæ libertatis studium apparet? quemadmodum igitur, quòd tu nullam prætermittas occasionem ecclesiæ rationibus consulendi, nos profecto mirifice commendamus, teque hoc nomine plurimum amamus, ita ab omnipotenti Deo, cuius res agitur, supplices petimus, ne uelit hos labores interire, sed gratiæ loco populo suo uniuerso concedat, ut tales ex eis oriantur fructus, quales sinceræ fidei cul-

B ij tores



# L I B E R

tores expostulant. Adiunximus huic epistolæ exemplum literarum ab urbe ad nos nuper missarum, ut ne quid te fugiat eorum, quæ quidem nos sciamus ad hanc publicam causam attinentia. Scito etiam Bracatensem Archiepiscopum natione Lusitanū heri de improviso huc accessisse, quali exterarum gentium primitias. Prececur Deum, ut huic initio cætera respondeant. Vale. Tridenti. xiiij. Cal. Maias. M D L X I.

*Stanislao Hosio Card. Vuarmienfi.*

**Q**UOD neminem patiaris istinc ad nos sine tuis literis uenire, humaniter facis, nobisque pergratum. & epistolam igitur, quam nobis Leodienſis Decanus reddidit, libenter legimus & ipsum hominem complexi sumus libentissime: neque enim dubitamus, quin quicumque abs te ametur, idem dignissimus sit, qui non solum à nobis, sed etiam à cunctis bonis diligatur. Quod autem nihil dum certi liceat tibi de tuo discessu statuere, non possumus non ægre ferre, nec minus sanè nostra, quàm tua causa, quandoquidem talem hic collegam consiliorum, sententiarum, ac uoluntatum socium habere, esset nobis profecto non mediocri tum uoluptati, tum etiam utilitati, quapropter omnem tibi ad decedendum dubitationem ac morā auferri, æque, atque ipse, optamus. Cæterum de rumore istis in locis dissipato, quod adscribis, nobis molestum fuit: quamuis enim inanem illum esse & falsum sciamus, tamen his temporibus alienissimum ducimus, quicquam accidere, quod posse uideatur hoc probatissimum atque optimum concilij agendi institutum aut retardare, aut impedire. Sed huiusmodi peruersorum hominum uoculas sperabamus uel ex his, quæ nos proximis superioribus literis scripsimus reiectas iam concidisse: cupimus quidem certe, & omnino nihil ardentius expetimus, quàm ut summi rectoris numine & auxilio ad id, quod unicum esse uidetur tot, tantarumque perturbationum, ac turbarum remedium, communi tandem consensu, & animis bene conuenientibus concurratur. id si quando præpotentis Dei bonitate consequuti fuerimus, erit nobis uita ipsa charius. Accepimus propositiones illas in Brunswicensi conuentu propositas, pro quibus ut aliquid tibi rependamus,

mus,



mus; mittimus ad te non nulla, quæ his diebus ex diuersis locis ad nos scripta sunt, in ijs quædam ad res Gallicas attinentia, ex quibus facile conicere poteris, quanta his fides habenda sit, quæ istic circumferuntur. Postremum certè caput literarum tuarum scrupulum nobis iniecerat, & ansam dederat multa suspicandi, quæ, ne male augurari uideamur, silentio prætereunda nunc statuimus, & in congressum nostrum reseruanda, nisi Deus interim clarissima luce sua omnem dubitationem ita disiecerit, ut nobis præsentibus lætandum potius & gratulandum sit, quàm dolendū, aut conquerendum. Quæ superioribus diebus Cardinali Borromeo de negotio quodam Polono scripsimus, ea tu ex nostrarum ad eum literarum exemplo cognosces, quod cum proximis tabellariis ad te dare exciderit, uisum est non absurdum fore, si huic epistolæ adiungeremus, ut ipse quoque, si Pont. Max. hoc negotium ad nos reiecerit, spacium ad cogitandum de eo ac deliberandum habeas. Extremum illud erit, gratum te nobis facturū, si, cum aliquid huc mittis ex his, quæ nuper impressa sint, plura corpora, non unum tantum miseris, præsertim si parua fuerint, cuiusmodi est libellus ille, quem paulo ante accepimus pulchrū sane, & doctum: aliter enim multorum hic desiderio, qui quidē quæcunque abs te ad nos offerantur, legere admodum cupiunt, commode satisfieri non potest. Vale. Tridenti. vij. Cal. Iunij. MDLXI.

*Stanislao Hosio Card. Vuarminiensi.*

**C**VM superioribus literis te certiore fecerimus de his, quæ Romam de negotio illo Polono scripseramus, non putauimus prætermittendum, quin de eo quicquid ad nos afferretur, idem ad te quàm primum perferendum curaremus. Habebis igitur cum hac epistola caput literarum Cardinalis eisdē uerbis descriptum. Nos uero simul ac diploma, quod pollicentur, ad manus nostras peruenerit homines, quos eam ob causam hic retinuimus confestim ad te uenire iubebimus, ut pro tua prudentia & pro catholicæ fidei dignitate negotium conficiendum cures. Vale. Tridenti. iij. Cal. Iunij MDLXI.

Stanislao



# L I B E R

*Stanislao Hosio Card. Vuarmienfi.*

**A**CCEPIMVS heri uesperis diploma, quod Roma nos expectare, nudius tertius scripseramus. eius igitur exemplum publica autoritate firmatum ad te sine mora perferendum his ipsis hominibus dedimus, qui eam ob causam apud nos substiterant. Reliquum est, ut negotium tu ita cures transigendum, quemadmodum uidebitur officio, dignitatiq̃ nostræ conuenire, & hisce temporibus consentaneum esse. id quod quæ ratione possit recte confici, qui melius te perspiciat, putamus esse neminem. Illud non reticebimus, uideri nobis, rationem habendam esse eorum, quæ de Pont. maximi nuntio adscribit Cardinalis Borromeus in extrema sua epistola, quam totidem uerbis exscriptam ad te mittimus. sed id etiam tu multo melius. Vale. Tridenti. Cal. Iunij MDLXI.

*Stanislao Hosio Card. Vuarmienfi.*

**D**IFFERRI aduentum tuum eò minus ægre ferimus, & neque hic de rebus publicis quicquam agi adhuc potest, & operam istic tuam non parum interim sanctæ Apostolicæ sedi conducere sentimus. hoc ita esse, tum antea non obscurè uidere nobis uidebamur, tum etiam lectis his scriptis, quæ nunc ad nos misisti, apertius cognouimus. nam & sermonem, quem pium sane, uerum & grauem habuisti cum Comite à Luna multum ualuisse coniiciamus ad excitandum, inflammandumq̃ue animum Cæsareæ Maiestatis, ut uelit aliquando suos huc Oratores legare, & uero literæ, quas ad Apostolicum in Hispania nuncium iam dederas, tanta solertia, ingenio, fide, & charitate sunt conscriptæ, ut magnum momentum ad Regis catholici uoluntatem impellendam allaturæ uideantur, atque effecturæ, ut ipse quoque animum tandem inducat, non modo legatos Tridentum mittere, sed etiam huius sacri concilij causam quibuscunque in rebus adiuuare. Id duo hi præstâtissimi Christiani nominis principes, & germani catholicæ fidei propugnatores si præstiterint, suæ gloriæ, famæ atque honori optime consuluerint, & erit, cur  
omnes



omnes boni, & religiosi uiri deo primum à quo bona cuncta emanant, deinde ipsis tum etiam tibi gratias immortales habeant. quāquam tibi quidem iam nunc maximas & habere, & agere debemus, cum uideamus te, quoad eius facere potes, nullum locum, nullam occasionem prætermittere Christianæ Reip. subleuandæ atque sustinendæ. quòd si forte non tales laborum tuorum fructus constiterint, quales afflictæ res expetunt, id certe grauissimis humani generis erratis, atque criminibus attribuendum erit. sed libet de Dei opt. max. benignitate bene sperare, fore scilicet, ut is, quæ sua est clementia, nostra oblitus delicta, mysticum hoc dilecti filij sui corpus, multis ac sædissimis hæresibus distractum ac propè discerptum, misericordi tandem oculo respiciat, & in pristinam coniunctionem integritatemque restituat; cuius sanè beneficij, & gratiæ satis, opinamur, signi, & quasi pignoris uel inde capere quodammodo possemus, si, ut tibi scribis in sermone quosdam inieciisse, Protestantes quoque ipsi adducerentur, ut uellent suos Oratores ad Oecumenicum concilium bono, concordique animo mittere. id quod quamuis optandum magis, quàm sperandum uideatur, tamen iuuat nos, eiusdem Dei bonitate, ac potentia fretos, de hoc etiam unà tecum bona spe esse. Ex Bracarenfis Archiepiscopi ad hanc urbem aduentu eximiam uoluptatem te percepturum esse, uel te tacente sciebamur, coniecturam de nobis facientes, quippe qui mirum in modum cuperemus, non solum ex Lusitania, uerum etiam ex ultimis terris probos, doctosque uiros ad solemne concilium celebrandum frequentes conuenire, quò magis propinquiore & nobis coniunctiores puderet suæ pigritiæ, atque ita illorum exemplo stimulati ad operam, quam debent, Christi Ecclesiæ nauandam alacri animo concurrerent. sed tantum abest, ut desiderio huic nostro ulla ex parte adhuc satisfiat, ut ne illos quidem quatuor Episcopos, quos ab urbe certo nos expectare iubebant, uidere nobis ad hanc diem contigerit. Roma accepimus decreuisse Pont. Maximum Card. Ferrariensem in Galliâ ob conflatos religionis causa tumultus legare. quam quidem legationem scribunt hominem pium ac fortem post habito omni incommodo alacriter obire, & statutum habere, hoc ipso mense iter ingredi. quod faxit Deus, ut felix sit ac fructuosum. Erat etiam opinio fore, ut in Hispaniam



# LIBER

niam quoque legatus mitteretur Card. Ferrerius . sed de eo nihil  
dum certi . Vale . Tridenti . Non . Iun . MDLXI .

*Stanislao Hosio Card. Vuarmienfi .*

**Q**UO' sapius ipse flagrantem tuam ad nos te conferendi  
cupiditatem patefacis , eò magis tui nobis commoves,  
augesque desiderium ; sed tamen cum liceat còiectura  
assequi Pont. Max. ad cuius rectam uoluntatem debemus omnes  
nostras cogitationes referre , nulla alia ratione adductum morā  
tuæ profectioni iniicere , quā quòd existimet , nomen , aucto-  
ritatemque tuam pluris istic in præsentia esse , leniamus oportet  
mutuum hoc nostrum desiderium , cum præsertim sperare possi-  
mus , illud nos non ita diu laturos esse , si quidem pro certo nun-  
ciatur , spondisse Regem catholicum , oratores se , ac sui regni  
Episcopos ad concilium breui tempore omnino missurum . qua  
de re cum inter omnes satis iam constare arbitremur , in spem  
adducimur minime dubiam , fore , ut ipse etiam Imperator suos  
quā primum alleget , itaque fiat tibi citius decedendi potestas .  
Interea rem istic publicam , quā poteris diligentissime curare  
non intermites , atque illud in primis à Maiestate Cæsarea pro-  
sua in Christianum populum charitate , proq; summa erga Deū  
pietate maiorem in modum flagitabis , ut in conuentibus , quos  
per sui imperij prouincias habere constituit , nihil prius , studio-  
siusue agendum sibi proponat , quā ut Romanæ Ecclesiæ tum in  
Oecumenico deliberando concilio , tum aliis in rebus propenso,  
ardentiq; animo faueat . Hoc est eius quam Maiestas sua gerit ,  
personæ maxime proprium , hoc omnes boni , atque ipsa tempo-  
ra , quæque imminent pericula uehementer expetunt , hoc deni-  
que sibi met ipsi salutaris , aut gloriosius facere nihil potest .  
Hunc igitur tu eius animum si impuleris , uel potius currentem ,  
ut speramus , si incitaueris , nihil sanè erit cur te istis in locis ali-  
quandiu constitisse pœniteat . sed hæc ipse per te multo melius .  
nos certe malumus pro ratione officij nostri ; & pro incredibili  
quodam amoris ardore , uel non necessaria attingere , quā ui-  
deri ( quantum in nobis est ) quicquam prætermisisse . De con-  
uentu à Rege Gallorum indicto iam audieramus , & quidem no-  
bis quoque



bis quoque in mentem uenerat de eo tale quippiam suspicari, quale uideris & tu subuereri. uerumtamen confidimus eorū machinationes, si iniquæ, atque impiæ extiterint, sua ipsas mole ruituras, præsertim si ceteri Christiani principes una & mente & ratione de germana fide retinenda, seruandaque consenserint. Tandem (quod caput est) in Deo Opt. Max. cuius res agitur, spem magnam reponimus. Vale. Tridenti. Cal. Quint. MDLXI.

*Friderico Staphylo.*

**E**X literis tuis modeste, prudenterque scriptis in ea opinione, quam descientia, integritate, & uirtute tua conceperamus, planè confirmati sumus. itaque illas & legimus libentissime, & Romam, ut primum occasio oblata est, ad Card. Borromeum misimus unā cum exemplo epistolæ, quam eisdem de rebus Bauariæ dux eodem ferè tempore ad nos dederat. ex qua quidem epistola uerissimum, id esse cognouimus, quod ipse postremo adscribis, sibi uidelicet iam antea statutum fuisse, te huc inter cæteros concilij causa suo nomine mittere. Qua re nobis, ac Pont. Max. nunciata, non solum excusationem tuam æquo animo accepimus, sed etiam fidem, constantiam, egregiamque uoluntatem catholico isti, & iustissimo Principi obsequendi mirifice probauimus. cui certe Pont. Max. & nos omnes tantum tribuimus, tantumque merito confidimus, ut uideamur nobis plus quodammodo, quam optaremus, hac in re consequuti, quando ipsius nomine concilio interfuturus es, nostrāque pariter uel potius communem sanctæ Ecclesiæ causam pro parte tua enixe defensurus, neque uero non debes tu quoque, ut putamus, id ita euenturum esse, plurimum gaudere, si quidem eodē tempore & tuæ fidei, studioque erga Ducem, & Pont. Max. postulationi, atque omnium nostrum desiderio cumulate satisfacies. Cum igitur Dux ipse benigne polliceatur, daturum se operam, statim ac audiuerit Imperatorem legatos Tridentum ad conciliū emisisse (quod certe nos breui futurum speramus) ut sui quoque unā tecum eodem se conferant, nihil tibi sit tanti, ut te ad proficiscendum, superatis quibuscunque impedimentis, alacri animo non compares, & omnibus rebus posthabitis, eò nunc ad Christianam

C      stianam



L I B E R

Christianam rempublicam subleuandam accurras, ubi diuino afflante spiritu de conuulso eius statu restituendo, ac fulciendo de communi sacri concilij sententia & auctoritate agendum est. Atque eo quidem meliore spe omnem tuam cogitationem conuertere huc debes, quod Duci inseruiturus es omnium optimo, & gratissimo, tuique uti coniecimus ex ipsius literis, maxime cupido, à nobisq; præterea nullum genus officij aut gratiæ desiderabis. id ita fore factibi persuadeas. non fallemus expectationem tuam. Vale. Tridenti. prid. Non. Augusti M D L X I

*Bauariæ Duci.*

**T**AME TSI de optima tua uoluntate, summoq; in Christianam religionem studio omnia nobis ipsi iam antea pollicebamur, quippe qui non ignoraremus, te in tantis Germaniæ motibus, totque defectionibus eorum, qui à uero Dei cultu, sanctissimisque legibus recesserunt, constantissime semper in recta gubernandi ratione, & laudabilibus maiorum institutis perstitisse, atque adeo labentibus plerisque, catholiciæ ecclesiæ uexilla fortiter in tua prouincia retinuisse, tamen, gratissimum nobis & iucundissimum fuit, certo cognouisse ex ipsis literis tuis, fore, ut partes tuæ in hoc sanctissimo concilij celebrandi proposito nequaquam desiderarentur. Facis sane tu, Princeps optime, ex dignitate tua, & è rep. Christiana, quæ quidem cum multum tibi iam debet propter multos labores, quos pro eius defensione assidue sustines, tum longè plurimum debet, si, quemadmodum humanissime recipis, hoc opportunissimo tempore ipsius causam totis uiribus adiuuandam susceperis, ad quod præstandum iam tempus esse uidetur, ut quæcunque expedire iudica ueris, studiose præpares: quamuis enim pauci admodum (omnia licet summa pro imbecillitate nostra, proque rei difficultate facientibus nobis) ad hanc diem conuenerint, tamen, cum pollicitus tandem fuerit Rex catholicus, curaturum se omnino, ut cum primum per calores licuerit, sui & oratores, & Episcopi se se in uiam dent, nec dubitemus, quin, hac ipsius deliberatione cognita, non modo Imp. uerum etiam plures alij Christiani Principes idem facturi sint, in spem uenimus, fore, ut concilium bonis



nis auspiciis, hoc est bonis Christo uotis, & optatis fauente, non ita longo interuallo inchoetur, progressum meliorem habeat, finem demum ad Dei laudem optimum obtineat. qui dies si quando nobis, & populo fideli latissimus diuina misericordia illuxerit, tum uero nos quantum profecerimus, quantumque uixerimus, non pœnitebit. Pont. certe maximo negotium hoc tam est cordi, quàm quod maximè; nosque etiam muneri nostro, quantum in nobis erit, nec fide, nec opera, nec consilio deerimus. quæ cum ita sint, te etiam atque etiam hortamur, & rogamus, ut uelis tuos legatos & theologos ex ijs delectos, qui tui solida doctrina, tum pura religione emineant ad concilium sine longiore mora legare. Nam quòd ad Staphylum attinet, probat, Pont. Max. & summo opere commendat propositum tuum, nosque itidem magnam tibi eo nomine gratiam habemus, cum præsertim confidamus, non minus fideli tuorum nos hominum, quàm nostrorum opera usuros, atque idem ipsi Staphylo pluribus uerbis rescripsimus, affirmantes, eum, dum uoluntati, ac mandatis tuis paruerit, Pont. Max. postulationi, ac omnium nostrum desiderio abundè satisfacturum. Vale. Tridenti. Pridie Nonas Augusti. MDLXI.

*Archiepiscopo Gnesen. Polonie regni Primati.*

**M**AGNAM profecto uoluptatem cepimus omnes ex Abbatis Sulcouiensis aduentu, uel propter auctoritatē; quam per seipse causæ nostræ afferet, dum unus ex isto nobilissimo regno huic publico cōcilij negotio intererit: uel propter spem, quam dedit, breui etiam affuturos Regis uestri oratores unā cum nonnullis Episcopis; neque uero non ea etiam de causa hominem libenter uidimus, benigneque excepimus, quòd cum primum nos inuisit, salutem nobis tuo nomine plurimam nunciauit. quod quidem certe ita nobis gratum fuit, ut non alienum duxerimus, his, quæ ei coram diximus, aliquid etiam litterarum addere, quibus aliqua ex parte declararemus summū amorem quo te iam dudum prosequimur, partim ob præclarum Card. Vuarmiensis collegæ nostri de tua uirtute, ac religione testimonium, partim ob præcipuum nostrum erga honestissimam nationem

C ij nem



# LIBER

nem uestram studium ac uoluntatem. Quare fac tibi per suadeas nullum esse officij genus, quod non possis à nobis sperare atque expectare, siue ad hoc publicum legationis munus, quo hic fungimur, siue ad priuatas nostras rationes pertineat. Id re ipsa, si fuerit occasio, aperius cognosces. Vale. Tridenti. xij. Cal. Decemb. MDLXI.

*Episcopo Astunensi.*

**Q**UOD Pontificis maximi mandato, quo te una cum reliquis Episcopis, qui Card. Ferrariensem in Galliam essent prosequuti, ad hanc synodum reuocauit, tã promptè parueris, summopere laudamus: quamuis enim nobis persuaderemus, tuam operam illic etiam non inutilem futuram, tamen eò potissimum accurrendum uidetur, ubi Reip. Christianæ causa de communi sententia, atque auctoritate tractanda proponitur, iubente præsertim Pont. Max. à quo quidem tanquam à capite nemo nostrum debet omnino quicquam discrepare. Neque uero excusationem, quam affers, cur Bononiæ subsideris, non libenter accipimus; tuæ enim non modo salutis, uerum etiam commodis, quantum fieri potest, consultum maxime cupimus. Sed cum iam concilio celebrando, & diuino affante numine, aditus patefactus sit, te ualde hortamur, & rogamus, ut uelis, cum priimum per ualeitudinem licuerit, huc te conferre, pro certo habens, nihil te hoc tempore aut nobis gratius, aut tibi ipsi honestius facere posse. Vale. Tridenti. xj. Cal. Febr. MDLXII.

*Cardinali Ensitano.*

**N**OS uero molestiam & sollicitudinem, qua tu afficeris ob grauissima sanctæ ecclesiæ uulnera non solum ex animi nostri sensu facile conicimus, sed etiam ex præcipua cura, quàm ipse pro eis sanandis assiduè suscipis, apertissime intelligimus; qui enim tuæ uitæ cursum, cum propter tuum eximium amplitudinis, uirtutisque splendorem, tum propter eam, quæ inter nos est, ordinis coniunctionem nunquam non obseruauerimus, uidere nobis uisum sumus, talem te semper in fide catholica; sedisque



sedisque Apostolicæ dignitate tuenda præbuisse, quales singulos singulis in regnis si habuissemus, Christiana certe resp. meliore nunc loco & pulchriore statu esset. neque uero nostra hæc tantum, sed omnium bonorum communis est opinio, quorum sanè consentiente uoce summa tua sapientia, fides, ac pietas prædicatur. Huic igitur rectissimo proposito tuo & præclaro de te hominum iudicio constanter hoc tempore respondisti, dum sanctum œcumenici concilij negocium, quod uere unicum esse uidetur tantarum calamitatum remedium, & aliis quibuscunque potuisti rationibus adiunxisti, & in primis curando, ut eiusmodi uir à Rege tuo huic legaretur, qui non modo regis, quam geret, personæ maiestate, sed propria etiam nobilitate sua multum sit auctoritatis huic publicæ causæ allaturus. Quæ propter dubitare nullo pacto debes, quin ille futurus sit uniuersæ synodo maxime commendatus, & charus, ne dum nobis, qui profecto tuæ causæ nihil est, quod iam pridem non uehementissime cupiamus. Nam quod pertinet ad fratrem Franciscum Forerium, quem nobis antiquiori epistola ita commendas, itaque probas, ut eius operam nobis opportunissimam fore planè confidamus, pollicemur, nos homini nullo loco defuturos, & omnino diligentissimè curaturos, quæ admodum ei coram recepimus, ut neque tu absens, neque tui præsentis ullum à nobis officij genus desiderent. nec facere possumus, quin in eo quoque immensum tuum erga religionem studium admiremur, & laudemus, quod talem uirum, cuius opera familiariter utebaris, publicæ utilitatis gratia æquo animo à te dimiseris. nimirum sapientissimè, tu quidem prospexisti, eius doctrinæ, ac probitatis fructum latius hinc, tanquam ex communi conuentu in spiritus sancti nomine congregato, in omnes partes emanaturum. Faxit Deus omnipotens, cuius tu ecclesiam perpetuo tibi defendendam constituisti, ut tam piam mentem, præstantemque animum digna præmia consequantur. Vale. Tridenti. Prid. Id. Febr. M D LXII.

*Lusitanie Regi.*

**A**D eam lætitiā, quam cepimus ex Oratoris tui aduentu, magnus sanè cumulus accessit ex literis quas ad nos dedisti, hu-



# L I B E R

sti humanissimi officij plenas, in quibus plus omnino nobis tribuis, quàm ipsi agnoscamus aut postulemus: quamvis enim non mediocriter simus gauisi, tale de nobis à te fieri iudicium, intelligimus tamen, ualde nobis laborandum esse, quomodo tam grauem de nobis tueamur opinionem. Quòd si arduam huius prouinciæ, quam nos parendi studio suscepimus, administrationem ex nostra facultate penderemus, animum propè demitteremus. sed quando clementissimi unius Dei auxilium respicimus, cuius Sanctæ Ecclesiæ omni nostra opera, industria, labore, sanguine ipso inferuire cupimus, non plane diffidimus, posse nos diuina ope nixos, bonorum expectationi pro rei difficultate aliqua ex parte satisfacere, præsertim cum egregia Pont. maximi pietas, optimaque ad fluctuantem Petri nauem stabilendam uoluntas, simul & summa eorum, qui huc iam conueniunt, sapientia, ac uirtus animum nostrum erigant, atque sustentent. neque uero non multum spei nobis affert præsidium, quod nobis in tuis opibus, admirabilique Reginæ, & Cardinalis magni Patruui consilio puræque religionis studio positum esse uidemus, & quidem incredibile est, quantum istinc adiuuenti ad catholicam Ecclesiâ subleuandam omnes boni expectent, quippe meminerunt ab iis Regibus te ortum esse, qui Christi fidem ad ignotas gentes longe traduxere, ne dum ipsi in suæ ditionis populis constantissime retinuerunt. quare nemo dubitat, quin & ipse præstantissimorum maiorum tuorum uestigia persequens, in ea ratione Sanctæ Apostolicæ sedis obseruandæ; ac tuendæ permansurus sis, quæ generosæ stirpi tuæ eximiam semper laudem, & gloriam attulit, cuius certe rei magnum pignus hoc necessario tēpore ab te habemus, cum ex tuo regno, licet remotissimo, Antistites religione, doctrinaque ornatissimi omnium ferè primi ad sacrum œcumenicum concilium accurrerint, eodemque ipse deinceps uirum non minore animi integritatē, quàm generis claritate insignem, Legatum miseris. qui quidem hætenus grauissimum literarum tuarum testimonium præclare comprobauit, atque idem posthac eū præstaturum esse, certo nobis cum persuadeamus, affirmamus tibi, nos & ipsum hominem, & omnes res, quæ sua interesse uidebuntur, quibuscunque studiis, quo ad eius fieri poterit, ita prosequuturos, ut facile intelligat, nos sui cupidissimos esse.

Fratrem



Fratrem uero Franciscum Forerium, quem nobis altera epistola uehementer commendas, eò libentius amplectemur, quemadmodum sibi ipsi præsentī sumus polliciti, quò magis speramus, illum suo ingenio, suæque eruditione, ac uirtute magno usui nostræ causæ futurum. Vale. Tridenti. Prid. Id. Febr. M D L X I I.

*Card. Transiluanie alterius Card. nomine.*

**C** A R D I N A L E M te factum esse, nemo est, opinor, modò ne sit ipsi Christiano nomini infensus, quin mirificè gaudeat, & lætetur: cui enim uirtus tua, cui probitas ac religio, cui maximus rerum usus & authoritas non est plane perspecta? ego quidem quo primum tempore nuncius de amplificatione ista dignitatis tuæ ad me peruenit, cogitans, collega me tam bono, tamque illustri auctum, quem etiam antea ob eximiâ eius uirtutem & singularem in Christiana religione tuenda fidem & constantiam cum amabam ex animo, tum plurimi faciebam, incredibilem statim lætitiæ uoluptatem cepi. qua non putauī posse satis iucundè perfrui, nisi tecum eam per literas communicarem. Nam quid de ista tibi dignitate gratuler, quæ tamen si summa est & honestissima, tamen non plus tibi splendoris afferre posse uideatur, quàm tu ei commodi uel ornamenti? sed gratulor tamen, quòd ea tibi nouo ferme more, aut raro certe admodum exemplo unâ cum purpuræ usu, omnibus alicuius ordinis religionem professis interdicto, frequenti senatu cum maxima amplissimi ordinis uniuersæ uoluptate, & summa tuarum laudum testificatione delata est: hac enim ratione Pont. Max. dum te extraordinarijs honoribus ornat, hanc dignitatem uirtuti tuæ iam pridem debitam reddi nunc potius, quàm gratiæ tribui, perspicue declarauit. Qua in re non potest eius consilium, iudiciūque non summe probari: cum enim tantos pro Christiana Rep. subleuanda labores susceperis, tantum in uera religione tuenda studij & operæ posueris, tanta, dum populos istos in fide retines, pericula adieris, nisi raro isto & maxime honorifico exemplo hunc tibi honorem ultro detulisset, uideri potuisset parum tibi pro dignitate tua ac tuis in Apostolicam sedem meritis, tribuisse. Gratulor igitur tibi hanc ob causam mirum in modum; gratulor deinde



## L I B E R

inde Romanæ Ecclesiæ, quòd his temporibus, quibus tot fluctibus, tot, tantisque tempestatibus catholica Dei ecclesia iactatur, is uir in amplissimum hunc senatum lectus est, qui tum suo eam poterit consilio ac sapientia maxime adiuuare, tum fortitudine atque auctoritate optimè tueri. Gratulor etiam Reip. Christianæ uniuersæ, quæ eo maiora nunc abs te & potest, & debet cum sperare, tum expectare, quo in altiore dignitatis gradu constitutus maiore cum auctoritate in suscepta abs te prouincia uersaberis, & rem istic publicam administrabis. nisi uero dubitet quisquam, ne de animi alacritate tua & singulari studio, quod ei hæc nus præstitisti, propter istam accessionem honoris aliquid remittas; quando illud quisque sibi persuadere debet, fore, ut hoc plus animi, industriæque & laboris adhibeas ad munus uoluntate tua susceptum præclare conficiendum, qui in excelsa & sublimi nunc quasi specula collocatus, hoc ipsum non fidei modo & constantiæ gratia, uerum officij etiam & exempli præstare debes. Gratulor postremo etiam mihi, cui talem socium & collegam adepto præsto aderit uir, cum uirtute, tum rerum gestarum gloria florentissimus, quem propositum habeam optimorum consiliorum atque omnium ferme actionum mearum quasi grauisimū auctorem. Reliquum est, ut me, meamque tibi operam ac studium, mea denique omnia deferam, quemadmodum ex animo & sine exceptione defero. Deus Optimus Max. hunc tibi honorem fortunet, faciatque ut tantæ sit Reip. Christianæ utilitati, quantam & præsens necessitas postulat, & speramus abs te omnes atque expectamus. Vale.

*Card. Transiluanie alterius Card. nomine.*

**S**TATIM ac nuncius ad me perlatus est, fuisse te à Pont. Max. Cardinalem declaratum cum summa laudum tuarum prædicatione, & totius amplissimi ordinis assensu, maxima profectò lætitia sum affectus, putauique mei esse muneris, eam tibi per literas aliqua ex parte declarare; nec enim fieri posse existimabam, ut uerba mihi suppeterent ad illius magnitudinem explicandam. De amplificatione uero ista dignitatis tuæ nihil equidem esse duco, cur tibi quisquam gratuletur, cum is uir sis, ea rerum



rerum gestarum gloria floreas, ea demum sint tua in Christianam Remp. merita, ut nullo honore longe superior non uidearis. Sed tamen ea de re tibi gratulandū omnino censeo, quod in hoc tibi honore deferendo dum Pont. Max. te solum eo die in senatum legit, dum nullo, aut raro certe admodum exemplo purpuræ tibi usum, Franciscani ordinis religionem iam pridem professo, ultro obtulit, præstantissimis illi quidem persæpe uiris in eo, quo tu nunc es, statu collocatis antea denegatum, dum te extraordinarijs tandem quibuscunq; potest honoribus cumulauit, iudicium fecit, ac uniuerso terrarum orbi perspicue declarauit, fuisse. Hanc tibi dignitatem ne dicam plus, certe æquè debitam, atque alij ulli qui sit ante hanc diem in apostolicum collegium cooptatus, aut possit in posterum cooptari. Tulisti igitur eo die insigne, amplumq; eximie uirtutis tuæ, singularisq; in religione tuenda fidei & constantiæ testimonium. Quo quidem nomine uere tibi & ex animo gratulor: Gratulor deinde honori ipsi, qui quamuis maxime splendeat, & sit amplissimus, multo tamen nunc mihi per te uidetur honestior atque illustrior effectus. Gratulor postremo bonis & Reip. Christianæ uniuersæ, illis quidē q̃ cum Pont. Max. hunc honorem cœperit uiris de sede Apostolica benemeritis & uirtute præstantibus ultro deferre, qui tantis soleat plerumq; studijs, tantis opibus, tanta denique ambitione quæri & postulari, estimare rectè poterunt, fore ut in eo post hac committendo meriti potius, quam gratiæ ratio habeatur. & in spem uenire haud ita dubiam, ut ipsorum etiam uirtuti debitum aliquando præmiū reddatur; huic uero, quia hoc exemplo excellentes quique ingenij, iudicij, & probitatis laude uiri ad bene de ea promerendum fient alacriores, & ipsa de te ac præstanti uirtute tua eò maiorem utilitatē & uberiores fructus capiet quod in altiore dignitatis gradu constitutus maiore cum autoritate istic eris, & maiore animi alacritate in eo omne studium pones, ut susceptum abs te munus conficias, & facultatem, denique habebis animum in eius comoda propensum omnibus in locis apertius explicandi. Quod uero ad me attinet, sensi de te semper optimè ac plurimi te feci, fama ipsa uirtutis tuæ & rerum gestarum gloria excitatus, atq; uno uirtutis nomine nulla inter nos consuetudine intercedente mirifice dilexi nunc cum amicitia iam inter nos instituta sit hac collegij

D & ho-



# L I B E R

& honoris communitate, quæ maximum necesse est ad uoluntates nostras copulandas uinculum attulerit, illud affirmare possum, me beneuolentiam, atq; obseruantiam, qua te hactenus prosequutus sum, esse perpetuò conseruaturum, atque adeo magis in dies aucturum, quemadmodum & meum ingenium, & tua excellens uirtus, maximusq; rerum usus & grauissima autoritas postulant. Precor Deum opt. max. ut is honor sempiternæ tibi & felicitati & laudi sit, nec minori, quàm quisq; sperat, bonis omnibus utilitati. Me uerò ipsum tibi, meaque studia, atque fortunas omnes, tam ex animo defero, ut nihil mihi sit gratius futurum, quàm si ijs tu non secus ac tuis si ne ulla exceptione usus fueris. Vale.

*Card. Translucant alterius Card. nomine.*

**S**I unquam in uiro quopiā in amplissimum Cardinalium collegium cooptando intellectum est, non gratiæ, sed uirtutis rationem habitam, & dignitatem potius spectatam talem honorem accipientis, quàm dantis uoluntatem: id eo die maximè perspectū est, quo tu die es aliud cogitans à Pont. Max. totius amplissimi ordinis consensu, & cum honorifica laudum, meritorum quæ tuorum in Remp. Christianam commemoratione Cardinalis declaratus. Quo autem die summa eiusdem ordinis uoluntate omnia tibi eius dignitatis insignia extra ordinem decreta sunt, ac raro admodum exemplo, usus purpuræ Franciscani ordinis religionem professio ultro oblatus est, eo uerò perspicuè declaratum est, nullum esse tātum honorem, qui par dignitati tuæ esse possit, & amplum tibi atq; illustre eximæ uirtutis tuæ pietatisque & religionis testimonium publicè redditum. Quo quidem nomine non possum tibi non maximè gratulari. nam quod ad honorem ipsum attinet, non uideo, cur tibi magis, quàm illi gratulandum sit, cum tametsi est amplissimus & maximè lucet, tamē non minus ille per te, quàm tu per illum ornatior mihi atque illustrior effectus esse uideatur. Verumtamen de eo quoque & tibi, & ipsi Reip. Christianæ eam ob causam nō mediocriter & uere gratulor, quòd hæc accessio dignitatis ac maior per eā autoritas accepta ad grauissima ista negotia transigenda & populos in fide retinendos plurimum te adiuuabit, & rebus istis cōpositis atque ex sententia confectis



fectis, habebis hic locum, ubi admirabiles uirtutes ingenij, prudē-  
tia, fortitudinis, atq; integritatis tuæ cum magna laude tua & ma-  
ximo Reip. Christianæ ac bonorum omnium commodo explices:  
nec enim dubitare quisquam potest, quin magnopere laboraturus  
sis, ut hoc eas in posterum Romana ecclesia cum maiore utilitate  
& uoluptate experiatur, quo pluribus, atque amplioribus ab eius  
Antistite auctus es honoribus. In quo ego quidem confido esse te  
hominum opinioni, & sp̄i, quam de te mirificam cōcitasti, cumu-  
late respōsurum, utq; id ita eueniat, atque is honor perpetuæ tibi  
laudi ac felicitati sit, & maximæ cum amicis, tum bonis omnibus  
utilitati, Deum Opt. Max. supplex etiam atque etiam rogo. De me  
uero pauca sunt, quæ uelim scias, nec uerò scribam ad te, quātā ex  
amplificatione dignitatis tuæ lætitiā acceperim; id enim potes p  
te ipsum intelligere si nosti me nunquam solere æquē lætari, at-  
que cum audio hunc honorem uiro cupiam committi, & rerum  
usu, & uirtute insigni; te uerò tum fecisse semper plurimi propter  
altitudinem animi & singularem uirtutem, cum propter poten-  
tiam, quam fortuna uirtutem sequuta tibi tribuisse uidetur, maxi-  
me admiratū fuisse. qui igitur te antea uno uirtutis nomine su-  
spiciebam, nunc certe propter coniunctionem honoris summo  
amore complector. Quamobrem studium tibi meum & fortunas  
omnes ultrò deferō, idque cum ex animo & uere faciam, illud sp̄o  
deo & recipio, si eadem tu mihi uoluntatem, ut spero, præstiteris,  
daturum me operam, ne te unquam iudicij tui & beneuoli in me  
animi pœniteat. Vale.

*Felici Tirannio Urbini Episcopo.*

**D**VAE sunt causæ, quibus potissimum solent homines de  
culusp̄iam aut commodi, aut dignitatis amplificatione læ-  
titiam capere: quarum una est, si eiusmodi uir sit, qui in eū  
gradum nō casu, & fortuitu deuenisse, sed probitatis ac uirtutis me-  
rito in eo collocatus fuisse uideatur; quis enim uirtutem non ada-  
met, non amplectatur, nō quouis honore dignissimum existimet?  
Altera uerò est, si quō cognationis, amicitiaue aut familiaritatis  
uinculo cum eo iuncti simus; id enim natura in communi hominū  
sensu atque animo insitum penitus & affixum est, ut eorum, quos  
D ij diligunt,



# LIBER

diligant, rebus secularis latentur inerteant aduersis. Harum sanè  
utrauis causarum idonea est ipsa per se se, quæ gaudium in nobis  
non mediocre excitet ac pariat, & quemadmodum humana hæc  
est & probabilis, sic rectissima illa, & uerissima. Quòd si accidat  
aliquando ut ambe una cōcurrant; tunc uero eximia quædam gau-  
dij magnitudo existat necesse est. Ad ego fueram antea cogitatio-  
ne duntaxat complexus, nunc re ipsa sensi, & in me sum expertus.  
Cum primum. n. nuncius ad nos perlatus est, te summa tum Pont.  
Max. tum amplissimi totius ordinis uoluntate ac studio episcopū  
Vrbini factum esse, tanto sum repente gaudio perfructus, ut illud  
capere animus uix posset. Nimirum aderāt ambe, quas dixi, cau-  
sæ, & inter se connexæ maximè erant: nam eam quisque inter uir-  
tutem uidet, eam grauitatem, prudentiam, ac probitatem quæ ma-  
iora etiam promereatur, grauioraque possit munera tum fiden-  
ter suscipere, tum præclare sustinere. Familiaritas uerò tanta mi-  
hi tecum est, quantam intercedere inter nos iudicari facile potest  
ex summa mea in te pietate, & obseruantia, tuoque item in me ac  
fratres meos singulari amore & plurimis officijs. Nam ut de Ale-  
xandro taceam, quem monitis, & cohortationibus multum sem-  
per adiuuasti, & quotidie adiuuas, quæ tandem, quantaque sunt  
tua in me in Ludouicum atque Hieronymū fratres beneficia? qui  
cum acerbissimo illo Rodulphi Cardinalis pattoni nostri interi-  
tu, quasi grauisimo quodam casu repente ita concidissemus, ut  
uix spes nulla ostenderetur exurgēdi; tu statim curasti; ut quisque  
nostrum, quoad eius fieri posset, per Cardinalem tuum reficeretur,  
ac recrearetur; te scilicet authore & adiutore factum est, ut Lu-  
douicus omni Cardinalis studio ex officio subleuaretur, ut Hiero-  
nymo eius negotia Romæ procuranda committeretur, in quibus  
industriam & uirtutem suam commode explicaret; ut ipse deniq;  
in eiusdem familiam reciperet, eiusque domi tantum otij habere,  
& facultatis, quantum uelim, ad literarū studia excolenda: sed nō  
est hic locus tua omnia in nos beneficia enumerandi. satis sit tan-  
tum dixisse, quantum & tibi, & alijs argumento esse potest, meri-  
to me uoluptatem ex hac honoris tui accessione incredibilem per-  
cepisse. Gaudeo igitur mihi letorque mirum in modum & trium-  
pho, tibi autem ex animo & uere gratulor, primum quòd tam ho-  
nestam, tamque illustrem dignitatem & in familiam tuam pri-  
mus



mus attulisti & in patriam pro longo intervallo retulisti, deinde quod eam nec prece, nec præmio, nec gratia adeptus es, sed à patrone tuo pro multis, maximisque uigilijs & laboribus eius causa susceptis, ultro oblatam accepisti, in quo uidetur profecto mihi prudentissimus adolescens gloriæ & existimationi suæ non minus, quàm commodo & honoris tuo consuluisse: Quis enim eius consilium non probet, prudentiam non agnoscat, liberalitatem non di laudet, dum uidet, eum assiduitati, fidei, industriæ, uirtuti denique tuæ, tot tantisque in rebus cum Duci patri suo, donec uixit, tum sibi ipsi mirificè semper probatæ, præmium dignissimum reddidisse? Neque uerò æquum fuit, in quemquam illum potius hanc animi magnitudinem, ac benignitatem patefacere, quàm in eum, quoduce tu multa alia præclarissima, tum etiam illud didicisti, hoc esse boni & ueri principis opus, hoc grati & sapientis hominis officium. quem consiliorum fidelissimum auctorem, laborum promptissimum socium, actionum optimum adiutorem habuerit, eundem potissimum honorum commodorum, & fortunarum participem facere. Fruere igitur tu laborum tuorum, ac uigiliarum præmio honestissimum: fruatur ille liberalitatis suæ, & grati animi fructu iucundissimo. Ego uerum Deum optimum maximum etiam atque etiam rogo, ut tibi dignitatem istam fortunet, atque augeat: illi maiorem in dies facultatem largiatur, bonitatem animi sui, & liberalitatem declarandi. Vale.

*Dutio Calino Archiepiscopo Hiadere.*

**T**AM & si ego te, ornatissime Antistes, iam ab eo tempore diligere atque admirari cœpi, cū Ludouicus frater meus Venetias Cardinalis uestrum prosequutus, in sermonibus quos mecum habuit sæpe mihi significauit, quàm magna ac uetus necessitudo, & quàm mutuis inter uos amor intercederet, simulque ostendit, te ijs moribus, disciplinis & uirtutibus præstare, quarum decore qui sint ornatī, ista præsertim ætate qua tu es, dignissimi sane uidentur, ut ab omnibus amentur & suspiciantur, tamē ad hanc diem nihil necesse putauī, me ad te scribere, cum præsertim confiderem, fore ut te breui tempore uiderem & scirem interim fratrem meum, qui me primus ad te amandum inflammasset, eūdem futu-



# LIBER

futurum tibi optimum testem, & sponforem mei erga te animi. nunc uerò cum ex literis eiusdem cognouissem, te ab amplissimo Cardinale tuo Hiadere Archiepiscopatu auctum & ornatum esse, putavi arripendam esse mihi huiusmodi occasionem, & dandam ad te aliquam epistolam, qua tibi simul & meum singularem erga te amorem, obseruantiamque aliqua ex parte indicarem, & gratularer, ut uerè ex animoque gratulor, quòd in honestissimo atq; summo dignitatis gradu à patròno tuo uiro optimo & sapientissimo, collocatus sis, probitatis ac uirtutis tuæ merito, nec uerò scio utri magis hoc nomine gratulandum sit, tibiue, qui munus acceperis, an illi, qui dedit; utrique enim uestrum conijcio id maximam laudem & gloriam allaturum esse; nam nec tibi optabilius quicquam aut ad propagationem nominis gloriosius accidere potuit, quam tale præmium uigiliarum & laborum tuorum iuuenem referte, quod perpetuum erit atque clarissimum testimonium egregiæ uirtutis tuæ, officij, fidei atque innocentiae; nec ille melius omnino sapientiusue existimationi & gloriæ suæ cōsulare potuisset, quam hac insigni dignitate cum uirum cohonestando, cuius ipse industria, fide atque opera multis annis integerrima usus est, quique ob eius uariā, & politissimā doctrinā, incredibilem morū integritatē, & reliquas uirtutes eximijs honoribus dignus apparet, itaque neminem fore existimo, quin illius cōsiliū ac liberalitatem adamet, & dilaudet, tuisque pariter cōmodis & fortunis lateat. Ego uerò opto, ut pro summo meo erga uos amore & studio, ut Deus opt. Max. cum tibi dignitatem istam fortunet, atque amplificet, tum illi maiores quotidie opes & facultates cōdonet, quibus possit gratum animum suum, liberalem & magnificum omnibus bonis patefacere. Vale.

*N. Cardinali alterius Card. nomine.*

**C**VM esset ad nos allatum, te Cardinalem factum esse, & si primo dubitavi nonnihil, deberē ne tibi hoc nomine gratulari, quoniam huiusmodi uidebantur tempora, ut quæ nunquam non summopere expetita sint, & omni studio quæsitæ, ea nunc possit quis suspicari reiicienda propemodum esse: tamen ut me collegi, & animum, cogitationemque conuerti ad præstans ingenium



ingenium tuum, & uirtutem singularem, statui omnino facien-  
 dum mihi ut tibi uel maximè gratularer, præsertim cum amplif-  
 sima dignitas & totius collegij consensu & soli fere tibi nunc tra-  
 dita sit, ac delata, ita ut uidearis non additus aliorum numero, sed  
 unus ex multis ad extrema Reip. pericula delectus esse: quis enim  
 non uideat eum, qui tali tempestate ad gubernandum uocetur, nul-  
 la alia, quàm ipsius Reip. utilitatis ac salutis causa accersi, neque  
 gratia id honoris condonari, sed uirtuti debitum, qui quidem  
 uetus est honos, tribui etiam quod ad tempora attinet, cuperem  
 profectò, ut in meliorem rerum statum incurreret munus tuum:  
 id enim esset tibi in præsentia ad animi delectationem multo ube-  
 rius, & ad quietem iuxta accomodatius; sed tamen duris hisce tem-  
 poribus altitudo animi tui, & uis ingenij ac uirtutis plus certè loci  
 habebit ad excurrendum, optimè què de bonis promerendum, &  
 quidem Remp. prosperis rebus gubernare, ac tueri, non ita magni  
 negotij uideri possit; eandem grauitèr laborantem rectè curare,  
 inclinata inuè erigere, & constituere, id uerò eximie cuiusdam uir-  
 tutis est, nempe tuæ. Quare bono sis animo ac forti, & cogita fa-  
 cultatem tibi maximam oblatam esse summæ gloriæ immortalitatis  
 consequendæ, si hac orbis terrarum perturbatione Christiana  
 Resp. tot incommodis & malis aliquid remèdij te adiutore, at-  
 què authore inueniet, quod quidem cum omnes expectare uidentur,  
 tum ego in primis & expecto, & spero; possum enim pro no-  
 stra necessitudine & familiaritate affirmare, te non solum consi-  
 lium, sapientiam, auctoritatem, & maximarum rerum usum ad  
 res moderandas allaturum, sed etiam, quod caput est, egregiam  
 uoluntatem, fidem, integritatem & religionem: ut iam omnia post  
 præclara ista comitia aliquanto lætiora fieri uideantur, & ad con-  
 cordiam res spectare, in quam certe curam potissimè debes om-  
 nem tuam operam, cogitationem, studiumque conferre, si qui-  
 dem ea constituta faciliora tum reliqua fient. uerum confido tibi  
 omnia sine cuiusquam cohortatione aut consilio in mentem ueni-  
 re. Quamobrem illuc redeo, ut postquam ostendi, me tibi ipsi  
 merito plurimum gratulatum esse, uniuersè iam Christianæ Reip.  
 mihi què præcipuè, & omnibus collegis nostris uerè gratuler. id  
 quod non solum à me, cui omnia summæ necessitudinis uincula  
 tecum intercedunt, uerum etià à cunctis ubique fieri sentio cum  
 magna,



# LIBER

magna, & aperta significatione lætitiæ: quis enim ita impius, ita Christianæ ueritati gloriæq; infensus existat, qui, cū ad gubernacula naui, quæ preciosissimis, sanctissimisq; rebus & uiris onusta ac referta, aduersa uentorum agitur, uideat gubernatorem accedere uigilantem, fidelem, peritum & religiosissimum, mira quadā uoluptate non perfundatur, simulque in spem aliquam ueniat, fore, ut naui illius opera & auxilio portū aliquando attingat? Quare etiam si molesta tibi ac laboriosa futura sit hæc prouincia, libenti tamen & alacri animo eam suscipere debes communis commodi gratia. ad quod maxime orti, & à natura. Deoque optimo informati sumus. Reliquum iam esset, ut meam tibi operam, quem admodum fit, & studium pollicerer, uerum id me pluribus agere nec uetus nostra amicitia patitur, plurimis, maximisque officiis perspecta & confirmata, nec meo sane ingenio, moribusque conuenit, quippe qui soleam hæc re magis, cum usu uenerit, quam uerbis præstare. tantum ergo dicam, posse te rebus meis omnibus, tamquam tuis, sine ulla exceptione uti. Vale. Mantuæ.

*Marcello ij. Pont. Max.*

**T**AM & si cum primū audiui de obitu Iulij iij. Pōt. Max. me cum ipse reputans magna tua atq; innumerabilia in Remp. Christianā merita, summamque integritatem, religionem, maximarum rerum usum & sapientiam tuam propè diuinam, statim in spem maximam ueni, fore, ut tu in eius locum cooptareris, & propterea uehementer gaudebam, ac bonis omnibus ex animo gratulabar; tamen quoniam occurrebant ex altera parte perditionum nostrorum temporum mores, ingentes dissensiones, tetraque & intolerabilia hominum delicta, unde non nihil timendum uidebatur, ne iustissimus Deus tali nos tantoque rectore & pastore indignos esset iudicaturus, multo sanè maiorem uoluptatem & lætitiā cœpi, postquā certus ad nos nuncius allatus est, te Pont. Max. factum esse, tanta totius collegij conspiratione & consensu, ut nunquā ferè post hominum memoriam in tali causa maior extiterit: cuius quidem lætitiæ magnam partem mihi affert dignitas tua: nihil enim poterat tibi optabilius, aut gloriosius accidere, quā ad summum imperium ita efferri, ut plane constaret inter



ter omnes, illud tibi, sicut alios honoris gradus, quos antea multos consequutus fueras, nullam aliam ob causam, quàm propter magnitudinem meritorum, & uirtutum excellentiam delatum esse: id sanè apertissimè declararūt summa Cardinalium studia, propensissimæque erga te uoluntates, & facit tanta præter omnium expectationem celeritas sine ulla contentione, aut omnino cura, non modo cupiditate uel ambitione tua, ut, quin diuinitus hoc factum sit, nemo dubitare possit: neque uero minorem gaudij mei partem sibi uendicat commune uniuersæ reip. Christianæ commodum, quæ quidem ita iam afflicta erat, & perdita, ut, nisi talè principem, & gubernatorem, hoc est optimum & peritissimum nacta esset, uix erigi amplius, aut recreari posse uideretur; hinc illi hominum concursus & clamores uulgo te iam ante comitia Pont. Max. postulantes, & appellantes, hinc postquàm Pont. Max. renuntiatus es, uniuersi penè orbis terrarum exultationes, hinc crebræ sapientissimi senatus laudes, & Deo opt. Max. decretæ passim supplicationes. Sed hæc uoluptatis & lætitiæ causæ sunt mihi communes cum plurimis; illa uerò magis propria, quòd uideo, eum uirū cuncto populo Christiano moderando præfectum esse, quo episcopo patria mea fidissimo, integerrimo, & uigilantissimo usa est, quique pro eius incredibili humanitate, ac bonitate, domum nostram magno semper amore, & præcipuis studijs est prosequutus, quo magis sperandum mihi esse uidetur, fore, ut nobis perpetuo faueas, adiutorque sis, siquidem & nos nihil sumus unquàm de summo nostro erga te studio, singularique cultu, & obseruantia remissuri, quam etiam augeremus, si quis esset augendi locus, & tu ita semper constantia, grauitateque omnibus præstitisti; ut uerendum minime sit, quin memoriam nostri cōstantissime serues. Quod ut facere ne graueris, suppliciter etiam atque etiam peto, sacros S. tuæ pedes demisse amplectens, & piè osculans, Deumque humiliter deprecans, ut te ad ecclesiæ suæ commodum incolumè & felicem quàm diutissime seruet. Vale. Patauij.

*N. Card. alterius Card. nomine.*

**V**T primum nuntiatum est mihi, te à Pont. Max. uniuerso-  
que nostro Cardinalium collegio in hunc amplissimum  
E ordinem



# L I B E R

ordinem cooptatum esse, ea sum affectus lætitia, ut nihil omnino differendum mihi duxerim, quin aliquam huius gaudij partem literis tibi significarem, simulque gratularer de hoc summo amplissimoque dignitatis gradu, præsertim cum multo plures, grauiioresque causæ esse uiderentur, cur tibi gratulari deberem, quàm ceteris, qui hanc dignitatem consequuntur: plerique enim tum denique in hunc locum ascendunt, cum & iam matura sint ætate, & maximis, diuturnisque laboribus, ac muneribus perfuncti fuerint: tibi uerò & adolescenti planè, nec iamdiu speranti is honor tributus est, atque ijs studijs, eaque tributus est conditione, qua nemini fere unquam, quibus quidem ex rebus singularem Pont. Max. erga te amorem, ac pietatem, præclarissimumque de ingenio ac uirtute tua iudicium quis non uideat? cuius sane diuini ac sapientissimi uiri iudicium tanti apud nos esse debet, ut certo putemus, maxime te dignū fuisse, in quem hæc summa dignitas summis studijs conferretur, nobisque persuadeamus, fore, ut in dies magis lætemur, te nos habere collegam, nisi forte credamus, eo consilio, eaque sapientia uirum in eo uoluisse suum familiæque suæ nomen renouari, quem non certo prospiceret, memoriam illius nominis rerumque tum ab ipso, tum à patribus suis pro Rep. Christiana præclarissimè gestarum non modo non obscuraturum, uerum etiam illustraturum esse. Restat, ut operam tibi meam, studiumque omne sine ulla exceptione pollicear ac deferam; & quidem nihil mihi hoc tempore gratius accidere posset, quàm si qua facultas daretur, qua possem summum meum ac propè fratrum erga te amorem declarare; ut etiam uerè dicam, in magna uoluptate quam capere ex hac dignitatis tuæ accessione illud non me diocriter doluerim, non licuisse mihi per absentiam, operam tibi meam ac studium in hoc ipso negotio præstare; cognouisses enim id quod ut cognoscas ualde cupio, me gloriæ, amplitudinisque tuæ cupidissimum esse. sed profectò si minus opera, at certe animo ac uoluntate præsto fui, eroque ad omnia, quæ ad honorem utilitatemue tuam pertinere sensero, quod tu plane ita esse dubitare non debes: nam ut ætatis, ac dignitatis nostræ æqualitatem mittam, ceteraque permulta, quæ me tecum maximis quibusdam uinculis coniungere uidentur, quanti non modo mihi, sed etiam omnibus hominibus æstimanda est, Pont. Max. præclara erga te uoluntas?



luntas? huius sanè tanta est prudentia, ac sanctitas, tot, tantaque in me merita, ac beneficia, ut necesse sit mihi, quemcunque ab eo amari intelligam, eundem colere, & obseruare, atq; adeo quibuscunque rebus possim adiuuare. quod cum ita sit, curabo tamè, si qua occasio dabitur, ut id re ipsa etiam clarius cognoscas atque perspicias. Vale, & me mutuo ama. Perusiæ.

*Stanislao Hosio Card. Vuarmiensi Herculis Gonzagæ  
Card. Mantuæ nomine.*

**M**AGNA equidem lætitia sum affectus, cum primum audiui, nostrum collegium tot, tantisque uiris auctum atq; ornatum esse. sed, ut uere dicam, nullius dignitate, ne Franciscum quidem fratris mei filium excipio, magis gauisus sum, quàm tua, neque uero opinor, fore, ut mirum id cuipiam uideatur, ne dum tibi qui profecto, quemadmodum eximiam semper in me uoluntatem prætulisti, ita de amore erga te meo singulari dubitare, nullo pacto debes: quis enim est, modo ne sit Christiano nomini infensus, quin te Cardinalem factum esse mirificè lætetur? mihi certe hoc præsertim tempore, quo me Pont. Maxi. sacri Concilii Tridenti celebrandi Legatum declarauit, nihil gratius, aut optatius accidere potuit. nam quo minus me aptum esse ad tantum munus sustinendum intelligo, eo magis cupio, ad Petri nauem moderandam huiusmodi gubernatores uocari, qui possint eam ab imminenti tempestate tueri, integramque seruare. quorum sanè unum, atq; adeo principem te futurum esse non solum magnopere desidero pro meo incredibili in Christ. Rempu. studio ac pietate, uerum etiam propter summam uirtutem, doctrinam, religionemque tuam facile spero. cum enim ante hac Romanam Ecclesiam studiose colueris, ac defenderis, nunc certè eo plura ac præstantiora à te expectare & possumus & debemus. quò in altiore dignitatis gradu constitutus, maiore cum auctoritate in prouincia iam pridem suscepta uersaberis, quo quidem iure fit, ut ipse non tibi solum ac mihi, sed uniuersæ etiam Reipub. nostræ de hac tua honoris amplificatione plurimùm gratuler, mea-que studia, officia, atque opes ultro tibi pollicear, ac deferam. Vale. Mantuæ V. Idibus Martii M D L X I.

E ij N. Card.



# L I B E R

*N. Card. alterius Card. nomine.*

**G**RATISSIMAE mihi fuerunt literæ tuæ, quibus me Cardinalem factum esse gratularis; ex iis enim facile cognoui, quantum me ames, quantæque tibi curæ sit honor, & dignitas mea. Tu uero sic habeto, multis me quidem rationibus lætatum esse, cum intellexi, me in uestrum sanctissimum collegium cooptatum fuisse, sed hoc potissimum, quod te collegam habeā, quem cum ob innumerabiles uirtutes, præstantemque doctrinā, tum ob singularem erga me amorem, semper sum admiratus, semperque amaui, ac patris loco habui, quamuis te quidem, cum ea prudentia, eo rerum gerendarum usu & exercitatione præditus sis, non tam collega, quam magistro, ac duce, uti cogito. Quare illud mihi planè affirmanti credas uelim, te neminem ex hoc collegio habiturū, qui te magis diligat, magis obseruet, magis denique tua causa cupiat. Id ut re cognoscere possis, cum se occasio obtulerit, diligentissime curabo. Quod uerò me amantissime hortaris, & admones, ut quam expectationem de me apud uos concitauī, eā sustineam, & tuear, multum te amo, atque ut cum & priuatis, & publicis in rebus me præstem, quæ tu me esse affirmasti, huiusque tam illustri muneris mihi traditi dignitas maxime postulat, omnibus meis uiribus enitar. Quod autem ad Fabium attinet, quem mihi diligentissime commendas, uide quæso, quid tua commendatio ponderis habuerit. Is cum antea uix mihi cognitus esset, nunc non inferiori apud me loco est, quam sit ullus ex ueteribus familiaribus meis. Vale.

*Nicolao Rodulpho Card.*

**E**T si superiori etiam anno sæpius à me Ludouicus frater petierat, ut ad te (quemadmodum postulare totius domus nostræ erga te obseruantia tuaque singularia in eam beneficia uidebantur) manus, ut moris est, osculandi causa uenirem, & ut quasi nomen in tuos darem; ego tamen cum pudore & timiditate quadam mea tum præcipuè fortunæ, ac dignitatis tuæ altitudine, atque splendore deterritus, præsertim cum nihil haberem, quod posset aditum mihi ad tantum uirum patefacere, semper id subter-



subterfugeram. Nunc nero cum idem frater meus, dixisset mihi, certum sibi esse, Balneariam me hac ætate secum ducere, uelle autem planè, ut ante huic erga te officio satisfacerem, adiunxisset-que præterea, committendum non esse, quando tam diu hoc distullem, ut inanis & nulla cum re, qua posset tarditas mea aliqua ex parte corrigi, atque compensari, ad te adirem, statui faciendum esse mihi, ut pulcherrimam illam, elegantissimamque Demosthenis orationem, de corona quæ inscribitur, quam non multis diebus ante è græco in latinum conuertendam susceperam, tum græcas literas addiscendi, tum stylum exercendi causa, quam primum absoluerem, ut possem eam mihi tanquam Ducem ad te adhibere. & quanquam non nulla in contrariam partem mihi ueniebant in mentem, atq; illud in primis, quod à multis iam conuersa est, tamen cum bonam iam illius partem conuertissem, nec aliud quicquam tum in manibus haberem, atque etiam considerem, fore, ut eius sententiarum grauitate & acumine meorum uerborum insulitas obtegeretur, malui hanc ipsam conficere, quam aliud aggre-di. eam autem ita uerti, ut non neglexerim, quantum recte fieri potuit, uerbum uerbo reddere; & maxime laborauerim, membrum membro restituere, nec tamen religio fuerit mihi, aliqua interdum uerba uel relinquere, uel addere aut numeri complendi gratia, aut ut melius intelligatur, cum legitur. Hanc igitur tibi detuli, cum ut esset studiorum meorum, quæ tibi planè dicaui, quasi testis, tum uero, ut si eam tibi uiro eruditissimo (quantum est ab hac mea ætate expectandum atque postulandum) non admodum improbari, cognoscerem; animus meis studijs & alacritas accederet: sin minus, conarer tamen efficere assiduo, diligenti que studio, ut possem tibi aliquando, uel in hoc genere aliqua ex parte satisfacere. Vale, & nos, domumque nostram, si sentis totam tibi tuis pluribus singularibusque beneficijs addictam, deditam, obstrictam esse, eo, quo facis, amore, & benignitate prosequere, ut quo authore inclinata iam caput extollere, & surgere cœpit, eodẽ adiutore prorsus erigatur, atque confirmetur. Romæ.

*Braccius Martellus Fesularum episcopus Iulio Gabrielio.*

**Q**UAE ego de te ad Ludouicum fratrem tuum optimum, mihi que carissimum scripsi, disertissime Iuli, uelim existimes,



# L I B E R

times, me non beneuolentia magis erga te, quàm iudicio quodam meo, & certa ratione ita scripsisse: Iam pridem enim de tuo ingenio præclara omnia & summa mihi pollicitus sum, quod meum sanè iudicium ita proximæ tuæ ad me, fratremque tuum literæ comprobarunt, ut cum tibi in his gratulor, mihi quoque ut gaudeam necesse sit: significatur enim in his, quod Marcus Tullius inquit, tanquam in herbis, quæ uirtutis tuæ maturitas, & quantæ fruges industriæ sint futuræ: Habēt enim miram uerborum, ac sententiarum grauitatem, & elegantiam, planeque in his uidere est prudentis cuiusdam & eruditæ adolescentiæ, dicendi facultatem; quæ quidem non solum abs te scitè cogitata locutione latina, pura quidem & emendata mirabiliter explicantur, sed ita etiam, ut in his appareat mirus animi tui impetus ad laudem, mentisque ardor ad studia literarum. Quo fit, ut magis, ac magis cum tuo merito te amare & admirari, tum etiam nostrum de tui ingenij ratione iudiciū amplexari, & retinere debeamus. Sed de his fufius aliàs, & ad alios, nam ad te de te ipso præsertim parcius quidem & uere cundius scribendum fuit propter utriusque pudorem; quem tamen abs te non satis seruatum in mea laude, tuis in literis haud facile patior. Sed ut ad ea ueniam, quæ tibi de meo officio, atque opera apud Rodulphum tuis in rebus, non minus prolixè, ut scribis, quàm uere etiam atque ex animo pollicitus sum, Scito me non tam constantiæ meæ gratia, quàm propensa quadam in te fratremque tuum uoluntate nihil prætermisurum, quod ad commoda & rationes studiorum tuorum constituendas, atque amplificandas pertinere posse existimabo. Sed quanta sit hoc tempore apud eū authoritas mea, ut uerum fatear, planè ignoro. Illud certo scio recepisse te cum iam pridem in fidem suam, tuæque industriæ, ingenio, studiisque pollicitum esse suo tempore nō defuturum. Nunc te iam ista ætate, splendore ingenij, eruditione, facundia, maximarum artium studio, & cupiditate flagrantem iacere diutius passurum non puto. nam præterquàm quòd ad fidem eius & officiū pertinet; recepit enim, ut dixi, & mecum liberalissime de te locutus est; cognoui etiam cum semper studiosorum artium bonarū, tuique similium fautorem omnino adiutoremque fuisse. Quare quòd spem omnem tui, ut scribis, rerumque tuarum in eius præsidio collocatam habeas, factum rectissime puto; apud quem etiā

siquid



siquid cohortationes meæ, precesque ualebunt, tibi profecto, tuisque ualebunt; nihil est enim ea in re, apud ipsum Rodolphū, quod tui causa, fratrisque tui facturum nō sim; utrumque enim uestram mirifice diligo. Ludouicum etiam fratrem, quem semper plurimi feci, multo quidem pluris dum ab fui faciendū duxi, quod meis in rebus gratum illum & memorem sum expertus, summaque cū fide hominem, tum etiam beneuolentia. Sed certe mea in uos studia & officia multo exploratiora essent uobis & aptiora, si Romæ essem. Quod uero te cum ipso fratre mirifico etiam studio in me & officio esse ostendis, agnosco humanitatem uestram, atque id quidem gratissimum habeo & gratias ago: maximo enim uos mihi esse ornamento & commodo semper existimaui, semperque plurimum & suauitatis, & utilitatis in uestro ingenio atque humanitate putabo constitutum. Reliquum est, ut quoniam in ipsis tuis ad fratrem literis, te non satis firma ualetudine esse, ei que si tibi per fratrem liceat, inferuire uelle opportunè significas, uehementer probem consilium tuum, ut omnem uidelicet adhibeas diligentiam ad te confirmandum, nec quicquam aliud cures hoc tempore, nisi, ut quàm commodissime & quàm firmissime conualescas, quo ea quidem, quæ optas, & quæ agenda tibi proposuisti, facilius consequare. Vale. Bononiæ.

*Braccio Martello Fesularum Episcopo.*

**N**ON potui non cumulari maximo gaudio, ut uidi literas tuas, qui constituissē fateri, satis me à te habere ea grauitate, eaque occupatione uiro, si in litteris tantum, quas solles ad Ludouicum fratrem meū scribere significasses, meas te non inuitum legisse. sed tu, qui ut probitate, doctrina, consilio cæterisque uirtutibus nemini cedis, ita omnes humanitate, & officijs, superare contendis, non satis habuisti id facere, nisi etiam ad breuem & minime elegantem Epistolam meam, bene longam elegantissimamque rescriberes. lectis uero literis, incredibile est quanta uoluptate perusus sim, quæ enim & quanta in ijs amoris erga me tui uestigia? quæ præclaræ uoluntatis indicia? Sed doleo non mediocriter adeo me esse uerborum inopem, ita parum ualere ingenio, ut nec possim lætitiā hanc explicare, nec gratias tibi pro dignitate



## L I B E R

gritate agere, atq; id ipsum efficere iam pridem cupio, & conor, utrum quò magis cogito, eo minus quibus id uerbis faciam reperio, nec alia ulla sane causa fuit, cur diutius distulerim tibi respondere, quàm res fortasse postulabat. Velim igitur excusationem meam accipias, & quando facultas mihi non solum ad referèdas, sed etiam ad agendas gratias planè deest, uoluntatem certe ames & complectaris. De me sic habeto, ualere me nunc quidem rectius multo, quàm Romæ cum eram, ut uideatur locus hic, ac cœlum salubre mihi quidem fuisse. Quare cum Perusinus aer non minus sit quàm noster purus, & tenuis, nec parem copiam ibi deesse uirorum tum latinè, tum græcè eruditorum, uenit mihi in mentem hûc annum illic traducere, ut possim sine magno studiorum detrimento ualeitudini confirmandæ operam dare. De Cardinali bene habet. iacta sunt fundamēta spei. in quo quidem cum tempus ferre uidebitur studio atque opera tua tam familiariter ac libere utemur, quàm tu eam nobis benigne, & comiter pollicitus es. quin cōfidimus id te loco & tempore uel nullo admonitu nostro tua spōte, quæ tua est humanitas representaturum. Vale. Eugubij.

*Julio Feltrio Card. Urbin.*

**Q**UAM dulcis, & optanda sit patroni, optimi præsertim & humanissimi consuetudo, tum præsens experiebar, tum uerò absens multo magis intelligo. nam cum primum Perusia tu, mi Patrone discessisti, tãto sum animi angore oppressus, ut, quasi fida & gregalium studiosa ouis à Pastore suo ac reliquo grege sola relicta, quid agerem, quò me uerterem non haberem, quamobrem satius esse constitui, ut ipse etiã illinc abirem, meque in patriã reciperem, arbitratus fore ut uel loci mutatio, patriæque ipsius dulcedo, uel meorum conuictus plurimum mihi afferret ad dolorem, & desiderium leuandum, quod è te, totaque familia tua incredibile capio. Itaque postridie, quàm uos profecti estis, feci. neque ita tamen uideor mihi multum profecisse illud potius, ac propè unicum solatium inuenio, ut in literis, & libris acquiescā meis: hoc enim modo præter uoluptatem, quam ex ipsis studijs percipio, accedit præterea, ut uidear mihi eodem tempore tecum quodammodo esse, putemq; in eo maxime me tibi gratificari, id quod  
in



in primis opto, & potissimum quæro, ac studeo. Vale: nec enim habeo quod ad te ex his locis scribam, præsertim cum nuncius ad huc nullas post uestrum discessum de uobis ad nos allatus fuerit. quem quidem auide expectamus, ut possimus te, & saluum Romam uenisse, & ea, qua par est, omnium gratulatione, & lætitia fuisse exceptum gaudere. Iterum uale, et, si ego te perpetuo ubicunq; fueris in domini loco colam & obseruabo, uelis tu me uel absentem in numero tuorum, ducere: ut enim illud à me cum uirtutes tuæ singulares, tum plurima, & maxima erga nos merita flagitant, sic id à te tua summa bonitas, & humanitas postulare uidentur. Eugubio.

*Galeatio Florimontio episcopo Aquinati.*

**S**CRIPSIT ad me proximis diebus Hieronymus frater meus, cum ille apud te officij causa esset, & accidisset, ut de ijs sermo haberetur, qui se se laudant frequentius, & res suas passim prædicant, dixisse se: Plutarchum hac de re copiose dissuasse, & docuisse, qua ratione esset hoc uitium fugiendum, quod modo facere id quispiam posset sine inuidia: tum addidisse hoc Plutarchi opusculum latinè à me uersum fuisse, postremo, ne singula referam, illius legendi potestatem tibi à se factam. Quod quidem me adeo commouit, ac perturbauit, ut fratri, quem alioqui maxime, ut debeo, uereor, hac de re non potuerim non aliquantum subirascei, quod meam penè pueri lucubrationem ausus sit tanti uiri iudicio committere. Is quidem libellus, quem quatuor abhinc annis, cum admodum adolescens essem, mihi ipsi uerterram, superioribus diebus scripta quædam uoluntati mihi in manus cum incidisset, uenit in mentem facere, ut eum ad fratrem mitterem, non ut alij illum ulli legendum præberet, sed ut ipse secum haberet, & legeret. accidit igitur contra opinionem meam, ut tu illum legeris; cuius lectionem cum suspicer multis in locis elegantes & acutas aures tuas offendisse, uisum est mihi, te obsecrare, ut culpam omnem uel in fratrem, qui eum tibi me nec opinante tradidit, uel certe in eam, qua tum eram, ætatem conferas: sed quid adolescenti tibi, inquires, in mentem uenit Plutarchum non dico uertere sed attingere omnino, aut legere, scriptorem ita

F      grauem,



# LIBER

grauem, ita difficilem, ita durum? non abnuo, ea me latine reddere illa ætate fuisse aggressum, quæ ne nunc quidem satis intelligere, non fateor modo, uerum etiam profiteor; idque eò arroganti-  
 tius fecisse, quod cum à nemine hætenus, quod equidem sciam, latine sit libellus hic redditus, nullius uigilijs aut scriptis poteram  
 ad hanc rem adiuuari, si tamen adiuuant, nec nocent pleraque ijs præsertim, qui percipere ac tenere græcas literas purè, & uere stu-  
 dent. Agnosco igitur erratum meum, quod tamen illius sit ætatis, quæ, cum discendi studio quodam ardentiore raperetur, parum  
 uidit, quid efficere posset; quinè sui essent termini, & quasi cancel-  
 li, & quidem illum ego libellum, pulchritudine tituli allectus, exercitationis tantum causa conuerteram, nunquam fore arbitra-  
 tus, ut in alienas ullius manus deueniret, ne dum in tuas, quibus ni-  
 hil planè committendum existimo, nisi perfectum & omnibus suis  
 numeris absolutum. quod si id diuinare potuissem, primum certè  
 compressissem omnino meam hanc lucubrationem, ac ne fratri  
 quidem credidissem: deinde precibus à Deo petissem, ut nullum  
 huiusmodi sermonem apud te haberi sineret, qui causa esse pos-  
 set, ut tibi legenda præberetur, postremo eò me uertissem; ut id  
 ante mea sponte facerem, quod nunc fratre authore feci, ut scili-  
 cet illam iterum cum græco conferrem & diligentius expolirem.  
 feci id igitur (quo ad eus per me fieri potuit) diligentissime, eamq;  
 eidem fratri meo remisi, ut quod antea me inscio atque inuito fe-  
 cit: idem nunc me iubente, atque adeo postulante faciat. Te au-  
 tem rogo, ut tuam de eo sententiam, apertè mihi, ut soles, cuius-  
 libet, omnia & libere significes: erit enim ea mihi quædam quasi  
 formula & præscriptum ad alia conuertenda, siquid in posterum  
 libuerit è græco latinum facere. Quod si pressius quædam tibi (ut  
 suspicor) & durius etiam nunc dicta uidebuntur, cogitare debe-  
 bis, id eum, qui Plutarchum latine reddat fugere uix aut ne uix qui-  
 dem posse, nisi fortè sententiæ tantum scriptoris excepta, reliqua  
 modo suo tractet. id quod mihi facere non libuit, qui quidem  
 quamuis uerbum uerbo ubique non reddiderim, tamen tibi lati-  
 num occurrit, quod græco arbitratus sim respondere, non com-  
 misi, ut ab authoris breuitate longius discederem ac rem longiori-  
 bus anfractibus circumscriberem. Reliquum est, ut scias, me, qui  
 cæteroqui ægre tulerim, fuisse tibi à fratre libellum illum osten-  
 sum,



sum, hac una de causa facile id passum esse, quòd occasionem mihi oblatam putavi; qua possem tibi non incommode meum in te amorem & obseruantiam, fama ipsa probitatis, ac uirtutis tuæ concitatum, aliqua ex parte significare. Scito igitur, me in te amando, & colendo non modo Hieronymo fratri non cedere, à quo te scio mirifice diligi & obseruare, sed ne cuiquam quidem eorum, qui tecum assidue & familiariter uiuunt, quod si plerisque mirum fortasse uideatur, cum ego te nunquam aut uiderim, aut salutaerim, tibi certè confido non solum non admirabile, sed etiam facile uisum iri, quippe qui non ignoras, quanta uis sit uirtutis, & quā tos soleat illa sui amores apud omnes excitare. Vale. Perusiæ.

*Galeatius Florimontius Episcopus Aquinas  
Iulio Gabrieli.*

**H**IERONYMVS. natura tibi germanus frater, & idem mihi ætate, & amore charissimus filius, literas tuas mihi reddidit, unā cum Plutarchi libello, qui inscribitur, quā quis ratione se ipsum laudare possit sine inuidia, quem tu è Græco in Latinum uertisti. His ego literis responsurus, Ciceronis illud ad Trebonium meo iure usurpare posse uideor, & literas tuas legi libenter, & librum libentissime, quæ quantum me ad te amandum incitauerint, facile perspicere poteris ex eo, quòd tecum sic agam, quemadmodum agere soleo cum ijs, quos & plurimum diligo, & magna mihi familiaritate, & necessitudine coniunctos habeo: eorum enim mores diligenter perpendens, si quid in eis, quòd mihi non probetur, deprehenderim, id eos non minus libere, quā amanter admonco, quo officij genere mea quidem sententia in omni amicitia non modo utili, sed ualde necessario, ut ego tecum uel in ipso nostræ familiaritatis limine fungar, literæ tuæ effecerunt, in quibus eum legerem, te adeò grauiter tulisse, ut etiam exposulaueris cum fratre tuo, quòd is libellum à te latinū factum, mihi legendum dederit, non nihil id sum miratus, sensumque hac de re meum tibi planè aperiendum statui. Nam obsecro te, charissime Iuli, quid detrimenti labori tuo ex mea lectione accidere posse putasti? errata, credo, ne à me, si qua fuissent, deprehenderentur. At fratris exacta lima, qui illum perlegerat atque

F ij cum



## L I B E R

cum græco codice diligenter contulerat, te ab hoc metu liberare facile poterat. Sed esto illic errata fuisse, & me talem esse, qui illa notare possim, quod tamen non modestiæ, sed ueritatis causa nego, num indignari te oportuit? ab opere (inquis) nondum recesseram credo. sed num id circo famam ingenij tui in discrimen uenturam uerebare? Hoc equidem nullo pacto timendum erat, quoniam nihil aptius facere, & curare potestis, qui suo labore, cupit ingenij, & doctrinæ famam colligere, quàm ut opus suum ante, quàm in uulgus exeat, à multis legatur, multorumque iudicium subeat. Non te latere arbitror, illius celeberrimi pictoris uulgatissimum factum, qui non prius manum tollebat à tabella, quàm illam oculis populi complures dies antea expositam habuisset. Quod quidem à me sic probatur, ut cū humano genere præclarissimè actū iri putem, si natura sic esset comparatum, ut unaquæque mulier conceptum in utero fætum antequàm ad iustam perueniat magnitudinem, ex alueo in solem proferre posset, illumque patri non secus, ac Poetæ poema conspiciendum offerret, ut si quid in eo uitij deprehenderetur, eundem rursus in album includens, instar operis male tornati, incudi redderet, omnibus suis numeris absolueudum: nimirū. n. ex eo fieret, ut omnes homines pulcherrime formati in lucem ederentur. Itā nullos uideremus claudos, nullos cæcos, nullos gibbosos, strumosos uè, nulla denique monstra nascerentur. Sed quando quod natura in corporibus effingedis negauit, id planè in animi quasi fœtibus quibusdam formædis elargita est, ut quæ in utero mentis concipimus, ea nullo negotio exprømere, in manibus habere, oculis aliorum proponere liceat, atque eadem rursus in eundem uterum condere, ibique retinere, ac fouere tandiu, quo ad operi manus accedat extrema, cuius est obsecro uel negligentia, uel superbiæ in conscribendis, edendisq; libris nullius antea iudicium requirere, suo duntaxat contentum esse? hinc nimirum fit, ut tam multi erroribus referti libri edantur, ut postremo etiam authores ipsos laborum, & uigiliarum suarum frustra pœniteat. Habes mi Iuli, specimen quoddam consuetudinis, & amoris mei, unaque pignus institutæ inter nos amicitia. Redeo nunc ad epistolam, in qua quidem, excepta ea, de qua dixi querimonia, quæ tamè perinde ac næuus in pulchra facie, eam reddebat uenustiore, cætera summa mihi laude digna uidebantur. Sed cum eā,

& amo-



& amoris, & obseruantia erga me tuæ notis undiq; conspersam intuerer, ueluti corruptus iudex, male uerum examinare me posse arbitratus, amicis quibusdam doctrina, iudicio, integritate præstatis, Quintilios dices, legendam tradidi, quæ ab illis cum ualde laudata est, tum uero minime uulgarem de studijs tuis, & ingenio spem atque expectationem concitauit. De libello autem ipso, ut planè quid sentiam dicam, illud primum affirmo, mihi titulum ualde arrisisse. Deinde sic te uisum esse omnes authoris sententias latinis aptisq; uerbis exprimere ac reddere, ut laborè in illo uertendo tuum summo opere laudem, & probem in quo sanè mihi uideris probos, & humanitate præditos medicos æmulari studuisse, qui si quod innenerint eximium, ac præsens contra pestilentiam remedium, non illud in priuatum quæstum suum supprimunt, cælantq; sed statim in uulgus ad communem hominum utilitatem gratis proferunt. Nam ego ipsum quidem iactantiæ morbum non dissimilem pestilentia iudico, tum quod passim ab omnibus, tanquam pestis quædam id genus hominum uitari solet, tum quod certas nationes, quas honoris causa prætereo, infecerit uniuersas, ita ut dices singulos eiusdem prouinciæ homines in eodem ludo fuisse edoctos. Quare censeo tibi non exiguam habendam esse ab omnibus gratiam, qui tuo labore tam pestilenti morbo tā præsentem fecisti medicinam. neque enim minus tu quidem de hominibus nostris, quibus tam salubre remedium utendum proposuisti, quam Plutarchus de suis, ad quos scripserat, benemeritus esse uideris. Vale. Romæ.

*Galeatio Flarimontio Episcopo Aquinati.*

**L**itteræ tuæ, & humanitatis amorisq; plenæ, & grauissimis uerbis atque sententijs ornata, cum nullo unquam tempore potuissent mihi non gratissimæ accidere, tū eo nunc quidem gratiores acciderunt, quod minus eas expectabam: cum enim scirem, multis te maximisq; negocijs assidue distineri, ut Epistola mea respondere, nec sperabam amplius, nec audebam postulare uero fatis. magnum uiderer mihi laboris mei fructum percepisse, qui intellexeram iam ante ex literis Hieronymi fratris, Epistolam meā, & libellum à me latine uersum, fuisse abs te magnopere



# L I B E R

pere probatum, tamen habere à te ipso eiusdem rei tam clarum, tamque illustre testimonium, profecto ita gaudeo, ut uidear ipse etiã mihi posse Ciceronis illud ad Catonem, uel Hectoris potius illius Neniã meo iure usurpare, lætus sum laudari me abs te, pater, laudato uiro, & uere iam possum non modo patrem te appellare, uerum etiam optimum ac prudentissimum patrem, ut enim solent probi parentes liberos tum læto animo laudare, si quid egerint laude dignum, tum libere reprehendere, ac pie corrigere, si quid offenderint, sic tu me, & commode laudando ad uirtutem incitasti, & sapienter admonendo, ac summa cum charitate corrigendo docuisti, debere eum, qui cupiat operibus edendis ingenij atque doctrinæ famam colligere, eo potissimum incumbere, ut illa à multis antea legantur, quam in lucem exeant; quo quidẽ nomine amo te mirum in modum, & simplex, apertum ne singulare ingenium tuum hac in re facile perspectum maxime admirer: sed tamen nolo prætermittere, quin me tibi ea de re breuiter ac simpliciter purgem, idque non quod monita tua sapientissima, simul, & fidelissima ullo modo respuam, quæ quidem, ut par est, toto pectore completor, & pura mente suscipio, sed ne uidear agnoscere crimen, & confiteri. Quod igitur grauer tulerim, fuisse tibi à fratre libelli illius à me latine redditum, potestatem legendi factam, nolim, putes, aliam fuisse huiusce rei causam, quam quod eum non cogitarem edere, nec edendum putabam, fuisse autem eo studio, quo scribis, ab ipso fratre antea lectum planè ignorabam, nam & hoc si sciuissem recte tulissem animo æquiore, & illud si cogitasset, gratias fratri eo nomine egissem, tantum absuisset, ut expostulasset, atque adeo opus ego ipse meum Apellis exẽplo spectandũ uulgo proposuissem, aut certe uiris aliquibus, & honoris mei cupidis, & doctrina, iudicioque excellentibus, qualem te esse planè uideo, priuatim ostendissem, nam & ab arrogantiæ crimine longè semper abesse studui, & Quintilios, Aquinios adeundos nunquam non existimaui his, qui cupiunt, eorum scripta ita exire, ut possint cuiusuis iudicium tuto subire, si quidem ij, qui blandos quosdam uiros, & assentatores ad sua scripta ducunt, nihilo mihi quidem minore, atque adeo maiore uidentur reprehensione digni, quam illi sint, qui proprio iudicio & sensu freti, nullius antea peritioris uiri sententia requisita, quicquid fuerint elucubrati continuò edunt. Quare cum futurum esset,



esset, ut libellus ille meus in hominū manus ueniret, q̄ eū Hieronymus frater non mō diligenter inspexerit, uerum ēt tibi legendū antea tradiderit, debeat ei magnam gratiam, facitque hęc res, ut facilius patiar, eum nescio quomodo, me certe nec opināte, exiisse. quem cum tu his literis offirmes, non modo abs te probatum esse, uerum etiam a non nullis amicis tuis & autoritate grauissimis, & doctrinā, ac iudicij laude pręstantissimis ualde laudatum, uideo nihil esse amplius, quōd uerear, quin ab omnibus comprobetur. quod tamen si secus accidat, uestro ego iudicio, & autoritate libenter acquiescam. Nam quod scribis fore, ut hic meus labor utilitatem hominibus non mediocrem afferat, pergratum mihi quidem fuerit, si, quod meę tantum utilitatis causa fueram aggressus, id in commune multorum commodum redundauerit, & hęc quidem hactenus. Verum facere non possum, quin tibi gratias agam, quōd me non solum libenter, sed cum egregia etiam alacritate animi in amicitiam, & clientelam tuam receperis, & simul pollicear daturum me operam, quantū in me fuerit, ne amore & beneuolentia tua uidear plane indignus, utq; semper intelligas, colī te a me ita, ut debes, & obseruari. Et quidem ego, qui alioqui haud ita agre patior, me cum Card. patrono meo Romam profectum non esse hanc unam ob causam maxime doleo, quōd non poteritis, uti cupiebam, tu & alij pręstantes isti, atque amplissimi uiri, quibus sum propter eximiam eorum uirtutem & pręclaram erga me uoluntatis significationem mirifice deditus, ex fronte (ut aiunt) meum in uos amorem & obseruantiam perspicere. quod quia non contingit, putaui faciendum, ut idem per literas, quantum fieri potest, consequerem, ac salutare in te quidem in primis, deinde eos etiam, apud quos tua me bonitas & humanitas in gratia posuit. Vale. Perusia.

*Ioanni Morono Cardinali.*

**A**D MIRROR equidem te iam pridem, & plurimi facio, Cardinalis amplissime, fama ipsa allectus tum grauitatis & autoritatis, tum doctrinę ac probitatis tuę, quę quidem adeo iam celebris est & constans ubiq; ut neminem ferme esse putem, bonum pręsertim uirum ac bene sanum, qui te summo

amore,



# LIBER

amore, studioque non prosequatur. nimirum parua admodum esset uirtutis uis, nec ita fortasse digna, quæ tanto labore tantisque periculis ab optimo quoque appeteretur, si, qui eam adepti sunt, à notis duntaxat aut præsentibus diligerentur & pluri fierent. uerum non est ita, non tam angustis illa finibus concluditur, sed longius multo excurrit, & emanat; cogitque omnes ignotos quoque & absentes, atque inimicos, prope dicam ipsos ad eum diligendum, cuius ipsa in animo infederit, cum præsertim illustri is loco natus, & in alto aliquo dignitatis gradu collocatus est, quò magis illa possit esse perspicua & cæteris fructuosa. quorum cum appareat in te utrunque maximum, & amplissimum, splendor tamen atque lumen uirtutum tuarum longè antecellit. Sed non est id mihi hoc tempore propositum, ut laudes tuas enumerem. quam obrem eò reuertar, unde initium scribendi feceram. Obseruabam ego te antea non mediocriter propter uirtutem ac sapientiam tuam à multis, ijsque grauissimis ac probatis uiris celebratam; postea uero quàm Hieronymus mihi frater meus in literis, quas ad me sæpe scribit, semel iam atque iterum significauit, te ab ipso in primis coli, contraque ipsum non parua habere abste, pro tua eximia humanitate ac probitate optimæ, tuæ erga se uoluntatis signa, tum uero totus etiam ipse ad te colendum exarui, tantaque ad primam illam animi mei inductionem accessio facta est, ut teneri non potuerim, quin meam hanc uoluntatem & singularem in te obseruantiam epistola aliqua tibi ipsi patefacerem: etenim uidebam fore hoc pacto, ut & fratri gratum facerem, & uoluptatem ego in te colendo caperem posthac multò uberiores. Velim igitur illud tibi prorsus persuadeas, te nihilo iam minus à me diligì, coli, atque obseruari, quàm ab ipso Hieronymo, id est uehementissime & studiosissime. id quod ita esse, spero fore ut facile credas, si illud præterea noueris, non minorem inter nos fratres, Dei beneficio, animorum coniunctionem, & conuenientiam semper fuisse, quàm sit hæc ipsa sanguinis & generis necessitudo. quò factum est, ut, quod unus nostrum, natu præsertim maior, uoluerit, atque decreuerit, id cæteri probauerint semper, & ratum habuerint, & quemcunque amandum hic sibi colendum uel semel proposuerit, is ab omnibus perpetuò fuerit amatus, & cultus, quò magis uidetur esse benignitatis & magnitudinis animi tui, quo amore ac studio

Hiero-



Hieronymum amplexus iam esse uideris, eodem tum me, tum reliquos fratres nostros amplecti. quod ut facere ne graueris, omnibus te animi contentione peto, illud tibi uicissim spondens, in meq; recipiens, nos tibi perpetuo addictos & obstrictos fore, nec ullum unquam erga te, quod ab amantissimis, diligentissimis, ac fidelissimis seruis expectare dominus quisquam possit, officium prætermitturos. Vale. Patauius.

*Marcello Cernino Card. Sanctæ Crucis.*

**Q**UOD poste aquam Eugubio discessi, te nunquam per litteras salutauerim, id nolim arbitreris ullam aliam ob causam accidisse, quam quod cum scriptum esset ad me, per idem ferè tempus, quo ego Patauium attigeram, te Romam rediisse, non sum ausus, meis tibi literis obstrepere in publicis iam & maximis negotijs, quibus te & interesse, & præesse sciebam, occupato, cum præsertim iudicarem, non esse hoc à me dum in urbe esses necessario faciendum, quando ego obseruantiam & beneuolentiam, quam tibi debeo, essem etiam tacendo perenni quadam memoria, ac mente culturus atq; conseruaturus, & tu, dum tres mei germani fratres, qui Romæ degunt, tui æque, atq; ipse sum, amantissimi, & obseruantissimi, munus erga te suum obirent, excitare facile posses, meas quoq; eos partes agere, & quicquid tibi ab ipsis officij præstaretur, idem simul etiam à me præstari. his igitur de causis Card. optime atq; amplissime, minus necesse putauisq; ad hanc diem me ad te scribere. nunc uero uisum est mihi fore non alienum officio meo, si quid ad te literarum darem, cum cognouissem, te iam ex urbe profectum Eugubium petere. quod quidem facis tu prudenter; ut omnia: qui, postquam bonam anni partem in rep. Christiana uniuersa subleuanda, & prudentissimis consilijs tuis adiuvanda posuisti, eiq; satis studij, & operæ nauasti, ecclesiam tuam quotannis certo tempore reuistas, ut eius quoque utilitati ac saluti priuatim consulas, & gregē tibi commissum præsentia tua recrees, & singulari illa, qua præstas, integritate, sapientiaq; regas, ac modereris; atq; ita in lenioribus negotijs occupatus, quasi ociosus, ualitudini etiam consulas, ac paulū quiescens uires colligas, & recipias, quibus paucos post menses ualentiori-

G bus,



L I B E R

bus, ac firmioribus ad onera illa publica subeunda, & munera gerenda utaris. Ego uero quamdiu extra urbem in istis locis fueris, non dubitabo ad te aliquando scribere, ut, quoniam mihi non contingit, ut possim te coram salutare, & te praesente frui, id quod astante superiore non raro contingit, & quidem cum magna non solum uoluptate, sed etiam utilitate mea, quam capiebam ex sermonibus illis tuis tum gravitate, & prudentia; tum sanctitate & doctrina plenis, hanc iacturam, quantum fieri poterit, epistolis sarciam. Reliquum est, ut reuocem tibi in memoriam, esse nos in ere tuo totos, & posse te rebus nostris omnibus, quantulacumque sunt, sine ulla exceptione uti. nam de studiis meis id unum in praesentia summam dictum uolo, uersari mihi semper ante oculos, & haerere animo infixam sapientissimam monita & praecepta tua, ac, siquid unquam consequutus fuerim, id omne fore precipue tuum. Vale, & me ama. Patavij.

*Herculi Gonzage Card. Mant.*

**M**ANDASTI mihi superioribus diebus, amplissime domine, ut conarer Ptolomaei libros de geographia latine tibi ita reddere, ut quanto fieri posset faciliores essent & planiores, cum diceret, te in his, quos latine nunc legeres, multa de fiderare. Ego igitur pro mea incredibili cupiditate tibi morem gerendi, & inseruiendi, quantuncumque temporis mihi a ceteris studiis daretur, in eo consumpsi, & cum iam primum librum conficissem, non alienum putavi, cum tibi legendum tradere, ut antequam ad alios conuertendos aggrederer, scire possem, an ipse probares hanc meam uertendi rationem; in qua quidem id potissimum sequutus sum, ut quod adliceret per terminos (quo modo loquuntur) artis, quos omnino conseruandos putavi, & per ipsius scriptoris breuitatem, atque obscuritatem (haec enim puto non oratoris, sed quasi interpretis more conuertenda esse) purissima omnia, facillimaque redderetur. nam quod ad sententias pertinet, quicquid occurrit dubij, Ludouicum Ferrarium, Mathematicum tuum, uirum (tute scis) harum disciplinarum peritissimum consului, & ipsius opinionem prorsus tenui. itaque confido fore, ut non improbe tur omnino noster is labor meis quidem uiribus satis grauis sed leuis



leuis (ut spero) suavisq; fiet, si sensero illum tibi non ingratum accidisse. Vale. Mantuæ.

*Scipioni Gonzagæ Marchioni.*

**H**OMO cæcerorum animantium præstantissimus, non ad ocium, uel ad iocum natus est, ac procreatus, sed ad contemplandum, & ad agendum, & quidem ea, quæ digna sint tam excellenti natura, quæ ipsi à Deo Opt. Max. tributa est; mihi enim profecto non tam ociosi uidentur hi, qui nihil uel contemplantur, uel agunt, quàm qui ea, quæ minus sunt homine digna. id nimirum intelligentes stoici, tempus sic definiebant, ut dicerent, χρόνον εἶναι κατὰ δῶσεως, quòd scilicet omne tempus, in quo recte aliquid non efficiatur, pereat, & pro nihilo sit habendum. idem omnes omnium ætatum, atq; gentium sapientes indicauerunt, & multis rationibus, institutis, factisq; comprobauerunt. Itaq; Romæ M. Cato etiam in ipsa Curia, dum Senatores conuenirent, græcos libros lectitare solebat, & Lacedæmone Ephori, si quem cessantem reperissent, cum clamoribus, conuicijs, atq; adeò uerberibus male accipiebant; uere enim opinabantur, nihil ciuitati perniciosius esse inertia ac desidia. quam obrem, si fieri posset, nūquàm omnino cessandum, assidue nobis uigilandum esset, & ad grauiora studia incumbendum, præsertim cum uitæ nostræ spacium breuissimum sit. Sed quoniam hoc imbecillitas humani generis minime patitur, dantur multæ laborum intermissiones, animiq; relaxationes. hinc somni, conuiuia, ioci, ludi, spectacula, & huiusmodi alia: iudicatum est enim uitam nostram his duabus rebus, tempore susceptis, maxime contineri, labore scilicet, & quiete, illo quidem tanquam proprio quotidianoq; cibo, hac uero uelut medicinali, uel condimento, ita ut neq; grauissimi uirgi dubitauerint, ubi serijs rebus satis consulissent, iocosis etiam temporis non nihil tribuere. Nā & de Scipione, Lælioq; audiuit olim P. Crassus. Q. Sæuolam cum diceret; eos animi causa conchas, atque calculos ad Caietam Lucrinanq; lacum legere consueisse, & de Socrate memoriæ proditum est, non erubuisse tantum uirum cum paruulis filijs, quali repuerascentem ludere, arundine, quo modo sit inter eos, æquitatem. Id ergo cum priscis illis temporibus seuerissimis

G ij non



non reprehenderetur, ne in ætate quidem prouectis, dummodo tempestiue, ac modice fieret, multo certe magis idem nunc concedendum erit adolescentioribus, permittendusq; aliquis iocus; & ludus huic ætati, ne nimium compressa aut ad maturitatem pertinere non possit aut alieniore tempore uehementius se efforat. Hæc multaque alia tum assidua librorum lectione, tum longo rerum usu edoctus Hercules, Cardinalis amplissimus, cum te, quæ ipsius est humanitas, & in bonis ingenijs adiuuandis liberalitas, domi suæ instituendum suscepit, omnem curam adhibet, ut non solum probis moribus, & interioribus literis erudiaris, sed etiam musica, hisq; musicæ generibus exornaris, quæ ingenuum hominem decent, & maioris in omniq; disciplinis nihil prorsus officiunt, ut habeas etiam facultatem, ut honeste traducendi, & animi à negotijs, curisq; difficultatibus recreandi; nam ceteras quidem oblectationes, & uoluptates nimis honestas, nouit ille præclare, reijciendas funditus esse, & quasi infestissimos scopulos uitandas: hæc nempe sunt circa illa pœcula, hæc homines in belluas conuertunt, uirtutumque omnium insignia extinguunt & plane obruunt. Vera ac solida uoluptas ex sola uirtute percipitur, non aliunde pendet, hominisq; ea est propria, quippe quæ propriam & perfectam ipsius actionem consequitur, aliæ seruales prorsus atq; adeo ferinæ putandæ sunt. Verum quia uoluptatum desiderium pariter cum corpore exoriri uidetur, estque nobis penitus insitum, recta autem ratio, & uirtutes, ex quibus, ut diximus, incorrupta uoluptas gignitur, non possunt sine longo tempore, multoq; labore acquiri, hinc fit, ut pleriq; decepti specie boni, à recta uia defleant, & falsas uoluptates sectentur, atqui deberent adolescentes, opinor, sicut in doctrinis addiscendis multis præceptorum postulatis, uel præter animi sui sensum assentiuntur, ita in conformanda uitæ ratione rectis, ac fidelibus consiliorum monitis fidem habere, & quamuis ipsorum appetitus aliter ferret, eas tamen ueras uoluptates ducere, quæ tales existimantur à uiris probis, ac uirtute præditis: Quemadmodum enim his, qui aduersa ualitudine utuntur, res natura dulces, amaræ sæpius uidentur, sic qui mente sunt minime sana ac perturbata, nequeunt de his, quæ ad animum pertineant, recte iudicare, itaq; standum est proborum uirorum iudicio, quo ad nos ipsi ueræ uoluptatis sensum percipere possimus:

mus:




nus:interim uero frenanda cupiditas, reprimendæ libidines, per-  
 ferendi labores, ad uirtutem toto pectore contendendum. Quam  
 obrem ego, ut libere loquar, soleo dissentire à non nullis, qui ui-  
 dentur nescio quomodo, uereri, ne ista uitæ, ac disciplinæ ratio,  
 qua tu iam pridem eodem Cardinale authore uteris, durior sit, &  
 constrictior. Non est ita, crede mihi, uel potius ipsi, nouit uir  
 sapientissimus, tuique amantissimus uias adolescentiæ lubricas  
 esse, multasque ei illecebras & escas malorum paratas uidet,  
 nec ignorat, cum mediocritas, in qua posita est ipsa uirtus, fa-  
 cilis optari, quàm comparari possit, satius esse ad alteram par-  
 tem primum declinare, quæ in minorem cadat uituperatio-  
 nem, & ad quam simus natura minus procliuēs, ac propēsi. ut inde  
 sensim nos retrahentes, ad ipsum medium accedamus. quis au-  
 tē nescit omnes homines ad uoluptates tam cupide ferri, ut  
 qui eas nimis aspernetur, atque reijciat, nemo fere inueniatur: ut  
 ne nomen quidem omnino huic uitio impositum sit. Ille igitur  
 prudentissime, amantissimeque facit, præsertim cum pro ratione  
 temporum facultatem tibi non denegat animi tui his solatijs re-  
 creandi, quibus corroborentur, non extinguantur uirtutum quasi  
 igniculi, qui quidem in te perspicue lucent, quemadmodum nunc  
 fecit, cum te ab urbe, tanquam e carcere, rus emisit, ubi unā cum  
 præstantissima omnium femina Aemilia matre tua, & fratribus  
 suauissimis, corporis, animique uires ex his caloribus colligas,  
 atque reficias, ut eò firmior postea, & alacrior ad literarum stu-  
 dia te referas. Interea autem ego, quidem non putauī absurdum,  
 aliquid ad te scribere, ut, quemadmodum Lælius ille cum Scipio-  
 ne suo solitus erat rusticiari, ita ipse cum eo cæteris rebus minime  
 omnium comparandus, amore certe, ac studio tui non longè for-  
 tasse inferior, etiam iuri tecum, mi ornatisime Scipio, quodāmo-  
 do esse, quanquam sentio me, beneuolentia prouectum, plura, &  
 maiora attulisse, quā huius Epistolæ propositum postulare; quæ  
 si forte grauiora fuerint, quàm istius ætatis imbecillitas ferre pos-  
 se uideatur, ac uimine certe ingenij tui, & magno bonarum disci-  
 plinarum desiderio subleuabuntur, & quidem non erit inutile his  
 ramuocibus aures tuas assuescere. Nam cum mirificam tui expe-  
 ctationem concitaueris, oportet te nihil leue, aut uulgare medita-  
 ri, præsertim cum natura tibi ingenium præstans dederit, discipli-  
 nam



# L I B E R

nam egregiam nactus sis, & patronum amplissimum, atq; optimū,  
cuius præcipue uoluntas, & spes quam de te concepisse uidetur,  
debet semper tibi in oculis atque in animo uersari: etenim licet in  
telligere, cum maximam spei suæ partem in uobis duobus alum-  
nis suis collocasse, in te, inquam, & in Francisco Ferdinandi fra-  
tris sui filio, qui nunc in Patauino Gymnasio magna cum laude,  
& præclara ingenij existimatione bonis artibus, ac disciplinis stu-  
det. atq; id quidem ille non iniuria; prospicit enim fore, ut no-  
men suum per uos posteris quoque commendetur, ipseque in uo-  
bis, tanquam in præclaris suis operibus, etiam post mortem uiuat  
quodammodo, & conquiescat. quæ ne cum opinio, & spes fallat,  
debetis uos (quod diligenter facitis) omni cura, industria, studio,  
labore eniti, atque contendere. Da operam uoletudini, meque di-  
lige. Mantua. VII. Idibus. Quintiles M. D. LVII.





IVLII GABRIELII  
EUGVBINI ORATIONVM,  
ET EPISTOLARVM,

Liber Secundus.

ORATIO AD CONSVLES EUGVBINOS  
Magistratum ineuntes.



NON dubito, Consules lectissimi, quin multi  
admirantur, meque tacite arrogantiae cōdem-  
nent, quod cum uiri sint in hac ciuitate non pauci,  
tum ingenio, & doctrina, tum rerum usu, ac di-  
cendi exercitatione praestantes, ego potissimum  
ausus fuerim huc ascendere, & in conspectu,  
confessuque uestro uerba facere, qui quidem, & cum mediocri  
ingenio in literarum studijs sum non ita diu uersatus, & usu, ac di-  
cendi facultate nihil sanè possum. Quare puto esse mihi omnino  
faciendum, ut antequàm aggrediar ad ea, quae hodie dicere con-  
stitui, huius mei consilij, & facti causam afferam. Mos est huius  
Ciuitatis (quemadmodum scitis) antiquissimus, ut quoties noui  
Consules, qui duobus quibusque mensibus apud nos creari solent,  
magistratum ineunt, latina aliqua oratio habeatur, qua de officio  
suo, & onere, quod subeunt, diligenter admoneantur; qui quidem  
mos cum honestissimus sit, & Reip. (uti perspicuum est) maxime  
utilis, neminem esse arbitror, quin cum omni ratione conseruan-  
dum retinendumque existimet. Ego itaque ueritus, ne propter re-  
centem ludimagistri interitum, cuius esse hoc munus solet, tam  
probata consuetudo, tamque utile, & salutare à maioribus nobis  
traditum institutum nunc intermitti ceptum, mox (ut fit) planè  
omitteretur, quæsiui de multis, num quis has sibi partes hoc die  
orandi sumpsisset. quod cum negarent omnes, & affirmarent, fore  
ut is magistratus uetere, atque usitato orationis honore careret,  
quanquam optime intelligebam, longè maius esse id onus, quàm  
quod



# L I B E R

quod uires meæ ferre possent, tamen utilitatis publicæ causa facile adductus sum, ut hanc provinciam susceperem, idque non ingenio, aut facultate confisus mea, sed uestra fretus æquitate; qui, quamuis nihil ego dignum uestris auribus allaturus sim, tamen consilium meum & uoluntatem probantes, haud poteritis pro summa uestra humanitate æquo me animo non audire. Habetis iustam, opinor, huius mei propositi ac facti causam. ad ea nunc descendendo, quæ mihi dicenda proposui. Nec uero libet de uestro, Cōsules, officio ea nunc afferre, quæ ex hoc ipso loco sapius audiui-  
stis; nempe ut intelligatis, ciuitatem uniuersam non modo uestræ esse potestati permissam, sed fidei etiam commissam: ut dum imperatis, memoria semper teneatis, fore, ut breui pareatis; ut utilia, & recta præscribatis; ut prudentiam præcipue excolatis; Rempublice amatis, ad eius dignitatem, & commodum omnia referatis, hæc inquam, & cætera huiusmodi de magistratus officio à doctissimis uiris tradita, & hic, sapius relata, quæ quidem uos meminisse arbitror, nunc mihi prætermittenda censeo, nec, quod ad summam muneris uestri attinet, aliud, quicquam uos admonere uolo, quam ut dum publicam personam geritis, rerum priuatarum curam prorsus dimittatis, nec ulli proprio quæstui animum adijciatis; tunc. n. potissimum seditiones, tunc discordiæ in ciuitate oriuntur, cum ii, qui Reip. gubernanda præsumunt, priuatis rebus separatim consulunt, nec ulla ferme alia esse solet rerum publicarum euertendarum causa, cuius quidem rei exempla ueterum historias legentibus passim occurrunt, & nonnulla etiam possunt ex nostra hac ciuitate proferri. quod equidem facerem hoc tempore, nisi uererer, ne quorundam animos offenderem, tametsi potestis eorundem uos, uel me tacente, in memoriam facile redire, uigent enim semper in animo uniuscuiusque, nonnunquam etiam in ore non sine maxima illorum hominum infamia, quod ne uobis accadat, Consules cæteris omnibus posthabitis, Reip. gerendæ toto pectore incumbite, in ea tuenda, & amplificanda omnem uestram operam collocate, integrè omnia, & castè administrate. De ea iam re dicam, quæ uos de re præcipue commonefaciendos hoc tempore iudicauit, cuiusque reip. maxime interest, ut curam acrem, & uehementem suscipiatis. quapropter attendite, quæso, animos, & mihi ignoscite, si paulò longior hæc erit oratio, quam ex hoc loco hoc die haberi

beri



beri soleat; postulant enim & meæ & uestræ & reliquorum ciuiū  
 omnium rationes, ut hac de re sermo non ita breuis habeatur.  
 Duo iam sunt menses, cum liberi uestri, alloquor nunc, qui ad-  
 sunt, quique absunt, omnes, duo, inquam, sunt menses, cum liberi  
 uestri, publico literarum præceptore mortuo, tempus frustra  
 conterunt, uagantur per urbem, nec aliquid agunt boni. id quan-  
 tum interfit, qui non intelligunt, nec cogitant, ij nimirum mea  
 sententia parum longè prospiciunt, neq; suam modo, & suorum,  
 sed publicam etiam curam & salutem negligunt; unius enim cu-  
 iusque domus pars ciuitatis est, domus filijs maxime continetur,  
 & ex filijs postea ij sumuntur, quibus res ipsa publica committi-  
 tur. quare nihil æque reip. interest, ac pueros bene educari, re-  
 ctèque institui. id quod præclare intelligentes Lacedæmonij, quo  
 tempore eorum florebat resp. omne huic rei studium, & diligen-  
 tiam adhibebant. qui uero id quidem cogitant & optime cogno-  
 scunt, sed grauiore aliquo (ut ipsi opinantur) negotio impediti,  
 nihil huic aut studij, aut operæ impertunt; hi profecto multò  
 etiam magis errant, maioreq; uidentur reprehensione digni: suam  
 enim & reip. non solum utilitatem, sed etiam salutem sciētes pro-  
 dunt, ut liceat mihi unā cum Cratē illo antiquissimo & sapientis-  
 simo exclamare, ò ciues, quò tandem rapit uos insania, qui dum  
 omnem curam & studium in pecunia comparanda ponitis, de fi-  
 lijs, quibus eam relicturi estis, minime laboratis? maximum mihi  
 credite, ciues charissimi, liberis thesaurū parat, qui uirtutibus eos  
 & scientijs ornandos curat. nunc uero postrema omnium & leuis-  
 sima hæc est apud nos cura, nam, ut nihil reticeam, audiui quos-  
 dam, cum dicerent, eos, quibus id muneris mandatum est, ut ui-  
 rum aliquem probum & doctum eligant, & ad pueros instituen-  
 dos publica mercede accersant, dedita opera rem differre, ut inte-  
 rim ex pecunia, quæ ei dependenda esset, arcus quidam aquæ du-  
 ctus fulciatur. ò re uerū miseram, ò delirationem incredibilem. quen-  
 quam ne ita esse dementem, ut quicquam pluri faciat, ut melius  
 usquam putet, quàm in iuventute instituenda sumptus posse poni?  
 fulciantur omnes aquæ ductus arcus, ne dum unus, restituantur, re-  
 ficiantur toti. est hoc etiam è rep. est commodum, est magnifi-  
 cum, sed pecunia aliunde accipitur, non potest differri ludī magi-  
 stri eligendi deliberatio. dum enim teneri sunt & tractabiles pue-  
 ri.

H  
 forum



# L I B E R

rorum animi, tum eos oportet magistris formandos, atque insti-  
 tuendos tradere, ut, si bonum sit eorum ingenium, non corrupta-  
 tur negligentia; si malum, ut studio corrigatur: omnia enim impe-  
 dimenta naturæ, diligentia, & recta adhibita disciplina, tolluntur,  
 aut certe corriguntur; ornamenta uero securditiæ, & negligentia aut  
 delentur, aut saltem deprauantur. Quare expergiscimini, quæso,  
 & tandem uirum aliquem ad liberos uestros moderandos, atque  
 erudiendos conducite, qui sit non solum doctrina ad hoc munus  
 exequendum idoneus, uelut etiam honestissimis moribus orna-  
 tus. Vos uero, Consules, ut id quamprimum fiat, diligentissime  
 prouidete, caute autem, uestram fidem obtestor, etiam, atque etiã  
 caute, ne, dum hac in re sumptui nimium parcitis, uirum minus  
 idoneum conducatis, alio parlimonia ista reseruetur, sitis, obse-  
 cro, hic largi & liberales, ne id audiat, quod de Aristippo pater  
 ille olim auarus audiuit, cui dicenti minore se pretio posse seruum  
 emere, quam quod ipse pro eius filio erudiendo postularet, duos  
 uero respondit tum Aristippus, habebis seruos, & filium, & quem  
 emeris. Serui sunt nimirum homines nulla uirtute, nulla scientia  
 præditi; assequi autem ultimates, & scientias sine optimo magistro  
 nemo potest. In hanc igitur causam, optimi Consules, tota nunc  
 mente incumbite, & ut quatuor uiri, quibus hoc munus datum  
 est, officium suum sedulo præstent, omni cura & diligentia prou-  
 idete: nec enim fieri à uobis quicquam potest hoc tempore, aut pre-  
 clarius ad gloriam, aut reipublicæ utilius.

## *Prolusio ad auditorum animos excitandos.*

**N** E M I N E M uestrum admirari uelim, Iuuenes clarissimi,  
 si me uiderit, uerecunde admodum & timide hanc prouin-  
 ciam suscipere: sentio enim longe grauiorem esse, quam  
 meæ uires ingeniumue ferre possint, neque tamen cum illa, quæ  
 ab his tradita atque mandata sit, quorum uel nutui parere debeo,  
 & maxime cupio, quenquam fore existimo, qui me propterea ar-  
 rogantiæ condemnet, præsertim cum ego non tam ducem & ma-  
 gistrum hic me fore profitear, quam socium, & comitem; nec meo  
 fretus ingenio, aut doctrina, quæ nulla est ferè, tantum oneris su-  
 sceperim,



ſceperim, ſed ueſtra potius humanitate, ac facilitate nixus, quam  
 quidem ſcio eſſe eximiam. Vos igitur, optimi adoleſcentes, ade-  
 ſſotē mihi, ac, ſi minus expectationi, uel deſiderio ueſtro his ini-  
 tijs reſpondero, nolite admirari, aut ægre ferre: conſtat enim nul-  
 lum eſſe munus adeo facile, quod ut recte efficiatur, uſum, & exer-  
 citationem non requirat, ſed ſperate fore, ut progrediente ætate,  
 & iuuantē Deo opt. max. poſſim uobis maiores fructus præbere:  
 ego enim, quantum in me erit, operæ, & labori minime parcam.  
 Quamuis autem propoſitum ſit nobis, in hoc munere exequendo  
 non gloriæ, aut oſtentioni inſeruīre, ſed ſtudijs & utilitati ue-  
 ſtræ conſulere, tamen non erit fortasſe abſurdum in hac prima in-  
 greſſione aliquid altius repetitū afferre, quod nos ad id, quod in-  
 ſtituimus, excitare, atque iuuare poſſit: etenim uidemus omnibus  
 in ſtudijs uel minimis aliquid initio fieri, quod aditum ad ipſum  
 inſtitutum aperiat, ac muniat. Athletæ cum aduerſarijs congreſſu  
 ri, manus prius expediunt; brachia dilatant, cæterasque corporis  
 partes commouent. Tibicines antequam certum, conſtitutumque;  
 tantum aggrediantur, *πρᾶξις* cantunt. nos quoque igitur horum  
 exemplo, opus longè grauius, ac præſtantiſ incepturi, aliquid  
 præludamus, quod nō ſolū dignitatem, uerum etiā utilitatem affe-  
 rat. Deſis & natura unicuique rei non ſolum id, ut ſit, largita  
 eſt; uerum etiā propriam ſingulis facultatem tribuit, qua ſuo  
 fungerent munere; nihil enim fruſtra fecerunt: q̄ quidē facultas (ut  
 cōuenit) eod̄ pſtātior exiſtit, quod eſt nobilior ipſarū rerum natura.  
 Cum igitur homo ſapientiorum iudicio omnibus, quæ inſimo lu-  
 næ orbe continentur, longè nobilitate, & dignitate præſtet, præ-  
 ſtantiſſimam quoque omnium facultatem habeat neceſſe eſt. hæc  
 autem minime eſſe poteſt ea, qua nutritur, & augetur; iſtius enim  
 plantæ quoque participes ſunt, neque etiā illa, qua ſentit, & ap-  
 petit, cum eam habeat cum cæteris animantibus communem. re-  
 ſtat igitur, ut ea ſit præcipua ipſius facultas, qua ratiocinatur, &  
 intelligit, quæ à Græcis *δύναμις* à noſtris ratio, ac mens di-  
 citur. Itaque qui uerè homo, & dici, & eſſe deſiderat, hanc excole-  
 re, hanc exornare; hac uti debet; id uero effici haudquaquam po-  
 teſt ſine doctrinā, & ſcientia: quemadmodum enim corpus cibo  
 alitur, & conſeruatur, ita mens noſtra ſcientia colitur, atque per-  
 ficitur. & ſicuti manus corporis, ita ſcientia mentis inſtrumentum  
 H ij eſt



# L I B E R

est, quo fit ut omnes eam natura desiderent, uerum non statim, neque facile hoc præstantissimum bonum acquiritur, sed longo tempore, multis laboribus, & uigilijs opus est, ut præclare nobiscum agatur, si uel in ipsa senectute illud nobis accedat. Quare non est, præstantissimi adulescentes, breue uitæ nostræ tempus in ocio ac desidiosa cōterendum, sed totum in optimis studijs, probisque artibus collocandum, ut mentis nostræ acies ab hac caligine, & tenebris ad propriam claritatem, lucemque reuocetur, atque id cū omnibus faciendū est, tum uel maxime principibus iuris, qui quidem tantum ferè uidentur reliquis hominibus præstare debere, quantum ipsi homines bestijs antecellunt. hoc nimirum spectans, ac præclare intelligens, amplissimus Cardinalis noster, quem honoris causa nomino, & ipse in tota uita literarum studijs bonisque disciplinis assidue operam dedit, & studiose curauit, ut hi, qui sue curationis essent, optime erudirentur, primum quidem sui ipsius imitatione; hac enim nulla reperiri poterat præstantior disciplina; deinde uero doctissimorum uirorum opera, nulli neque labori, neque sumptui parcens. quæ cū ita sint, non debetis uobismet ipsi deesse, sed omnem cogitationem ad uirtutes conuertere, summaque cura, & diligentia ijs scriptoribus studere, unde possitis doctrinam puram, liquidamque haurire. hi autem sunt præcipue meæ quidem sententia græci, etenim ipsi uidentur scientiarum fontes extitisse, & ut comprehendam breui, tantum alios doctrina atque ingenio superasse, ut eorum discipuli aliorum præceptores esse possent. Nos igitur (ut sensum ad rem propius accedamus) recte statuimus uidemus, in græcos præcipuum studium esse impendendum. ex his uero Isocratem nunc delegimus, tum quod plerisque alijs mitior est, & facilius, tum quia non solum dicendi arte pollet, sed etiam uiuendi præceptis abundat, ut liceat ab eo eodē tempore, & eloquentiam, & morum probitatem accipere. id autem si tibi facit, in hac maxime oratione præstat, quam modo suscipiendam statuimus. nam, & si plerique iuuenes, præsertim, solent ab huiusmodi scriptis abhorreere, & ijs potius delectari, quæ fabulam aliquam explicent aut quidpiam huiusmodi, quod aures tantum ipsorum iuuat. quod sanè (ut puto) animaduertentes antiqui illi sapientissimi uiri tum tragici, tum Epici poetae, uitæ præcepta fabulis, multisque alijs illecebris contexerunt, ut eos caperent, ac

define-



definere uel inuitos, & rectam uiuendi rationem docerent: intel-  
legebant enim eam esse hominum naturam, ut quemadmodum ci-  
bis suauibus libentius utuntur, quàm salutaribus, ita oratione de-  
lectentur, ac studijs non optimis, & utilibus, sed amœnis, atque fe-  
stiuis. & si igitur plerique ita sunt affecti, ego tamen statuens, non  
oportere uos e numero multorum esse, sed magna spectare, & ad  
uirtutem omni conatu contendere, non sum deterritus ab hac ora-  
tione uobis proponenda; non solum maxime utili, uerum etiam  
iucunda, his quidem, quorum ratio non paret appetitui, si quidem  
eam affert delectationem, & uoluptatem, quæ sola uoluptas dici  
uerè potest quæq; ab utilitate nequaquàm sciungitur. In ea autem  
interpretanda, ut rectè atque ordine incedamus, tria potissimum  
cure nobis erunt, primò scriptoris sensum, ac mentem aperiemus:  
ut sciamus, de quo sermo habeatur, nec pendeat animus aut di-  
spersè uagetur; secundo enitemur, quantum per nos fieri poterit,  
ut uerba latina, & pura reperiāmus, quæ græcis aptè respōdeant:  
hoc enim pacto linguam Latinam cum Græca summa nostra cum  
utilitate coniungemus; tertio artem loquendi atque ornatum  
demonstrare conabimur, si quidem ex oratoribus hunc fructum  
excerpere maxime debemus, ac si quando aliquid occurreret, quod  
ad grammatice pertineat, minus apertum, & clarum, ne id qui-  
dem prætermittamus. is meus est animus, meaque sententia si  
quis uestrum secus putat agendum, consilium, obsecro, suum in  
medium proferat: ego enim illud libentissimè audiam, & pluris  
aliorum opinionem, quàm meam æstimabo.

*Praelectio in Logicam facultatem.*

**E**tsi probe notam, lectissimæ adolescentæ, quàm graue mu-  
nus atque difficile aggrediantur ij, qui Aristotelem inter-  
pretandum, atque explicandum suscipiunt, his præsertim  
temporibus, quibus uera rectaque interpretandi ratio ita oppres-  
sa, & extincta uir, ut ab omnibus iam ferè negligat, & excludat, ego  
tamen non dubitavi, provinciam accedere, non mea certe doctrina, aut  
ingenio fretus, quod sentio perexiguū esse, sed uestra cōfusus æquita-  
te ac bonitate, uā ut plerisque tyronū militū erratis ab æquo, pro  
hocq; Imperatore uenia dari solet, ita uos non nihil ætati meæ, mul-  
ta

ta



# L I B E R

ta etiam usui & exercitationi, quæ penè nulla est, concedere & cōdonare debebitis. sed ut reliqua omnia in me desideretis, quæ cum habere oportet, qui hanc personam sustineat, officium certe, industriam, & diligentiam nusquam desiderabitis; labori minime parcam, operam meam nemini denegabo, omnibus denique in rebus cum me geram, ut non tam uoluntatem uobis gratificandi ac iuuandi, quam facultatem defuisse mihi, facile intelligatis. Illud autem uobis polliceor & confirmo ( quod quidem si non omnibus, at certe plerisque uestrum, iisque doctioribus, politiori quæ eruditione præditis probatum iri spero ) Aristotelem me ex ipso Aristotele, quoad eius fieri poterit, interpretaturum, & breuitatis, quam præcipuam laudem in interprete esse puto, maximam rationem ducturum, ita tamen, ut obscuritatem summo opere fugiam. Sed ne quis forte suspicetur, cum me esse, qui interpretes omnes reiiciendos putem, totque tantorum uirorum lucubrationes ac uigilias interire uelim, sic habetote, non negare me, multa grauium & ingeniosorum uirorum scripta extare, quæ plurimum conferant ad ea, quæ ab Aristotele obscure dicta sunt, intelligenda, quibus uidetur auctor ille diuinus, & admirabilis, quasi tenebris, nature mysteria ab imperitorum aspectu remouere uoluisset; nec prohibere, quo minus legantur, & peruoluantur: sed eos damno & graui reprehensione dignos esse iudico, qui certis quibusdam interpretibus ita se se dedunt & addicunt, ut nulla sibi ipsis iudicandi potestate relicta, quicquid illi dixerint, quasi ex oraculo editum sit, ita uerissimum esse putent, nec fieri posse sibi persuadeant, ut ab ipsa ueritate unquam illi aberrant. cuiusmodi genus hominum quantum decipiatur, ipsi uiderint, nos certe ne in hosce errores labamur, neue rursus uideamur omnino interpretum labores contemnere, præstantioris cuiusque sententias referemus, easque ita approbabimus si Aristotelis menti, reique ipsi & ueritati accommodatas esse iudicabimus; sin minus, rationibus & Aristotelis auctoritatibus redarguere conabimur, & quæ sit Aristotelis sententia, pro uiribus exponemus. quod si uel in exponendo, uel in refellendis aliorum opinionibus decipi, & falli uisus fuero (quod fieri facile poterit) obsecro uos & beneficii loco à uobis peto, ut libere mecum agatis, easque rationes afferatis, quibus à falsa opinione ad rectam sententiam traducar: polliceor enim uobis non modo id me non iniquo



iniquo animo laturum (quod facere solent isti, de quibus supra dixi contentionis magis, quàm ueritatis cupidi) sed etiam errorem meum ingenue confessurum, & gratias uobis eo nomine habiturum immortales. Nunc ne nostra hæc oratio longius progressa uideatur, præsertim cum ab istis recentioribus Dialecticis, si quis diutius paulò latiniori oratione usus fuerit, & elegantiori (quæ sunt ipsi elegantia) crimini ac uitio uerti soleat, ad ipsam iam interpretationem ueniamus, si prius de utilitate eius, quàm professuri sumus, siue artem, siue scientiam dicere mauis, pauca quædā dixerimus, quò facilius adolescentulorum animi ad hæc studia excitentur, atque inflammentur. hic autem usus & utilitas ita nobis, opinor, facile poterit elucere, si huiusce facultatis finē recte perspexerimus quò referri, & cuius causa fieri debent omnia, quæ in ea continentur. Logices igitur finis ac propositum illud est, auditores præstantissimi, ut regulas tradat eorum quasi instrumentorum, quibus ignota cognoscamus, & uera, ac falsa diiudicemus. o magnum promissum, o præstans & præclara facultas, quæ sola id profiteatur & doceat, quod unum fere efficit, ut à cæteris animantibus maxime differamus. hanc itaque studiosi adolescentes, amplectimini, hanc tenete, hanc omnes, qui philosophiæ, qui iuris ciuilibis, qui cuiusuis denique scientiæ, aut artis studiis delectamini, addiscite: illa enim ad omnes disciplinas, & doctrinas tanquam fores atque aditum patefacit, & ut fabri sine perpendiculo nihil ferre in sua arte rectum, uel absolutum queunt efficere, ita nos nihil recte ac perfecte percipere possumus, nisi omnia ad regulas huius artis dirigamus, & formemus. Ego uero quod ad officium, & munus meum attinet, omni cura, studio, ac diligentia elaborabo, ut hanc uobis facultatem quàm expeditissimam, & quàm explicatissimam tradam. Accedite igitur alacri, & prompto animo, nec uos uobis ipsis deesse uelit, cum ego nemini ullo in loco, quantum fert ingenij mei imbecillitas, defuturus sim.

*Oliucrio Gabrielio.*

**C** M iam certò cognouissem ex Syluij fratris literis constituisse te omnino Perusiam mense Septēbri studiorū causa accedere, uenit in mentē facere, quæ mea est in te charitas & pietas,



# L I B E R

& pietas, ut quæ coram mihi eo tēpore tecū agenda essent, ea nunc per literas agerē: etenim re adhuc planè integra, magis me profecturum arbitrabar. Primū quod maxime difficile uidetur, propter ætatis istius imbecillitatem, consilijque infirmitatem, id tu præclare es consequutus, ut eam uiuendi uiam ingredereris, eaque studia amplectereris, quæ omnium iudicio optima sunt, & honestissima; quamuis enim multi ex rebus bellicis, & alijs etiam nonnullis artibus magna sibi commoda, maximamque gloriam comparent; hæc tamen ratio, nostra præsertim ætate, multo est expeditior, ac tutior, & quidem quò animus corpore præstantior, & excellentior est, cò præstantiora iudicanda sunt ea, quæ ingenio, ac ratione cōficiuntur, quàm quæ uiribus, aut manu. quoniam igitur optimum ætatis degendæ genus delegisti, idque fecisti naturæ, atque ingenij tui in primis ratione habitæ opera tibi danda est, ut constantiam, & firmitatem animi teneas. uideo animum iam te ad literarum studia direxisse, eaque persequi decreuisse. cui nam uero artipotissimum sine scientiæ operam dare constitueris, id non satis scio. Tres omnino esse uidentur, quæ nostris temporibus maxime floreat, ius ciuile, philosophia, ac medicina, harum igitur aliqua capeffenda tibi, ac percipienda erit. ut autem rectius iudicare possis, quæ harum melior, utilior, præclariorue sit, conabor pro uiribus, quantumque ad hoc meum institutum pertinere existimabo, de ijs aliqua leuiter attingere. Nam perfecte quidem, ac digne de tantis rebus dicere, cum longioris considerationis, ac temporis est, quàm quod ego adhibere statui, tunc maius ingenium, maioremque usum postulare uidetur, quàm ut à me confici possit. Iuris scientiam non solum maxime utilem, uerum etiam in primis necessariam esse, omnes ferme consteantur; hæc enim unumquemque in suo officio continet, hæc inter omnes æqualitatem conseruat, hæc denique utilitatem, uitamque communem quibusdam quasi uinculis coniunctam, astrictamque tenet ad fortunas ueroque dignitatesque acquirendas magnum in hac facultate capsum dari, quis ignorat? ea ubique uiget, ubique dominatur, illius opera & auxilio maximam nobis, nostrisque omnibus auctoritatem, amplissimasque clientelas adiungimus, nominis, ac generis nouitatem maxime subleuamus, nobilitatem uero, maiorumque gloriam ualde illustramus, memoriamque propagamus: etenim hæc studia

im menfi



inmensi laboris, longique temporis indigent. primum memento id, quod omnibus iam constat, nihil nos magnum sine magno labore consequi posse, & quod quidque difficilius, eò præclarius. deinde tibi persuade, iuris cognitionem multo faciliore esse, quam à plerisque existimetur: ego enim sæpe à uiris doctissimis, multumque in iure civili uersatis audiui, neminem esse, qui in his studiis non quantum uelit possit proficere; modo optimam expeditissimamque studendi rationem sequatur, nec ingenij, ac memoriae admodum sit expertus. hæc de iure civili breuiter dicta sint. Nunc de Philosophia aliquid afferamus, quam quidem non solum ipsam laudabilem & eximiam, sed etiam omnium laudabilium optimamque artium procreatricem, & custodem esse, nemo est, qui neget; etenim à sapientia amore non mentia uenit. quid præclarius, quid excellentius, quid optabilius hominum generi dari potuit? hæc ad cognitionem Dei, quantum fieri potest, nos perducit, hæc causas rerum, naturæque obscuritatem inquirat, differendi rationem, uiamque; tradit, mores, uitamque hominum gubernat ac moderatur. huic qui parat tam præstat cæteris hominibus; quam genus humanum à bestiis differt: illa enim nos edocet, quemadmodum appetitum rationi obedientem præbeamus, omnesque cupiditates ac libidines domitas habeamus, idque non pænæ terrore, ut leges, sed quod multo præclarius est, ac libero homine dignius, cō filio ipso atque uirtute, denique Philosophiæ expertus qui sit, eum miseram omnino & ærumnosam uitam agere necesse est; ut enim miserias tollas, tollendi sunt prius omnes animi morbi. hoc autem sine philosophiæ præceptis & consilijs assequi quis possis? quod si in cæteris scientijs utilitas quodammodo maior, fructusque uberior plerisque inesse uidetur, id hominum uitio, animique accidit angustia, & ieiunitate, qui de utili perperam constituunt, externaque commoda bonis animi anteponenda censent. sed nimis longum esset de latidibus philosophiæ differere: quare ad id, quod reliquum est, pergamus. Medicina, quamuis si ad tractationem, & usum respicias, ars non ita liberalis, & illustris uideri possit, si cum ijs conferatur, quas iam commemorauimus, cognitionem tamen si contempleris, reliquis nihil omnino inferior est: quid enim uel præclarius, uel iucundius, quam corporis naturam, singulasque eius partes optime tenere, omnia morborum genera non modo nos-

I sc, sed



# L I B E R

se, sed etiam, quæ remedia ijs adscribenda sint, scire? atque hanc facultatem omnium maxime utilem & expetendam esse, uel hinc perspicuum esse potest, quod sine hac ne animi quidem commodis uti possumus; ut enim alimenta nobis terra suppeditat, sic medicina sanitatem aut seruat, aut restituit, sine qua quid ualet ingenium? quid doctrina? quid ullum denique uel animi, uel fortunæ bonum? iam uero si quæstu ducimur, licet ex hac arte non minus lucrum facere, quàm ex alijs. Quamcunque igitur ex his tribus facultatibus discendam tibi, colendamque proposueris, præclare, opinor, studium & operam collocaueris. in qua tamen deliberatione maximam rationem duci, conuenit ipsius naturæ; omnia enim nostra studia ad illius regulam dirigenda sunt, nihilque contra naturam contendendum; nec solum cum ad agendum aliquid accedimus, considerare oportet, utile ne & honestum illud sit, sed etiam num efficiendi facultatem habeamus, ne forte si maius onus susceperimus, quàm possumus sustinere, turpiter illi succumbendum sit. Sed iam finem faciam huic meo sermoni, si prius ostendero, quàm diligenti præparatione opus tibi sit, antequàm hoc negotium aggrediare; id quod per te ipsum facile cognoscere poteris, si consideraueris, quanta diligentia & apparatu utantur ij, qui ad aliquem mercatum proficiscuntur emendi aliquid causa, unde quæstum, & lucrum sibi quærant; si enim id illi in re tam leui & sordida faciunt, quid tibi faciendum est in tam graui & honesto negotio, ex quo non pecuniam modo & opes, uerum etiam perpetuum nomen tibi, domique tuæ assequi possis uidearis? quare ne id committas, quod multi faciunt, qui ad gymnasia accedunt, tantum ut procul à patre & suis liberius possint uiuere, & eorum, qui literis student, nomen habeant, re uera quid uis potius agant, quàm id cuius causa à suis mittuntur, maxime tibi cogitandum est, quam graue munus subeas, quantum in discrimen existimationis tuæ uenias: huc enim proficisceris tanquam ad bonarum artium mercaturam, unde te inanem redire, eo tibi turpius esset, quò in huiusmodi re fortuna nihil posse uidetur, sed totum in diligentia & industria nostra positum esse: nullam enim, ut opinor, uim tempestatis, nullum scopulum in hoc cursu pertimescimus, uisi forte improborum consuetudines scopuli appellandi sint, quod hi nobis non minus infesti esse soleāt, quàm Nautis Carybdis & Scylla. sed has  
difficul-



difficultates superare, consilium nos & prudentia præclare edocet. quæ quæ in adolescentibus uix reperitur, ideo fit, ut non pauci ad eos scopulos appellat. sed te, ut opinor, optima disciplina, qua semper usus es, facile ab his tæquam monstris defendet, & ego pro mea parte in eo libenter te adiutabo, tum providendo, ut probos & bene moratos tibi inueniam socios, tum uitam tuam, cum hie eris, diligenter obseruando, atque etiam, si opus esse uideam, libere pro meo incredibili in te amore increpando, & corrigendo. Vale. Perusina.

*Ludouico fratri.*

**E**T si literis tuis, quas proximè accepi, nihil habebam, quod responderem, tamen non putauisse meum committere, ut Bernardinus ad uos sine aliqua mea epistola rediret. Eruibui equidem, mi frater, cum eam literarum tuarum partem legi, in qua scribis te recentiorum epistolam meam Cardinali tuo legendam, dedisse, eamque ipsum admodum probasse: tantum enim abest, ut epistolam à me scriptam, à uiro tali doctrina, atque iudicio prædito iure probari posse existimem, ut hoc nec agnoscam, nec postulem; quare sic interpretor, aut id te infamanda mei causa scripsisse, aut illum ob eius summam atque incredibilem humanitatem amicè potius, quàm uerè iudicasse; quoquo tamè modo res se habeat, illud certe effecisti, ut maiori quodam animi ardore atque alacritate hæc studia exculturus sim, quippe qui non planè diffidam, fore, ut ipse quoque, iuuantem Deo, aliquid aliquando in hoc genere, pfectisse merito iudicari possim. sed hæc hæc hactenus. Quod à me petis, ut Pamphylum frequens inuisam, id ego & si mea sponte ante faciebam, eò nunc tamèn faciam libentius, ac studiosius, quòd ex literis tuis uehementer id te uelle perspexi. Fabius gratissimum mihi fecerit, si literarum maiuscularum, quas appellat, exemplar ad me miserit, ut corà etiam se facturum, mihi pollicitus est. Tuas ad fratrem literas cui recte darem, non dum habui, habebocras, summum perendie. Camillus noster nudius tertius uirgini, quam ei frater desponderat, annulum iniecit: ego & Iulius ipsius accessitu affuimus. Vale. Romæ.

I ij Ludouico



# LIBER

*Ludouico fratri.*

**D**E epistolarum negligentia, quo tu me nomine accusasti, nihil est, quod me tibi purge: iam enim meas acceperis, quas ad viij. Id. ad te dedi. Sed, mi frater, litere tue suauitatis plenæ, illud mihi nescio quid asperserunt molestiæ, quod uideris quodam modo mihi diffidere, ac uereri, ne me argumenti inopia a scribendo deterreat. ego uero promitto tibi & spondeo, cum tantam eius rei uoluntatem tuam perspiciam, & simul quantum ipse fructus ex ea re percepturus sim, sæpe cogitem, neminem me prætermisurum, quem ad uos proficisci sciam, cui aliquid ad te literarum non dem uel cum argumento, uel sine argumento. at cum nihil habuerō, quod scribam, illud certe necesse erit, ut inanes sint epistolæ, sed hoc quid refert? non id specto, id ago, ut exercitatione duce, eò, quod intendo, aliquando perueniam. Illud uero Franciscæ, nobisq; omnibus tam fuit gratum, quam quod gratissimum, quod scripsisti, non omnem te spem abiecit, fore, ut id consequaris, quod ut ne negligeres, ea te, cum hic aderas, hortabatur, utq; res ex sententia cadat, uehementissime cupimus. Trachelinum nullam interposui moram, quin conuenirem, simul ac tuas accepi literas. Is, cū extremum illarum caput illi perlegissem, dixit, commentarium de quo scribis, a Paulo Manutio confectum illud quidem, at non dum editum esse, nec fore, ut edatur ante XL. aut L. dies cum primum in lucem uenerit, idem (si ita uis) faciam, quod ut facerem nunc mihi madaueras. Tuas ad Hieronymum literas per certum hominem perferendas curauit. Hercules Bonifatij filius dies fere decem minus belle se habuit; nunc tamen conualuit. Vale, & salue ab omnibus nostris. Romæ.

*Ludouico fratri.*

**C**VM hodierno die ad literarum me studia retulerim, quæ ualitudine impeditus per aliquot dies intermiseram, putavi meum esse, hoc etiā ipso die ad meum latinè ad te scribendi institutum redire, quando ex eo non solum uoluptatem, sed etiā utilitatem percipio maximam. Ego, mi frater, ut ualitudini quoque inferuiam, institui hoc mense, dum se calor frangat, matutina tantum tempora in studijs consumere, reliqua quo melius poterō traducam.



ducam. Quirinus in lecto est morbo, leui tamē affectus, ex quo cū euaserit (quod tribus, aut quatuor diebus fore cōfidimus) affirmat planē se istuc rediturum. Bonifacius summa in solitudine uersatur propter grauem, & periculolam ualitudinē Herculis filij. Francisca accepit numos, quos ad eam misisti. Non scribā plura. illud te oro atq; obsecro, ut ualitudini tuæ, si me, omnesq; nostros ualere uis, diligentissime in seruias, ad meq; literas creberrime des. Hoc erit mihi etiam, atq; etiam gratum. Vale. Roma.

*Ludonico fratri.*

**Q**UAMVIS, suauissime frater, nunquā mihi dubiū fuerit, quin summo me amore ac pietate prosequerere, summaq; tibi curæ esset salus, & incolumitas mea, id tamē ipsum ex proximis literis tuis accuratissime & amatissime scriptis, multo clarius, atq; apertius cognoui: non enim me ad literarū studia, ut cōsueueras, incitasti, sed reuocasti potius, q̄ppe qui (ut scribis) intellexisti, in cōmodo ualitudinis, quē me aliquot dies tenuit, eam causam fuisse, q̄ in studia nimium assidue incumberem. ego uero polliceor tibi, me in posterum, quam uiuendi normā, & regulam mihi dedisti, eā diligentissime seruaturum, literisq; ita operā daturum, ut ualitudini quoq; in seruiam. Hercules nūdius tertius suum diē obiuit, hinc facile coniscere potes, quāto in mœrore, luctu, squalore, lacrymis uersentur parentes eius, cū duos duobus mē sibus liberos amiserint, proximeq; eum, quē prae ceteris charū habebant, in quo omnem spem fixerant, atq; locauerant, quē deniq; suā familiæ lucem, ac splendorem fore, sibi proposuerant. Verum Bonifatius cum eam domum, in qua tam grauis sibi casus contigit, ne aspicere quidem possit, apud nos est cum tota eius familia. Vale. Roma.

*Ludonico fratri.*

**P**UTO fore, ut hac te quartae pistola mea ante opprimat, q̄ tu literam ad me nec tamē ignoro quam sis impiger in scribendo, quantamq; dadi facultatem habeas: quamobrem nisi cognouissem ex quibusda amicis tuis, qui modo istinc sunt profecti, esse



# LIBER

Et, esse tibi ut uolumus, summa cura de te, ac solitudine esse, praefertim cum ante hac singulis literis meis statim rescripseris. Nunc uero quod ad ternas nihil plane responderis, occupationi tuae tribuo: sed tamen non possum non aliquantum admirari, quae nam tanta occupatio tua esse possit, ut non licuerit tibi per ea uiginti fere diebus schedulam ad me mittere, ex qua, recte te ualere, intelligere, summa erit haec. Scribes ad me quam primum, si quicquam me amabis, quod tu agas, nunquidam Syluius, ceterisque nostris allatum tibi sit. si unquam auidet uas expectaui, nunc profecto maxime. Vale. Romae.

*Ludouico fratri.*

**A**CCEPI iucundissimas literas tuas, quas legi liberrissime. sed duo tamen fuerunt in illis, quae me ualde commouerunt, atque perturbarunt, eoque magis, quam praeter opinionem meam omnino, & expectationem euenerunt, quorum unum est, de acerbissima ac miserranda Hippolyti patruelis nostri morte, ex qua qui maior, quam ego, molestiam, aut dolorem traxerit, puto esse neminem. At quid facias? omnia ferenda. Alterum, quod scribis Hieronymum Romanum hoc anno eodem non accessurum, quod res nostras recte prius cum componere, & constituere oporteat. ego uero putare, omnibus rebus posthabitis huc omnem aliquando spem, & cogitationem dirigendam, nec enim uideo, cur tantum intersit, utrum per eum, an per alium e nostris constituentur, quod si quam etiam in eo iacturam faceremus, ut profecto faceremus; noui enim hominis ingenium, noui industriam, lucrum tantum, quod nobis accederet ex eius ad urbem aduentu, iacturam longe superaret. Quid quaeris? uereor, mi frater, cum quorundam uos eandem cantilenam canere uideam, ne annum magnum Platonis (quod aiunt) expectetis, sed haec uos pro uestro iudicio actius considerabitis, meum non interpono. me certe spe maxima priuasti. nunc cognosce cetera. Franciscus fratris literas statim reddidi, & quae mihi mandasti diligenter exposui. Quirinus, qui ait, se ita auidet aduentum uestrum expectare, ut ne mihi quid concedat, & profecto mirum in modum se amantem, & obseruantem tui omnibus in rebus ostendit, omnia in cubiculo tuo parabit, quae aut ipse opus esse uidebit, aut a furdo admonetur. Ludouicus sororis nostrae uir per literas diligenter mihi mandauit, ut tibi salutem plurimam ascriberem. Vale.

Iulio



**D**ISCEDENTI mihi à uobis, & iucundissimā consue-  
tudinē tuā dimittenti, in magno meo dolore una illa re-  
linquebatur consolatio, q̃ uidebā, nec diurnū inter nos  
digressum fore, & quādiu tamen abessem, posse nō incommode  
utriusq; nostrū desiderium crebris literis leniri; id quod uidebar  
mihi nō modo de meipso mihi sp̃odere, & polliceri posse, sed  
ē de te affirmare, si quidē humanitatē tuam, & amorem erga me  
planē perspectum habeo. quare à te pro nostra summa necessitu-  
dine, atq; familiaritate, pariq; ac mutua inter nos beneuolentia  
magnopere peto, ut his menlibus, quibus à uobis affuturus sum,  
octauo saltem quoq; die aliquā ad me epistolā conscribas. nā cū  
mihi gratissimū feceris, tū illud tibi affirmo, uberrimū te quoq;  
ex ea re fructū, & utilitatē percepturū: etenim si cupis ad aliquam  
latine, atq; eleganter scribendi, loquendiq; laudē peruenire, ut cer-  
te cupis, & maxime debes, ita tibi persuadeas necesse est, quod me  
mini etiam sape te a Binardo nostro adinoneri, neminē posse id  
assequi, & perficere, nisi dū, multumq; scriptitarit, quod tu adhuc  
nec fecisti, nec ferē per ætatē licuit. nunc hæc dies, mi Iuli, aliā ui-  
tā affert, alios mores postulat, sumenda iā est tibi uirilis toga, hoc  
est, uiriles mores atq; instituta. deponendæ sunt, atq; abijciendæ  
pueriles illæ, & quasi ludicræ exercitationes, descendendum tan-  
quā in aciem, & puluerem. Quod cum ita sit, statuo, unū aliqū  
tibi eligendum esse, qui cū literis dandis, & accipiendis propē de-  
certes: quē autē potius eligas, quā eum, qui est tecum omnibus  
summæ necessitudinis uinculis coniunctus, qui, quod caput est, eo-  
dem studiorum genere delectatur, qui denique hoc a te beneficij  
loco, & postulat, & expectat, habes profecto neminē. Scribe igitur,  
nec falle spem, & opinionē meā. ego te faciā quā primum de  
studijs meis, quæ nō dū attigi, statuq; omni certiore. hæc scripsi  
ex tempore. Vale, & Binardo plurimā dic meis uerbis salutem, ad  
quem et ipsum cum plus ocij habuero, (quēadmodum singularis  
meus erga illum amor, maximaq; eius in me merita postulant) li-  
teras dabo, si id hominē non nolle cognouero. sin autē quas ad te  
scribā, eas tibi etiam communes existimans, nihil est amplius à me  
petituris, nō cōmittā, ut ei literis meis molestias sim. Balnearia.

Fabio



**C**VM heri hora xxij. domo (ut ferè soleo) egressus essem, ecce obuiâ fit mihi Antonius utriusq; nostrû familiarissimus: quē postquâ salutaui: & (ut fit) complexus, osculatusque sum, quid, inquâ, de Fabio nostro? quid agit? ubi terrarum est? immo uero, inquit ille, Eugubij modo cum incolumem, ualentemq; uidi; aliquot. n. sunt menses, cû ille acceptis Iurisconsultorum insignibus, Bononia profectus est. Hic nisi certo scirem, cognitû esse tibi, planeq; perspectum singularem amorem erga te meum, conarer ostendere, quâto repente gaudio, & lētitia perfusus fuerim. sed multo facilius potes id tu coniectura assequi, q̃ ipse scribere. lætor igitur, & tibi summo opere gratulor, q̃ studiorû tuorum curriculum in celeberrimo totius Italiæ gymnasio ita confecto, ut oēs de ingenio tuo, ardentiq; ad literas studio prædicarent, ad optatum tandem, & propositum tibi finē peruenieris, q̃ si contigerit (quod & incredibilis mea erga te beneuolentia optare, & summa tua tum probitas, tum doctrina sperare me iubent) ut celeres, atq; uberes laborum tuorum, huiusque quasi tam diligenter culti agri fructus percipias, tum uero, & maxime gaudebo, & Deo gratias agam immortales. Reliquum iam esse uidetur, ut aliquid de uitæ meæ ratione, statuq; adscribam. Scis me istinc eo animo discessisse, ut cum unum, alterumue annû in his humanioribus literis consumpsissem tum ius ciuile aggrederer, idq; non q̃ natura ad hoc studiorum genus admodû essem propensus, sed quia, & meos oēs ita uelle intelligebam, & multa me ad ea studia habiturû adiumenta, & quasi subsidia uidebam, in quibus illud erat maximum, q̃ fratrem habere, qui magno mihi in hac facultate addiscenda usui esse posset, accidit postea, ut Romam profectus, cû aliis de causis sententiam mutare fuerim coactus, tum uero præcipue, q̃ inueni, cōfobrinæ meæ filium, qui cum coniunctissime, & amantissime uiuo, philosophiæ studia sectari: etenim cû statuerem, omni fere mihi uitâ unâ cum eo fore traducendam, uix mihi licere sum arbitratus, non eadem, atq; ille, studiorû genera amplecti, huc accedebat (quod uel maxime urgebat) ut ea esset ualitudinis meæ ratio, quæ uix uideretur iuris ciuilibus studiorum labores posse perferre. Hæc ferè sunt, quæ me de proposita sententia depulerunt, effeceruntque

ut



ut Philosophiæ me dederem, cuius tamen rei (uerè ut dicam) tantum abest, ut me pœniteat, ut quod necessario, & propè inuitus feci, id iudicio, ac uoluntate fecisse, maxime uideri uelim: tantam enim uideor mihi in his studiis suauitatem ac iucunditatem quasi præsentire, ut hæc sola studia qui sequuntur, & colunt, ij uideantur mihi (pace tua dixerim). & boni uiri, & uera laude digni. Sed, inquires fortasse, quid scientiæ nostræ fructus? quid honores? quid dignitates? at ego, quid labores? quid discrimina? quid pericula? ualeant uberes isti fructus, ualeant dignitates. Equidè hoc animo semper fui, ut animi oblectationem longe utilitati præponendam esse putarè, nihilq; esse quietæ, & trāquilla uita iucundius, nihil amabilius. Nos autem, quamuis magnam uim habere uideatur studiorū similitudo ad amicitias tum coniungendas, tum confirmandas, tamen nihil est, quod uereamur, ne summa necessitudo nostra, hoc uinculo ablato, non dicam dissoluatur, sed relaxetur: tot enim tantisq; præterea uinculis astricta est, & colligata, ut præclare se sustinere sine illo tueriq; possit. Vale.

*Ludouico fratri.*

**I**S, qui hastibi literas reddidit, Octavianus est affinis noster, cui nos & propter affinitatem ipsam, & propter habitationem, de qua mihi accommodauit, omnia debemus. Romam uenit, ut tributorum quorundam immunitatem à Pont. Max. petat, quam quidem impetrare, haud sibi difficile fore existimat, præsertim cū Cardinalis, qui modo hic Legati locum obtinebat, omne ei in hac re studium, atq; operam pollicitus fuerit. accedit, quòd maxime æquum, & honestum esse uidetur, ut ratione aliqua resarciantur damna, quæ quidè magna fecit in ædibus, & reliquis fortunis suis, dum præfuit huic urbi, atque prouinciæ Crispus Card. quemadmodum coràm ex ipso commodius poteris cognoscere. Velim igitur hominem hoc in negotio, quibuscunq; rebus poteris, adiuues, itaq; accipias, & tractes, ut quàm gratissimos erga ipsum nos esse cognoscat. Vale. Perusia.

*Vincentio Ramosetto.*

**V**uero, mi Vincenti, ne ab ullo quidem, quamuis moroso & difficili, ne dum à me aut inhūmānis, aut negligens existimari debes, quòd literis meis officij tantum causa scriptis, ferus responderis. præsertim eum tam graui fueris, tamq̃ue hone-

K sto



Itō negotio impeditus, in quo quidem facile conijcere poteras, gratius te mihi facere, quā si epistolæ meæ statim rescripsisses. tua igitur excusatio, quod minus necessaria, eō mihi gratior fuit, & incundior. Sed uiden, ut iā sit mihi ea de re, & mihi ipsi, & tibi planē gratulādum, de qua gratulari ut cito possem, cupere me, & sperare, superioribus literis adscripserā? nimirū tu optimos es, & fertiles agros imitatus: ut enim illi arati, ac sati, uberrimas breui fruges edūt, sic animus tuus studiis & doctrina excultus, atq; ornatus magnos statim capit, & lētos fructus efferre: qd enim debet ingenuo; liberaliq; uiro optabilius esse, q̄ primos laboris, & industriæ fetus patriæ, cui uel ipsam uitā debemus, persolvere? qd porrō utiliū aut p̄lucius, q̄ ciues suos honestissimo sibi beneficio deuincire? uersatur mihi ante oculos magna ciuium multitudo te aduentū, te honorifice salutantiū, à te opē petentium uel ad suā, uel ad lib̄rorū propinquorū v̄ salutem, ualētudinēq; curandam. uide re mihi uideor cōplures, qui immortales tibi gratias agant, q̄ suā, ac suorū incolumitatē & uitam tibi maxime secundū Deum acceptam referāt, qui deniq; omnia se tibi debere fateantur, ac tēpore & lōcō p̄staturos, largē promittant. q̄ quidē adeo egregia, ac splēdidā uidentur, ut ego, q̄ ita cōparatus mihi uideor, ut ea in me nō multū aestimaturus fuerim, eadē tamē in te, & maxime probem, & plurimi faciā. nam q̄ ais, me ueros, ac suaves uirtutis fructus percipiturū esse, ego quidē ita statuo, itaq; spero, iuuante Deo, & maxime cupio, & quamuis id plerisq; certo scīā aliter uisum iri, hoc tamen ipse minus sum laboraturus. Vale. Perulia.

*Hieronymo fratri.*

**L**UDOUICI aduentus & magnā mihi uoluptatē attulit, & dolorē fortasse nihilo minorē: uidere enim fratrē amantissimū atq; optimū, mihi sanē gratiosissimū fuit, eundē autem ueteris illius grauiſsimæ calamitatis uestigia & animo, & corpore etiā nūc prae se ferentē uidere, non potuit non molestū accidere, p̄sertim cum solerem antea in eius oculis, & uultus hilaritate quadā ita acquiescere, ut omnē ille mihi caliginem, quæ animum meū sæpe solet occupare, penitus discuteret. quāquā ipse quidem qua est animi constantia, & robore munitus, facilius etiā uidetur, q̄ existimaram, aduersam fortunā tolerare, mihi uero, qui nō sum animo ita fortis, refricuit quodāmodo dolorē hominis aspectus, qui



qui iam refrixisse, atq; adeò cicatricem obduxisse uidebatur. Atq; quidē duos ferè totos dies apud nos cū fuisset, à Card. tā benigne, & humaniter acceptus, q̃ qui maxime, ita à nobis discessit, ut magnum apud omnes sui desiderium relinqueret, sed ut maior esset & uberior lætitiā, quam ex fratris aduentu percepi, tuæ literæ effecerunt, quibus unis pluribus meis diligenter rescripsisti, quanquam ne illæ quidē lætitiā mihi dolore planè uacuā, & purā attulerunt; scribis enim silentij tui causam esse, non solum negotiorum multitudinem, sed etiā animi molestiā, & angorē. Quid est, mi frater, cur tā topere excrucieris? an q̃ uidearis tibi tantū te istuc non progredi, & proficere, quantū optares? at ego audio te apud omnes, quibus cognitus sis (es autē q̃ plurimis) in summa opinione esse & existimatione. an q̃ uereri ne domino in negotiis istis suis procurandis satisfacias? at affirmo tibi & adiuro, operā, fidē, & diligentiam tuā summopere probari tum ipsi, tum his, qui apud eū plurimum possunt. q̃ si laborū tuorum leue adhuc præmium tulisse, aut ferre, tibi uideris, nec satis scire quid Card. de te deliberatū & cōstitutū habeat, scito ita esse plerisq; in rebus hominū mentem testam atque reconditam, ut difficillime possit eorū uoluntas & consilium perspicui. quare percomodū à te factum est, q̃ occasionem arripueris, qua scire posses quo modo, qua uè conditione tibi uiuendū sit. Sed hæc ex Ludouici literis, quas ad te mitto, perspicue cognosces, putoque fore, ut omnem illæ tibi animi ægritudinem abstergant. qđ uere an ne falsè crediderim uelim à te ipso scire. Vale. Perusia.

*Francisco Valterio.*

**M**emoriam ego quidem tui summa cum obseruantia seruauit ad hanc diem integerrimam, & seruabo quoad uiuam diligentissime; qui enim possim unquam sine magna reprehensione atque adeo sine scelere illius uiri obliuisci, qui me, dum licuit per tempora, ad bonas artes, & disciplinas tam studiose, fideliterq; instruxit? Sed hanc ipsam memoriam tuis nunc literis renouatam esse, & excitatam facile patior, præsertim cum hoc tempore ne ubi quidem esses, scirem; neq; enim id si sciuissem, commissem omnino, ut istuc Ludouicus frater sine aliqua mea ad te Epistola ueniret: tuæ igitur literæ iucundissimæ mihi

K ij fuerunt



fuerint, tūm quod recta de te nuntiabant, tū quia plenæ erant hu-  
 manitatis, & amoris erga me tui. Quod autē consilium mihi tuū,  
 ac desiderium patefeceris, commodē, & rectē fecisti, mihiq; per-  
 gratum, nā nec tu poteras cū ullo amantiore tui illud communi-  
 care, nec mihi quicquam acciderit gratius, q̃ si qua facultas detur,  
 qua possim tuis erga me meritis aliqua ex parte satisfacere. huius  
 modi autem tēpus potero multo facilius arripere, perspecta uo-  
 luntate, & cupiditate tua, uerum in præsenti quidē cum tua mihi  
 Epistola, amisso iam tēpore, reddita sit (eam. n. ad iiij. Id. Nouem.  
 accepi) id, quod mihi mandabas, non modo non perficere, sed ne  
 conari quidē, aut aggredi potui. quanquā, ut ne quid dissimilem,  
 ēt si esset ea ad me, re adhuc integra, allata, tamen non uideo, quid  
 tibi potuissim in hoc negotio prodesse; illi enim, cuius tu in locū  
 reponi cupiebas, non tam eam ob causam munus abrogatum est,  
 q̃ discipulorū animis non satisfaceret, q̃ ut pecunia, quæ in eius  
 stipendium erogabatur, alijs attribueretur: tantæ sunt hac tempe-  
 state ærarij angustia. Reliqui sunt duo, qui humanas literas in hoc  
 gymnasio profiteantur, Tautellus noster, & Camanus, quorū in  
 alterum rātum abesse arbitror, ut quicquā pro te moliri quenquā  
 uelis, ut nihilominus eius, q̃ tui ipsius causa uelle te, & cupere, cer-  
 to sciam. In alterū uero, & iniquū, ac propē impium esset aliquid  
 audere id ætatis præsertim, idq; probitatis uirum, & ut audeas, ni-  
 hil sanē proficias: etenim cū Perusinus sit ciuis, & tādū hoc onus  
 sustinuerit, hancq; personā gesserit, ut uideatur suo quodāmo-  
 do iure non solum debere hunc gradū retinere, sed maiora ēt pos-  
 se postulare, quis tandem adēdō iniquus reperiatur, qui cum nunc  
 ætatē confecta hoc commodo, hocve dignitatis gradu spoliatum  
 uelit, in quo omnes ætatis suæ uires consumpsit? Nam grad Eugu-  
 binam prouinciā attinet, optassem ego quidem maxime omnīū  
 eam tibi decerni, idq; non magis tua causa, q̃ meorum ciuiū amo-  
 re: neq; enim ignota est mihi probitas tua, ac doctrina, summaq;  
 in docendo diligentia, & longus usus. Sed non ita multis diebus  
 ante, q̃ tuæ ad me literæ perferebantur, certior factus sum, eā pro-  
 uinciam Francisco Caballo in alterum annum fuisse prorogatā,  
 idq; factum est, ut puto, ante Ludouici reditum in patriam. Vides  
 igitur, si neq; hic à me neq; illic à meis quicquā adiuuari potuisti,  
 id nō nostra aut culpa, aut negligentia accidisse, sed uel temporis,  
 uel



uel fortunæ iniuria. quæ adeo nobis illudere uidetur, ut non prius ferè aliquā gratiæ ijs referendæ occasionem ostendat, qui optimè sunt de nobis meriti, quæ eandē eripiat, atq; auferat, sed animo certe, & uoluntate ipsa quominus grati simus, perficiet illa quidē nūquā. quod si futuro anno ita rerum ac tēporū ratio tulerit, ut possimus, aut in patria nostra, aut Perusiæ cōmodo, & honori tuo consulere, studiū tibi nostrum gratiamq; , quantacunq; est, officia denique omnia utrobique constabunt. Vale. Perusia.

*Hieronymo fratri.*

**H**ODIE mane cum, quod ociosus eram, aliquid, quod ad te scriberem, mecū ipse quærerē, nec in mentem quicquid ueniret, hic obtulit se mihi Epistola quidā mea, quam superioribus diebus ad Urbini episcopum conscripseram: quæ quidē uisa est mihi me quodāmodo admonere, ne peius ipsi uellem, quæ ceteris plerisque; epistolis meis cōsultum esse, utq; ipsam quoq; legendā tibi, & expoliēdam mitterem. morē igitur ei libenter gessi, atq; adeo id à me ipsi gratiæ loco deberi existimaui, quod hoc mihi nescio quid scribendi argumenti suppeditasset. eā autē ad te ita mitto, ut, si digna tibi uideatur, cui studiū tuum impertias, iornamenti aliquid parte, & uenustatis cōsequatur, sin minus, tanquā audacem, & impudētē reiicias, atq; repellas. Nihil mihi longius uidetur, quæ dum aliquid de Ludouico fratre, uel abs te, uel ab ipso, cognoscam, ut et saluū eum uenisse gaudeam, & sciam, num se ad alicuius eorū familiaritatem applicauerit, qui nuper Cardinales declarati sunt: nollē enim eius uirtutem, & industriā diutius iacere: tēpus iā est, ut se ipse colligat, animumq; erigat, & optime instruat, ut cōtra fortunā, quasi cōtra hostem fortissime pugnet tu ei meo nomine salutē dices, & curabis, ut sciat suā apud Urbini episcopum cōmendationem Mario Marionio multū profuisse: dixit. n. heri mihi episcopus, cum rē ei ipsius Marij rogatu in memoriā redegissem, placere sibi, & Cardinali, ut liceat hīc homini corporis tuēdi cā cum lorica, & pugione impune esse. reliquū iam est, ut hanc eorū uoluntatē, & cōcessum diplomate sancendum, & muniendū curem, id quod propediem faciam. Valetē, & saluete ab omnibus. Perusia.

*Hieronymo*



# LIBER

*Hieronymo fratri.*

**E**ST fermè ita, ut scribis, amātissime frater, debuerat propè exaruisse tua dicendi facultas, atq; ubertas, idq; in alio quouis fortasse homine factū esset, tot, tantaq; obulere se tibi impedimenta; Sed tamen tu ijs ita fortiter rū studio, ac diligentia, tā ingenij ui & magnitudine obstitisti, ut facilitas illa tua, atq; elegātia, quasi arbor, firmata iam stirpe, stabilis adhuc permaneat & solidā seruet uiriditatē. aut ego amore fallor, qui quidem quāto maior est, tanto minus finit nos recte iudicare. uerum, ne putes, qđ ad studiōrū genera attinet, me multo meliore conditione in hac re fore, scito, si minus forte nosti, nostrā ætatis philosophos ferè omnes, tū qui docent, tū qui scribunt, aut scripserunt, de Latinis loquor, orationis elegantia ita negligere, atq; despicere, ut uideantur in eo ne uestris quidē iuriconsultis quicquā omnino cōcedere. tāta est orta inter eloquentiæ, ac doctrinarū studia dissensio, tantum q̄ne factum quasi diuortiū, ut uerear, ne, quod ipse tibi modestiæ, ut ego interpretor, gratia accidisse scribis, id mihi uerè planè contingat, cū impedimenta habeā fere eadē, adiuuēta certe multò tenuiora, quanquā eò fortasse minus exaruisse mea scribendi facultas dici poterit, q̄ illa in me nūquā sane uiguit. habes ad primum epistolæ tuæ caput. accipe ad reliqua. De impensa minuēda nolim amplius abs te admoneri: neq; enim necesse est. & quidē sint p me res nostræ quouis tēpore, quantumuis bene constitutæ, affluamus omnibus copijs, nō iccirco fuerint unquā sumptus mei largiores. Bartholomeo satis à me. factū esse, ualde lætor, nec parū uideor mihi esse cōsequutus. Sed eò magis miror, hominē, alioqui humanissimū, & maxime officiosū Falloppio nihil omnino rescripsisse. literarum nescio quid ad Card. istum tuū conatus sum cōscribere pro argumēto, quod tu mihi demonstrasti. tenue sanè multoq; exilius, q̄ ut potueris quicquam ex eo cultura atq; ingenio meo uberius educi. eas tamen adre misi. tuum nunc fuerit, quid de illi faciendum sit, constituere. Vale. Eugubio.

*Hieronymo fratri.*

**N**ULLA res erat, de qua ad uos scriberem, tibi certe nihil scripsissem. hodie, nisi quiddā forte euenisset, in quo uidebatur mihi opus esse iudicio, atq; opera tua. id cuiusmodi sit,



fit, iam narro. Superioribus diebus cū uiderē nos à publicis studijs feriatos futuros esse usq; ad Cal. April. decreui, græce aliquid legere quod ad dicēdi facultatē pertineret; aliàs enim tēporis mihi quidem nihil nunc superest ad hæc studia excolenda, & cū nollē quicquam aggredi, quod non possem ante absoluere, q̃ publicæ scholæ referārentur; primā Demosthenis Philippicā percurrendam mihi proposui, heri uero cū Franciscū Robortellū, ut aliquando soleo, inuisssem, accidit ut homo post aliquot sermones ex me, ut sit, p̃cunctaretur, ecquid studij his feriarū diebus uel Demostheni uel alij cuipiā græco oratori tribuerē. cui ego cum id quod erat, quod quæ tibi iam ante significauī, respondi, tū ille Demosthenē mihi obtulit, & locū querendā eius ipsius orationis ostēdit, in quo scrupuli non nīhil haberet, simul q̃; quid ipse de eo sentiret, aperte protulit, & meā etiam opinionē postulauit. locus is est, qui nō longe à media oratione legitur, ubi Atheniēsis suadet orator, ut copias aliquas sibi cōparent, quæ assiduè contra Philippū certent, damnis quæ eum afficiāt. uerba autē quæ cōtrouersiā faciunt, hæc sunt, καὶ ἰσχυροῦς τέτοις εἶναι. in quibus ille existimat mendū librario- rum incitiā hæsisse, & quamuis aduersentur tū omnes impressi libri, tū unus, qui apud eū est, manu scriptus, ipse tamen ita corrigit καὶ ἰσχυροῦς τέτοις εἶναι, ut sensus sit, nauesq; ipsis equitibus uelendis sex numero adsint. & coniecturam hanc suā Thucididis auctoritate conatur confirmare, narrātis, ut dicit, in sexto libro suæ historiæ, singula quæq; nanigia triginta equites ferre consueuisse, quare uidetur, aiebat, ad hanc rationē numerus hic nauium cū numero equitū, quos Demosthenes parandos censebat, ferè conuenire. hæc ille cū dixisset, respondi ego, ea, qua decebat, modestia, uideri mihi ipsius coniecturā sanè q̃ ingeniosam, sed tamen operæpretiū putare, ut consideraremus, nunquid & nullo omnino uerbo innuato sine Codicis ullius testimonio bonus illi ne sepsus elici posset, puncto duntaxat pronomini τέτοις appposito, ut ibi si steremus, & sententia ita se haberet, καὶ ἰσχυροῦς τέτοις, supple, εἶναι καὶ δ' αὖ, quæ quidem uerba non multo ante ab oratore posita fuerant, ut nō solū hic, sed etiā paulò infra, ut opinor, deferuiant, cum addit, ταχέως ἑκατὶς δέκα; etenim hoc etiam in loco aut illud idē, aut certe aliquid simile supplēamus oportet. his ille auditis, parū absuit, quin mihi assentiret ab ipsa, ut opinor, ueritate



ritate impulsus; reuocatus tamen in mea adhuc, inquit, sententia permaneo: ita enim & orator defecisse uideretur, qui nauium numerū proponere omisisset, & illud ociosū fermè esset. ad hoc ego dixi, fortasse nō necesse habuisse Demosthenē nauium numerum docere, quāquidē equitū ipsorum numero percepto, inde facile colligi posset, quot nā, quā eos ueherent, nauigia cōstituenda & paranda forent, tot scilicet quot satis essent ad ducentos equites capiēdos atq; uēhendos. uerbū uero *αὐτῶν* uideri mihi belle, & eleganter per se stare, itaq; sēpe apud Demosthenē usurpatū reperiri, ut sit *παρά τῶν αὐτῶν*. Hāc te scire uolui, ut, re diligenter considerata, atq; eūcū Constantino nostro cōmunicata, utriusq; uelstrū sententiā perscribas ad me: quāuis enim Robortelli ego doctrinā, & auctoritatem plurimi faciam, tamen in hac re mea me opinio magis delectat; cui uos quoq; puto adscripturos, sin minus, tum uerō libenter eam mutabo. Vale. Patauij.

*Hieronymo fratri.*

**E**O ipso die, quo literas tuas accepi, grauis me stomachi dolor inuasit, quē febricula quādā insequuta est, credo, quod in eis mihi, ut medicinæ studij me dederem suadebas, quasi uerō & morbus ipse eō me impellere conaretur, monens quodāmodo, q̄ opportuna sit ars illa, q̄ necessaria, q̄ nō modo alijs, etiā his, qui ipsā possident sapenūmero utilis. Sed nec dolor tāti fuit, sed ut id mihi in animū induxerit, quippe qui uideā tot eē nostris tēporibus, qui huic arti incūbunt, ut nullū sit periculū, ne medici nobis ubiq; prāsto nō sint futuri, & sciam, in pprijs agrotationibus non multū eā prodesse, nec stimuli tui quicq̄ profecerunt; etenim nō uideo, qd sit, cur debeamus in hoc exiguo uitæ curriculo animum diuitijs tantopere adijcere: neq; uero intelligo, qui nam philosophi, modo hoc nomine digni sint, nō diuites atq; beati ex hac uita migrēt; cōtraq; probabilius mihi quidē uidetur, plerosq; medicos, aut etiam, pace tua dixerim, iuriscōsultos pauperrimos, & miserrimos interire, quā unū philosophū, uerē inquam, philosophū. Sed hāc uos deridetis scio. ego tamen, ut nunc est, cogito in hisce studijs, in quibus uel sor aliquot adhuc annos permanere, si non ea, qua uellē, ea certe, qua possum cura, ac diligētia, idq; eō consilio



consilio, ut honestā nec ociosā, inertemq; uitā degam. q̄ si con-  
tigerit, ut inde etiā lucrari aliquid aliquando possim, non equidē  
respuā; sin minus, non ideo me sine, & proposito meo deicctum  
existimabo. Verbo autē illo repono pro reddo in superiori episto-  
la mea uideor mihi non ita *ἀνύπαιστος*, & preter bonorū scriptorum  
cōsuetudinē usus esse, ut ipse asseris. nā ut Plautū & alios mittam,  
apud ipsum Ciceronē duobus in locis illud reperi, sensu, ut puto,  
non multò dissimili usurpatū. quorū unus est in ep. ad Att. lib. 13.  
ep. prima pag. 207. alter in famil. lib. ep. q. pag. 14. hæc si tu satis ef-  
se ad me defendēdū iudicaueris, gaudebo, si secus, non luctabor te  
cum amplius. uerū cōsidera etiā tu, an, dum me minus proprie lo-  
quutū fuisse, insimulas, uerbum improprie recte protuleris: ego. n.  
non memini me illud apud Ciceronem unquam legisse. Cardina.  
nostrū cum familia fere tota ex urbe profectam esse lætor: suspi-  
cor. n. cœlum istud minus ei salubre esse, optoq; & ipse mirum in  
modū, ut bene sanus reuertatur, si quidē rumor est iā apud oēs de  
ipsius morbo peruulgatus. De collybo, uolo. n. ordine perturbato  
ad omnia tibi rescribere, tantū dicam si familiaris ille meus post-  
hac de permutanda pecunia mecū egerit, ei me responsurū, num-  
mos mihi in sumptus Roma amplius non erogari, aut aliquā aliā,  
quā potero, meliorem excusationē allaturū: ego. n. erubescere sa-  
nè isto modo loqui, nolo argenteā, sed auream pecuniā permuta-  
re: in ea. n. detrimenti nō nihil facio. quisnam, quæso, amico homi-  
ni ita dixerit? quis sanè mentis nō multo pluris fecerit amicorum,  
q̄ pecuniæ iacturam? Hæc scripsi remoto, iā dolore, & febris, sto-  
macho tñ aliquantū adhuc languenti. tu cura ut optime ualeas, &  
Vrbinatū episcopum Bartolomeū, & Vincentium medicos sa-  
luta meis uerbis, atque etiam his, si lubet, de quæstu, quem me-  
dendo faciunt, plurimum gratulare. Patauij.

*Honorio Porta.*

**E**GO uero, mi Honorij, te non modo non accuso, q̄ ante  
hac admodū nunq̄ scripseris, sed et amo quā plurimū, q̄  
nūc primus & hoc me officij genere prouocaueris; in quo  
polliceor me tibi cum semper cumulatissime respōsurum, quem  
admodū in amore pariter sanè tibi respondeo, tum hoc maxime  
L tempore,



# L I B E R

tempore, quo ocij mihi à cæteris studijs multum superest, nec ulla fere latine scribendi exercitatione utor, ita ut uerear interdū, ne quā uideor expectationem huius rei apud multos cōcitasse, eā tue ri non possim. sed uenio ad literas tuas, in quibus cū omnia me de lectarunt, tum illud in primis gratum, & optatū accidit, q̄ perspe xi, te ad literarum studia propensissimū esse, quod si ita est spem bonā habeas licet, & magnum animū, ēt si non multum hactenus profecisse, quod tamen secus esse demonstrant literæ tuæ: ea. n. ēt nunc ætate es, ut facile possis cursu corrigere tarditatem, cū præsertim ualetudine, sicut conijcio, bona, & satis firma utaris: in his .n. duobus sunt fermē oīa. De mea aut̃ Patauiō p̄fectione aut fuga potius, bene tu q̄dē coniecisti: etenim fuit mihi hæc res permo lesta ualdeque incommoda; sed tamen non ita male cecidisset, si pestilentia suspicio, quæ nos perterruerat, & in fugam uerterat, statim, ut sperabatur, extincta esset. nunc uero cum id teterri mum malum tantisper delituisse, & iā (quomodo aiunt) quasi ar dens fax reuiuiscere, atq; exoriri uideatur, anxio, ancipitique ani mo sum, & magnopere timeo, ne tutum sit, illuc redire. quod qui dem cō mihi molestius fuerit, q̄ literæ tuæ spē maximam affere bant fore, ut ibi te propediē uiderē, & iucundissima cōsuetudine tua fruerer, q̄to aut̃ desiderio tui ipse tenear, tu pro nostra summa cōiunctione, & familiaritate dubitare nō potes. Sed hæc Deus gu bernat, nos pro rōne temporū consilium capiemus, neq; uero spē oēm abieci uidendi tui, si minus in ea ciuitate, alibi certe uspiam, nam matris tuæ consiliū mittendi te ad aliquod nobile Gymnasiū tā probo q̄ quod maxime, & scito, nō semel mihi in animo fuisse, de hac re istuc ad uos scribere; sed pudor me quidā retardauit, ac suspicio, ne uiderer prudentiæ matris tuæ, scēminæ sapientissime, diffidere, at certe si habes cōstitutū, ut uideris, & ut debes, literarū studia p̄sequi, censeo oīno, id, cum primū cōmodum erit fieri de bere. Nam præter cætera illud quoq; uidetur magni referre, ibi degere, quō scias te bonarū disciplinarū, & uirtutum adipsenda rum cā missum esse. Verū hæc uos multò melius. Te, & Leonorā sororem ex morbo nō ita leui conualuisse uehementer gaudeo, & facile patior, simul me de recuperata atque de amissa ualetudine uestra certiorē esse factū: uoluptas. n. nō multò nunc maior esset, si ante uos ægrotasse sciuissem, dolor certe grauior, extitisset, si, adhuc



adhuc uobis laboratibus, mihi de uestra uoletudine nunciatū esset. Puto id me ad oīa tibi rescripsisse; neq; .n. expectes, dū tecū uel de anni intēpestiua cōmutatione cōquerar, uel agam de corrigenda Epistola tua; in qua errati nihil est, aut ego nō dispicio. perge igitur scribere, & utere Cicerone magistro. Mater mea cum uniuersa familia salutē tibi adscribit, tu uelim meo nomine plurimā referas cunctis affinibus, maximeq; matri, sororibus, & fratri. Cura ut ualeas. Eugubio.

*Fratri Iosepho Bergamo.*

**N** I H I L esse puto, cur multū in eo laborē, ut ostendā, memoriā me tui ex illo tēpore, quo istic unā fuimus, integrā semp̄ conseruassee: confido. n. tibi iā pridem esse psuasum, nihil me homine indignius existimare, q̄ in amicitia incōstantem esse, quā præsertim cū uiro probo, humano, eisdemq; studijs dedito contracta sit, & quidē uel ea, quā pxime de te cū Augustino Mantuano uestri ordinis collocutus sum, satis tibi argumenti esse possunt primā & ppetuā meā erga te beneuolētia. neq; uero debes aut cōqueri, aut mirari, si nihil unquā ad te literarū dedi, post meā illā Patauio profectiōē, uel potius fugam: fugē enim similis fuit pp̄ magnā pestilentiaē suspicionem, quē per id tēporis in illis locis suberat; diu enim longē abfui, nec certo scire potui, ubi tu es. qđ tandē ex tuis literis cognoui, quē quidē literē q̄ me, & Frānciscū Gonzagā ad uos uisendos inuitarunt, rē fecerunt à singulari humanitate uestra minime alienā mihiq; summopere gratā. sed ego de me nihil habeo uobis polliceri, cū mihi non liceat hinc discedere. ipsum aut̄ Franciscū pro eius erga uos uoluntate ac studio, proq; uestris in eum officijs facile sperare potestis, istuc uenturum esse. quod si fiet, confido equidem non minori ipsi, q̄ uobis delectationi fore, nam & ipse animum à labore studiorum, quibus est mirifice deditus, recreabit cum amānitāte, ac salubritate istius loci, tua ēt amabili, ac iucunda cōsuetudine uestra, & uos ex eius humanitate ingenijq; suauitate uoluptatis plurimum percipietis. Ramesinum uero nostrum tam cognoui amantem tui quā est ipse dignus, ut ab omnibus ametur. is tibi salutem plurimam refert. Vale. Patauij.

L ij      Philippo



# LIBER

Philippo Capriano.

**O**ptabam equidē mirū in modū, orationem tuam legere de qua sæpius mecū egeras: etenim pp opinionē, quā de tuo ingenio optimā habeo, facile conijciebā, fore, ut ex ea plurimū uoluptatis perciperem uerū modestia impediēbar, quominus illā exigerem, cū præsertim meā ego tibi eisdē de rebus cōscriptā nunq̄ portiterim (quē admodū pollicitus fueram) ostendere. neq; tñ non sperabā, te pro tua humanitate eā ad nos nec postulantes misurū esse. quo fit, ut amicis illis nostris hoc ēt nomine subiras, quæ malum, fuit ista ratio, ne dicam amentia? nō satis habebant, se ipsis nos, suisq; præclaris operibus, quæ tantopere ostentabant, fraudare, nisi etiam alienis priuarent monumentis? id pietas, id iubet charitas? sed de istis coram fortasse commodius. Te quidem non solum culpa libero, uerum etiam uicem tuam doleo, ex huiusmodi medicis tuum quasi partum cominiseris, qui eum laborantem (quomodo ipse scribis) ita diligenter curauerint, ut prorsus sustulerint male profecto nobiscum ægro tantibus ageretur, si talem pater tuus exerceret medicinam. o labores tui inanes, o uigilia frustra susceptæ, meas certe isti lucubrationes non curabunt. malo minus sanas habere, q̄ funditus pdere. non ita est apud me leuis earum, quale scunq; sint, iactura, immo eas ego quidem in posterum, tuo detrimento admonitus, diligentius custodiam. De Pontifice Max. creando uaria atq; et pugnancia ad nos afferuntur, ut nihil possimus certo coniectura assequi. Sed tamen quē admodum ante hæc magna in spe, atq; expectatione fuimus, ita iā ueremur (ut nunc res est) ne causa cadamus, idq; e rum culpa, per quos maxime uidebamur stare debere. Sed hæc Deus uiderit. Tu cura, ut quartanā istā aliquando depellas, & omnem animum ad literarum studia referas. interim uero ama me, ut soles, & effice, ut nihilo minus diligar à Patre tuo. quem ego quidem ob eius singularem humanitatem, ac uirtutem in primis obseruo. Federico & Annibali Urbinatibus gratissima fuit salus abs te missa, tibi quē plurimam referūt. Tuā ego epistolā postridie rescripsi, quā mihi reddita est, cito, an sero, rationem inire non potui: neque enim dies erat adscriptus. Vale Patauī.

Syluio



*Sylvio fratri.*

**S**I memoria tenes, amantiſſime frater, quanta ego quidem lætitia affectus fuerim, cum filiolo illo tuo, omnium amabiliſſimo, auctus es, facile poteris per te ipſum conjicere, quantum nunc dolorem ex eiſdem morte hauſerim. qui certe primo, ut ita dicam, incurſu magnus fuit, & uehemēs: mors enim cum occupat dilectum, contriſtat in nobis dilectionis affectum. Sed tamē ut me collegi, & rationi diuino fauente numine locū dedi, intellexi debere me omnino, qui tantō pere gauiſus eſſem, ubi illum in hāc lucē, tenebrarum plenam, ſuſceptum, & in hanc uitam, quæ mors potiſſus, quàm uita dicenda eſt, ingreſſum uidi, multo nunc magis gaudere, cū eū prope intuerer, quaſi purum quendam angelum ad illā clariſſimam lucem euolare, & in ueriſſimam ac feliciſſimam uitā introire, ubi abſorpta eſt mors in uictoria. Quod ſi durum ſenſui noſtro, & acerbū uidetur, puerum nobis, mirifice indolis, tam cito ereptum eſſe, cogitare debemus, eum, qui nobis illū ſua bonitate mutuū dederat, potuiſſe eūdem ſuo iure à nobis eo, quo ipſi placuit tempore, atq; hora repetere. quin autē opportuna illi quidem ac ſalutaris hęc ipſa obitus, uel potiſſus reditus hora fuerit, dubitare nemo poteſt, & uero idem nobis maiori, niſi noſtra culpa fuerit, ſolatio, maioriq; auxilio futurum eſſe, facile nobis ipſi perſuadebimus, ſi recte conſiderauerimus, q̄ incertæ, q̄ inanes, q̄ fallaces ſint hominū ſpes, ſimulq; pie expēderimus, q̄ certō ſperare & poſſimus, & debeamus, fore, ut beata illa anima ſuis apud Deū precibus multū nos quibuſcunq; honeſtis in rebus iuuat. cur igitur tam excellenti ipſius bono inuideamus? cur uel non illa potiſſimū cōſolatione præclare nos ſuſtentemus, fore. ſed non ita multō poſt, diuina gratia adiuti, æterna unā cū eo, beatitudine fruamur? pereat contriſtatio, ubi tanta eſt cōſolatio, detergatur luctus ex animo, fides expellat dolorē. Scitē tu quidē, frater, & cōmodē feciſti, q̄ te in graui chariſſimi filioli morte afflixeris, nec deſtiteris, & per te ipſum, & per alios religioſos homines, Deū pro eius uita humiliter deprecari, Dauidis illa opinor, uerba adhibens, quis ſcit, ſi forte donet eū mihi dominus, & uiuat infans? ſed quēadmodum magnum hunc regē & prophetā eſ hoc facto imitatus, ſic debes eniti, ut eūdem in eo quoq; nihilo minus imiteris, q̄ poſtq̄ cognouit,  
placitum



# LIBER

placitū esse Deo, ut moreretur infans, non solū grauius se non afflixit, quemadmodū eius serui timēbant, adeo ut non auderent, tātum ei mārorem nūciare, uerū ēt luctū oēm absterfit, & cum de terra surrexisset, ingressus est tēplū domini, & adorauit; atq; inde domū reuersus, cibo se refecit. id quod antea nullius precibus adduci potuerat ut faceret. hanc insperatam hominis mutationē cū admirarentur serui, & causam quærerent, his ille uerbis usus est, nunc quia mortuus est infans, quare ieiuno? nūquid potero reuocare cū amplius? ego uadā magis ad eum, ille uero non reuertetur ad me. & cōsolatus est Dauid uxore suam. id uelim tu quoq; mi frater, plane facias. q̄ si minus potes tanti uiri uirtutē ac fortitudinē cōsequi, illud certe elabora & effice, quod uidemus plerosq; eorū qui Christi fidem non fictē profitentur, præstare, qui, tam & si non possint, naturæ cōmunis fragilitate superati, suorū mortē non dolere, tamen non contristantur, sicut ceteri, qui spē non habent. contristemur ergo nos, ut Diuus ait Augustinus, in nostrorū mortibus necessitate amittēdi, sed cū spe recipiendi. inde angamur, hinc cōsolemur; inde infirmitas afficiat, hinc fides reficiat; inde doleat humana conditio, hinc sanet diuina promissio. si igitur haec tenus pij parētis munere functus es, noli iam p̄termittere, quin ueri pariter, & fidelis Christiani officio satisfacias, nec animo ita iniquo p̄sentem calamitatē feras, ut nimia deiectione. diuinā iram ad maiores etiā inferēdas prouoces. Tecū ipse reputa, quot iam patres unicos filios amiserint, & tamen Dei ope, auxilioq; fulti patienter casum tā graue sustinuerint. tibi autē duo adhuc reliqui sunt mares filij, hiq; Dei munere, tali indole p̄diti, ut sperare facile possis, eos tibi, eodē adiuuante, magno ornamento, atq; subsidio semper futuros. hoc libuit attingere, q̄ putem, non mediocri id quidē tibi leuationi esse debere. patris nempe felicitas nō tā uidetur in eo posita esse, ut multos habeat filios, q̄ ut hi, quoscunq; habet, probi sint & uirtutibus ornatī. nihil est igitur cur de illo solliciti simus, quē præsertim sciāmus in portū salutis peruenisse. sed debemus omnē nostram curam & cogitationē ad hos conuertere, Deum rogantes, ut longā eis, si ita expedierit, uitam & bonam largiatur, quo possint, ipsi quidē glorię, & honori, nobis uero decori & cōmodo esse. Hęc habui, quæ ad te, mi frater, hoc tempore scriberem, non modo, ut tuū, uxorisq; tuæ, sanctissimæ fœminæ & mihi charissimæ, dolo-

rem



rem ex aliqua parte leuare, sed etiã ut me ipsum fulcire, & cõfirmare. nolite enim putare, animo esse me adeo forti, ut consolatione nihil indigeam. sed tristes de una re, magis se portant, & quasi incũbunt sibi. omnes igitur unã nos consolemur in Christo Iesu, qui pater est misericordiarum, & Deus totius consolationis. Vale. Romæ vj. Id. Sept. M D LXVIII.

*Alexandro fratri.*

**Q**UOD, summa amplissimi patroni ac domini tui voluntate, in patriã te eo animo receperis, ut reliquã uitã tempus, si ita Deo placuerit, cũ tuis traducas, non possum nõ magnopere probare, quippe qui nihil ferẽ soleam æque mirari, atque eorũ hominum siue ambitionem, occultam animi pestẽ, siue auaritiam, siue amẽtiam, qui quidẽ animum inducant in aulis principum totas ætates contere. Tu uero, mi frater, multo sapientius, qui, postquã operam & studium tuũ principibus uiris multos annos fideliter ac diligenter nauasti, tandẽ statueris, multam salutẽ aulis dicere, & fallaces hominum pollicitationes dimittens, omnẽ spem in eo fixeris atq; locaueris, à quo certe potes cumulatisimã omnium prætitorum quoq; laborum tuorum mercedẽ expectare, quare neminẽ fore arbitror, quin hoc tuũ cõsiliũ approbet, prætetim si ocio te, omnium malorum parenti, nequaquam tradideris; sed & fratri, istic q̃ diu fueris, in re familiari administranda, & cæteris nostris quibuscunq; in rebus poteris, opem & auxilium tuleris. qđ ut faceres, pluribus te uerbis hortarer nisi uiderer mihi animaduertisse, te quidẽ, sapientissimum illud sapientis monitum sequutum, Non oderis laboriosa opera & rusticationẽ creatam ab altissimo, laborẽ semper adamasse, & quantumcunq; rēporis à reliquis negocijs superesset, totũ uel in agricultura, uel in architectura, honestissimis nimirũ artibus, simul & utilissimis, nõ mediocri cum laude posuisse. cum igitur illud te p̃ te ipsum libentissime, studiosissimeq; facturum cõfidam, nõ tam causam esse uideo, cur te ad id præstandum impellam, quã quòd tum Syluiο fratri, tum alijs propinquis & affinibus nostris de tuo ad eos reditu, ut facio, gratuler. Vale. Romæ. Calendis Februarij. M D LXIX.

Epistola



## EPISTOLA DE REBUS INDICIS

à quodam Societatis Iesu Presbytero Italice scri-  
pta, & nunc primum in Latinum conuersa  
à Iulio Gabriëlio Eugubino.



LITTERAS ad te, Reuerende Pater, anno M. D. LVIII.  
extremo mēse Maio, misi de omnibus rebus, quæ perti-  
nebant uel ad institutū, quod tenent nostri in suo mune-  
re exequendo, uel ad rationes Indorū, qui ad Christi fi-  
dem se cōuertunt: ex ea autē die nullā ad uos scribendi occasiōē  
nacti sumus; nec enim ulla omnino naus aut huc accessit, aut hinc  
discessit, cuius opportunitate id p̄stare potuerimus. Quamobrem  
miseratione potius, q̄ reprehensione digni esse uidemur, p̄sertim  
cū à nostris fratribus tam diu nihil litterarum acceperimus, in tan-  
tamq̄; siuis rerū difficultatē adducti, ut iam aliquot dies ne uinū  
quidē, quod istinc aduehi necesse est ad rē diuinam faciendam sup-  
perat. Nunc igitur, iuuante Deo, omnia perscribā, quæcunq̄; post  
illud tēpus acciderunt, si id prius dixerō, magna nos lætitia esse af-  
fectos ex litteris, quas mō accepimus, ac p̄cipue ex tuis, in quibus  
apertissime demōstras & paternū amorē, quo nos complecteris,  
& summā curā, quā de nobis suscipis, quando non solum ipse tuis  
nos pijs sacrificijs & precationibus Deo assidue commendas, sed  
etiā curas, ut idē faciant omnes nostri istius regionis fratres. quod  
quidē quantū adiuuenti nobis afferat, nemo est, qui nō uideat: ne-  
quē enim profecto fieri ullo modo potuisset, ut tam diu, tamq̄; &  
terāter ferremus tantam horū, quos instituiimus, Braxillorū animi  
dūritiā, & pertinaciā, tantā uerbi Dei incuriā, tantā in bonis acqui-  
sitis moribus retinendis difficultatem, & procliuatē redeundi ad  
malos, ac detestabiles, quos à maioribus suis acceperunt, tantā de-  
niq̄; propriæ salutis negligentia, atq̄; adeo contemtionē, nisi assi-  
duæ nos totius societatis preces sustentassent, & à Deo patientiæ  
nobis, magnanimitatisq̄; uirtutē impetrassent. Quod cū ita sit, po-  
tes facile conijcere, nō multa esse digna, q̄ scribantur de Braxillis,  
qui se ad Christi religionē cōferant, si quidē adulti atq̄; impijs pa-  
rentū moribus imbuti, aures plane avertunt ab his, q̄ ad ipsorū sa-  
lutē, & ad uerū Dei cultū suscipiendū conducunt & quanquā nos  
quidem



quidē nunquā desistimus, eos ad Christi fidē hortari, atq; impellere, tñ, si qñ periculose agrotāt, tū uero uehementius contendimus, ut uelint ad sacrū baptismatis fontem accedere: Omnino em̄ uidentur eo tpe aures nobis faciliōres p̄bere. sed heu miseros, quotus quisq; est, q̄ hanc agnoscat misericordiā? duo tria vē proferā huius rei exēpla, vñ possit de cæteris cōiectura fieri. Vnus de Catechuminis quodam in oppido nō lōge à Piratiningia in morbū incidit: nos illuc accessimus, ut aliquod ei remedium, animā p̄sertim salutare adhiberemus. hominē adiuuimus, alloquūti sumus, quanto in discrimine ipsius anima uersaretur ostēdētes, & cohortātes, ut uitæ rationē mutaret, atq; ita dignū se p̄beret sancti baptismatis munere. responsū ab eo tulimus hoc unū p̄mitteremus, ut prius cōualesceret. Hic nos Christi fidem articulatim exponere, legis p̄cepta explicare, simul et in memoriā redigere, quoties eadē à nobis audisset, ac didicisset. Tandē post multas cōtentiones fastidiū p̄seferens, & stomachum, dixit, nequire se ea, q̄ à nobis dicerentur, exaudire, q̄ obstructæ aures, & obturatæ essent: quod tñ nō ita erat, immo uero ad alia omnia, hoc excepto, promptissime respondebat, ut aperte indicaret, obtusiores se adeo mentis, q̄ corporis aures habere. Alius alio in loco agrotare cœpit, qui sæpius antea à nobis monitus, atq; edoctus, distulerat bonæ ualitudinis causa ea, q̄ proponebantur, exequi, sed cum ingrauesceret morbus, ut iā mors misero instaret, ego eū inuisi, comiter, blandeq; admonui de suo maximo periculo, deniq; ad suscipiendū baptismum cohortatus sum. At homo infelix irascens, & stomachas, interruptis uocibus, q̄ uix perciperētur, clamare, desinere ei molestiā exhibere, sibi enim recte esse. Nec ego propterea causam deserui, quā tñ iam alij ex nostris fratribus frustra susceperant, immo eo acius urgebā, quò magis animaduertē Diabolū in ipsius anima dominari, & cū uiderer post magnā luctationē hominē flexisse, nihil ergo, inquam, causæ est, quin te baptizē, ut possis æternā salutē consequi. Ille uero non solum nō est assensus, sed capite inuoluto, me ipsum à se repulit, nec ullū uerbū amplius effatus est. Itaq; miser in pertinacia perseuerans sua, postridie moritur, sempiternā mortē obiturus. Mitto complures alios, ne longiorē epistolā faciā, neve huiusmodi exēplis afferendis angā te potius, q̄ delectē. De his igitur iam dicere aggrediar, quos clemens, & misericors Deus ex innumerabili multitudine barbarā gentiū, q̄ fere sub inuicibili Diaboli tyrannide pereunt, ad suam fugā, maternumq; suæ sanctæ Ecclesiæ gremiū perductos libera-

M uir,



## EPISTOLA

uit, ac demū in cælo, ut est credendū, immortalī gloria exornauit. Atque ut intelligas, esse causam, cur læteris, Deoq; gratias agas, scito, in his nō minorē ferme esse numerū eorū, qui etate iā firmata, q̄ qui adhuc pueri emorientes à nostris baptizati decedunt. Erat iā pridē æger in oppido, pculā Piratiningia quinq; mille passus uir qdā Christi fidē iandudū professus, & legitimā habens uxore; hunc nos cū uisissēmus, uisus est nostro aduentu ualde leuari, atq; lætari, & quidē peccata cū summa animi egritudine, multisq; lacrymis cōfessus est. Sed cū post nostrū discessum, maleficus nescio q̄s ex cōtinēti ad eū uenisset, homo partim leuitate, partim cupiditate adductus, p̄misit se ab eō illarū gentiū mō, ac ritu pficari, & fugi. Cum autē nihil ei p̄pterea melius esset factū, eratū agnoscens suū, ad nos se contulit, tū ut peccata cōfiteretur, tū ēt ut p̄pe ædē nostrā habitaret, quod cōmodius posset nobiscū colloquēdo, & de peccatis sepe confitendo, cōscientiæ labe eluere. à nobis igitur diligēter curatus, paucos post dies, cū paulo melius se haberet, domū rediit, atq; illic in morbū de integro incidit insanabilē. quod ipse pcipiens, Piratiningiā se deportauit, ut ibi apud nos supremū diē ageret. & uero qd̄ reliquū fuit uitæ, in ocio haudquaquā degit, sed nostrorū fratrū monitis, & consilijs adiutus, toto pectore incubuit in eā curā, uti se ad iter illud, qd̄ omnibus mortalibus ineundū est, cōpararet. Cū igitur ex hominū uitā libi iā, iamq; demigrādū intelligeret, accersitis nostris fratribus, quos ēt sacerdos unā cū interprete sequutus est, iubet eos asidere: ubi eū statutū esse, donec spiritū duceret, & mēte cōstaret, animæ salutē p̄spicere; rogat, ut uelint eū, mortuus cū fuerit, Deo cōmendarē, corpusq; in ædē sacra sepelire, simul & illud addit, uelle se ipsius uxore, ac liberos, ea in Vrbe apud nos p̄petuo cōmorari, ut ad Christianorū instituta, moresq; erudirētur, & instituerētur. Hęc atq; alia huiusmodi religionis, pietatisq; plena cū dixisset, paulo post ad meliorē uitā, ut speramus, fruēdā migravit. Mulier porro qdā catechumena, q̄ iā bienniū febris laborabat, Piratiningiā à suis p̄pinquis, ipsa postulāte, deportata est, ut à nostris curaretur. Nos uero quanquā nihil p̄termisimus eorū, q̄ uiderētur ad corporis ualitudinē p̄tinere, tñ qm̄ ea febris erat curatu difficillima, & totū iā corpus occupauerat, animæ salutē potissimū studuimus, mulierē ad alterius uitæ desiderii incitātes, multis, uarijsq; sermonibus ad hanc rē accōmodatis: quos qdē illa libēter audiebat, ac toto animo cōplectebatur, sacro ut baptismate elueretur, magnopere postulans. aliquot post diēs in quoddam



quoddā p̄pinquū oppidulū perrexit, ut ibi sororis opera, ac sedulitate aleretur, atq; ēt illic eā nos, curātes id ipsi prius significandū, sēpius inuissimus. Cū igitur in sua recta uolūtate, ac sentētia cōstaret, accidit post longinquitatē grauissimi morbi, ut dimidiatū ferme diē exanimata maneret. ad uesperā uero quasi arctiore, quodam somno soluta, cū ad se redisset, iubet quosdā pueros, q̄ p̄sentes aderant, nos festinatē accersire. accurrimus sine mora. eō aut post solis occasum cū puenissemus, animā efflātē inuenimus; cibū statim adhibuimus, tū hortati sumus, ut se se ad baptismū suscipiendū pararet. paratissimā se esse, respōdit, nec aliud q̄cquā magis cupere. Nos igitur eam, abiecta omni cunctatione, Piratiningiā multa nocte deferēdā curauimus, cū ipsius frater, & alter, q̄ eā delaturi erāt, ut res in posterum diē differretur, suaderēt, illuc uero allatā primū (id qd̄ sēpe iā antea feceramus) de his, q̄ ad fidē Christi spectant, accuratius erudiuimus; deinde baptizauimus. Eodē puncto tēporis uisus est eius uultus cōmutari, & nouo quodā colore, hilaritateq; perfundi. & q̄ prius aestu, & uī morbi iactata, nec cōsistēdi locū reperiret, nec partē ullā caperet quietis, cōpit cōtinuo conuiescere, itaq; sensim duabus, tribus uel post horis Angeli quodāmodo speciē p̄ferens, ad perennē uitā euolauit. Nō ita multos post dies duæ ipsius Sorores in morbū delapsæ sunt sane grauē: quarū uni, q̄ Christi religionē iā p̄fessa, & nupta Piratiningiæ degebat, sanguinē ego semel atq; iterū cū misissē, melius est factū. Altera, q̄ in Cathecumenis adhuc numerabatur, & alio in loco habitabat, rerū illa q̄ dē ad Christi fidē p̄tinētium bene perita, & naturali quadā p̄bitatē lōge cæteris superior, quatuor iā quinque dies egrotauerat, cū suæ nos ualeitudinis certiores fecit. adiui mus, sanguinē misimus, atq; eodē tpe ad omnia Christianę legis munera instruximus. Visa est tunc q̄ dē releuari; sed aliquot post dies cū morbo grauius affligeretur, rursus me accersendū curauit, ut iterū ei sanguinis aliquātū mitterē. & quātū ego illuc uenire p̄perassem, eā tñ sensu iā, ac motu carētē, & caloris usquequaq; expertē offendī, ut mortuā dicerēs. Veruntamē aquā ipsius faciē ut aspersi, cōpit reuīuiscere, & oculos erigere, ac tādē ad se redijt. Hic ego q̄siui, uellet nē baptismum sibi adhiberi, annuit, baptizauit. Post hæc aut duas horas cū uixisset, s̄ctissimū Christi nomē idētidē appellās, sanctāq; fidē Catholicā cōtinua cōfessione cōprobās, spiritū Creatori reddidit, p̄ exigua, breuissimaq; molestia immēsa, ac p̄petuę q̄etis p̄miū acceptura. Hanc uero aliquot post mēses sequuta est ipsius soror, cui

M ij antea



# EPISTOLA

antea melius esse factū, dixeramus, & qdē in fide Christi admodum firma, ac stabilis, Ecclesiāq; sacramentis sapius repetitis. Vnum tm̄ exēplum adhuc ponā, ne singulis enarrandis, faciā longius. Vita dudum excelsit anus qdam Inda, q̄ annos ferē xl. Lusitani cuiusdam, cōcubina fuerat, pluresq; ex eo liberos, pcreauerat. Hāc sane à n̄ris fratribus abhinc nouem annis monita, ut se colligeret, ac p̄cēitēs, ē de terrimo illo uitā statu decederet, p̄positis ēt ei grauissimis Dei iudicijs, & acerbissimis inferorū p̄cēis, resipiscens, ac miseriam agnoscens suam, q̄ tot annos Dei maiestātē lesisset, ad Christum conuersa, cōepit uitā castissimā dēgerē, summe enitens, ut lacrymis, angoribus, atq; elemosinis suorum scelerū maculas aliqua ex parte deleteret, & abstergeret, p̄cēnasq; q̄ eis deberentur, lueret. Proxime autē cū morbo graui, & mortifero, Dei p̄missū, urgeretur, Piratindiam, uenit, atq; ibi domo ad filiorū, seruorumq; usum ædificata, nihil ipsa qdē aliud curabat, nisi ut aīa saluti prospiceret, nimiram peccata crebro confitebatur, consecratā hostiā sepe sumebat, ac multis p̄cūnijs ut pauperes assidue erogandis æternā sibi in cōlo sedem cōparabat. frequētes qdē eam n̄ri fratres uisibāt, pijsq; & religiosis sermonibus leuabant, & consolabantur, idq; tūc maxime, cū demū corruptis, & penitus p̄trefcētibus mēbris obscānis (hoc morbi genere afficiebatur, omnibus sane Braxillanis hīce mulieribus cōmuni, & Virginibus) odorē ex se adeo tetrū efferebat, ut à suis quoq; destitueretur. eo ipso tēpore n̄ri, Christianæ charitatis non inmemores, studio sius ei, & amantius operam nauabant. Nam Pater Alphonsus Blasius, & frater Gaspar Laurentius interpres mente potius odorem contemplantes, quem ipsius anima in conspectu Dei propediem erat emissura, quā corporis foetorem attendentes paulisper Deo approbante, quo clarius fieret, maioremq; gloriā mereretur, uexati intolerabilem fœditatē odoris, qui sensui se obieciebat, facile superabant, nec unq̄ ab ipsius latere discedentes noctesq; tota peruiगतτες, agrā sustinebant, & sanctissimis uerbis, quibus quidē illa misericorde delectabatur, assidue recitabant, quoad animā creatori reddidit, exitu, quē admodū sperandum est, felicissimo. Possem equidem multos alios p̄ferre seruos p̄sertim, quorum partim ut baptismū susceperunt, statim moriuntur, partim Christianis se iā dū professi, sumptis sacramentis, ex hac uita migrant. Proinde nōs nusquā fate cōsistentes diuersā Castellatū harum ipsarū gentiū, tum dē Lusitanorū obimus, nulla ui frigorū, aut calorum, nullis inuadibus, nulla fluminum.



fluminū proluuieretardati, ac sæpe de nocte iter facientes p̄ densissi-  
ma nemora, & maxime horribilia. atq; ita afflictis ægrotis subueni-  
mus nō sine magnō labore, & incōmodo tū ob asperitatē difficulta-  
tēq; uiarū, tū p̄p magnas, ac turbulentas tēpestates, p̄sertim cū uici-  
fint tā multi, & tā lōge alter ab altero disiuncti, ut ne multo q̄dē plu-  
res possent, tot, tātisq; difficultatibus, q̄ quotidie existunt, occurrere  
atq; obistere, ne dū nos possimus. Accedit q̄ nōs ipsi, q̄ alienis ma-  
lis opē ferimus, aliorū sæpe auxilio in primis egemus: multis. n. mo-  
lestijs, & magnis incōmodis affecti, ac rebus necessarijs destituti, in  
uarios morbos incidimus, & in uijs usq; adeo interdū deficimus, ut  
uix itinera cōficiamus. itaq; nō minore uidetur ipsi medici, q̄ ægro-  
ti, leuatione indigere. Veruntā nihil planē arduū est, aut difficile his  
q̄bus in oī uita hoc unū p̄positū est, ut Dei gloriā, atq; honorē qua-  
rant; & aīarū salutē cōsulāt, p̄ quibus certe nō dubitauerint uel ipm  
sanguinē, ac uitā p̄fundere. Porro aut somnū identidē interrumpi-  
mus, mō ægorū cā, quibus mors imminet, expectati, mō ut mulie-  
ribus parturientibus succurramus; q̄bus quidē simul atq; Diuorū,  
quas hēmus, reliq̄as ip̄posuimus, facillime pariunt. cuius ipsæ rei non  
ignaræ, tū primū cœperint doloribus tentari, iubent nos accersī, ut  
illas afferamus, atq; ipsis, peccata prius utiq; cōfessis, adinoueamus.  
Accedit uero sæpe, ut pueri, semiuiui in lacē suscepti, baptizētur, at-  
que itā in cœlū ascēdant. q̄d itē officiū erga eos adhibetur, quos mā-  
tres nondū expletis ad pariendū mensibus edunt, id quod sæpissime  
hic quidē euenit malitia potius, q̄ casu Braxillanæ. n. mulieres nulla  
grauī de cā facile adducuntur, offensiuncula mō à Viris accepta, uel  
metu iniecto, uel aliqua alia q̄uis leui occasione data, ut filios, quos  
alio cōtinent, interimant, aut partū sibi ipsi medicamentis abigēdo,  
aut uentrē nimis cōstringēdo, aut grauius aliq̄d onus ferēdo, & mul-  
tis deniq; alijs similibus modis, quos eis inaudita q̄dā feritas, & ima-  
nitas suggerit. Libens aliq̄tū cōmōratus sum in mortuorū memoria  
repetenda, tū q̄ recordor, illū uerū, & p̄fectū uocari, q̄ usq; ad finem  
p̄manet, tū ēt q̄a deuuius, et fr̄ argumentū minime deest, timidius lo-  
quor; tāta, n. in eis dispiciunt incōstantia, ut, quē admodū dici solet,  
aliud mane, aliud uesperī in aīo hēant, nec satis q̄squā sciat, q̄d pos-  
sit de illis polliceri. Beatīgitur mortui, q̄ in Dño moriuntur, nēpe-  
hi ab immensishuius turbulentimaris, q̄d uitę nomen hēt, p̄cellis li-  
berati, Christū fide arrepta, atq; exhaustis Dei mādatis, in portū ue-  
hementē, & celsis mortis uinculis prorsus soluti, puenerunt, quorū  
sanē



## EPISTOLA

sanè finis sanctus, & felix tâta nobis cōsolationi est, ut uideatur magna ex parte doloris acerbitatē leuare, quē qdē maximū accipimus ex uiuorū p̄sidia, & malitia. neq; tñ nō plurimūm operā, & studiū in illis instituēdis, ac docendis ponimus, sermonibus eorū publicis, tū priuatis cohortātes, ut traditā sibi uitā rōnem cōstanter teneāt. cōplures hīc qdē dñicis q̄busq; diebus peccata cōfitentur sua, & Christi corpus sumunt, quīn ēt ex propinquis locis huc cōueniunt, ut Mīf sē sacrificio intersint, & delicta cōfiteantur, eo maxime tpe, cum ad bellū egrediuntur. nā illi ualde reuerentur, & colunt tū cātera sacramenta, tum p̄cipue cōfessionē, usq; adeo ut sēpe ægroti oī mihi asseruatione affirmant, se simul atq; peccata cōfessi fuerint, dolore, & molestia morbi releuari. Quare exploratū est, fore, ut ex his hoībus nisi disp̄si alius alio in loco habitarent, ubiores, q̄ nunc, fructus ac certiores p̄ciperētur: possent. n. tunc qdē oēs simul institui, liceretq; nobis maiore diligētia, & assiduitate, minoreq; itē incōmodo aīarū salutē p̄uidere, quēadmodū in Baia hodie fit. ubi Præsidis iussu qdā in oppida satis magna cōgregati, aīo gaudenti, ac libentī arripiunt Christianæ religionis initia, multūq; in ijs p̄ficiunt. cū autē p̄cipuus aliquis dies festus est agendus, p̄sertim is, quo Christus natus, quo uē passus est, ex oībus finitimis locis fere uniuersi multis ante diebus Piratiningiā cōfluunt, ut diuinis officijs, & supplicationibus adsint: in q̄bus ita acriter cādunt se ipsos, ut sanguinē ēt profundant, locis multo ante ad id studiose cōquisitis. neq; uero nō alijs quoq; t̄pibus idē faciunt, si qñ supplicationes, necessitate aliqua flagitante, decernuntur. Tenebrarū offm̄ n̄ro quidem in templo sine cantu celebramus, atq; in extrema eius parte nos ipsos tâto t̄pis spatio cādimus, q̄to possis ter p̄nuntiare Psalmum, Miserere. Iā uero conciones de Christi passione p̄pria ipsorum lingua habentur, & quidē non sine pio auditorum dolore, & iustis lacrymis: quas itē uel plurimas effundunt, dum Sacerdoti peccata cōfitentur, & sanctissimū Christi corpus accipiunt. Summa p̄terea datur opa à nobis, ut illōs rectam p̄cādī rōnem doceamus, simul, & coronas eis largimur, quō sapius angelicā salutationē distitantes, Mariā Virginem p̄cipue colant, & uenerentur. Indi igitur, ne ab ordine p̄posito lōgius discedamus, in doctrina n̄ræ fidei multum proficiunt, & eorū cathecumenorum loco, q̄ Piratiningia discesserunt, alij alijs ex locis cōuenere, eo certe aīo, ut Christianam uitā agant, sedesq; ibi omniū rerū, & fortunarū suarum collocent; & idcirco domos sibi extruxerunt. ad quā quidē rem

non



non parū eos adiuvit opera sua Pater Alphonsus Blasius. Nempe in multis, & maxime in mulieribus tū liberis, tū ancillis p̄spicua admodum apparent uirtutis indicia, p̄sertim detestando, abhorrendoq; libidinis uitio, qđ cum sit cōis omnium mortaliū pernicies, tum in primis uť in istas gentes non mō imperium tenuisse, sed crudelem, immanemq; tyrannidem exercuisse; quo ēt maiore administratione, ac laude dignæ sunt crebræ, uel potius quotidianæ uictoriæ, quas inde consequuntur. Nā ancillæ ipsæ malunt profecto Dominorū insatiabilem crudelitatem experiri, mō uerbera, mō colaphos, mō pugnos perferentes, q̄ in offensionem Dei cadere, turpi eorum, & effrenatæ cupiditati obtemperantes. Videre licet alias munera à petulantibus Iuuenibus oblata reijcere, & aspernari; alias ab illis, q̄ ui ipsi temptat pudicitia eripere, acriter se defendere nō solū uoluntate obstituto, sed ēt clamoribus, manibus, dentibus homines fugando, & conterendo. Iā uero una ab impudico iuvene appetita, & interrogata, cuiusnam ancilla esset, Dei se esse respondit. Deus, inquit, meus est dñs, si qđ à me expetis, cū eo tibi prius agendū est. quo qđem responso ardens iuuenis libido repressa est, atq; restincta; remq; postea suis ipse socijs magna cū admiratione narrabat. Aliæ aliquando ex urbe, iubente dño, ad operas exhibant; has impudentissimus adolescens insequutus, cū uni conaretur uim inferre, sociæ mutuo se incitantes, incredibili celeritate ad uim repellendā accurrerunt; qđ tanta se animi magnitudine, ac robore sunt tutatæ, ut ēt iuuenem importunissimum reiecerint, cenoq; ac puluere totū fœdauerint. in quo ipso poterat miser, si qđ iudicij ei reliquū erat, facile cōsiderare, quanta tandē esset facinoris, quod moliebatur, fœditas, & turpitudine. Possem equidē his plura addere exēpla, q̄ quotidie eueniunt, uñ liceret aperte p̄spicere, quantū apud multos, Deo iuuantē, ualeant assiduæ nostrorū fratrum cohortationes: sed mihi persuadeo ea, q̄ posuimus, satis esse ad probandū, quantā uim rerū optimarum Dei uerbum contineat, qm̄ quidē pōt ex durissimis saxis uberrimos aquæ riuos educere, q̄ ipsos angelos, reliquosq; beatissimos celestis patriæ ciues mirum in modū laificent. In illis igitur Christiana doctrina erudiēdis plurimū operæ, ac diligentia consumimus tū alibi, tū Piratiningiæ. ubi sane p̄ter cōc. institutum, quo utitur, Templi bis singulis diebus adeundi, multi ēt nocte domum nostrā conueniunt, tintinnabulo accinti, ut separatim doceantur. quā consuetudinem hīc ēt cum Lusitanis seruamus: quorum certe uxores, serui, & ancillæ toto pectore ad ea studia



## E P I S T O L A

ea studia incumbunt, q̄ aīa utilitas sunt ac salutaria. Cōplures domi  
ni eis quibusq; diebus peccata cōfitentur, Eucharistiā sumunt, sacris  
concionibus, diuinisq; precationibus intersunt. Huic aut̄ rei cū cē  
teri fratres, q̄bus id nēgocij datū est, multū industriā, ac laboris im  
pertunt, tū uero in primis Pater Aloysius Granus ardenti aīo, atq;  
inuito emittitur, ut quacunq; pōt rōne animorum incolumitati pro  
spiciat, dū saluberrimū eis uerbi Dei panē, quem quidē nunquam  
non uidentur auidē appetere, ter, quaterq; & quinquies unoquoque  
die distribuit. q̄ si qñ cōtingit ut duo soli, aut tres in templo sint. nō  
minore animi alacritate hos ipsos edocet, q̄ si populus frequentissi  
mus adesset. Illud quoq; maxime ei curā est, ut egros inuisat, modo  
hos, mō illos hortetur, atq; confirmet; neq; uero non afsiduus eos au  
dit, q̄ uolunt peccata confiteri. cum aut̄ superioribus diebus post so  
lis occasum uentus cū imbre, & grādine excitatus esset ita uehemēs,  
ut aedes concuteret, euerteret, ac disiceret, arboresq; q̄ plurimas in  
nemoribus euelleret, iubet ille q̄dem reliquos fratres ad Deum p̄cā  
dum, ut facere sunt soliti, conuenire, ipse interim cū fratre Emanue  
le Clauio interprete foras egreditur, singulas fere domos cōcursat,  
inspicit unumquemq; ut, si qd mali eis accidisset ex aedium ruina,  
posset tū corporibus, tū animabus p̄sentē adhibere medicinā. cumq;  
oēs in tēplum, tāquā tutiorē in locū, coegisset, hortatus est cunctos,  
ut p̄cibus Dei auxiliū implorarent: senes uero nō nullos, aegrotosq;  
ac pueros, n̄ris in aedibus usq; in posterū diē detinuit. Ad summā ita  
se gessit tali in tpe, ut cōmodius prudētius uē fieri nihil posset. Itaq;  
m̄rito ab uniuersis tū Lusitanis, tū Indis pluris fit, & p̄ris in loco du  
citur. Sed qñ penitus ingressus sum ad explicādā rōnem harum gen  
tium instituendarum, non erit absurdum, aliqua ēt percurrere eorū,  
q̄ acciderunt in ipsorū bellis, ut itelligas, ibi quoq;, tametsi oēs suas  
cogitationes in armorū exitu fixerint, aliquid tñ posse apud eas do  
ctrinā, ac uirtutē Christiane institutionis. Nā superioribus diebus  
uiro quodā capto, cū multos ibi fecissent captiuos, decreuerunt eo  
rū unū in oppidulo, Piratinīngiā finitimo, cantibus, sicut ipsorū fert  
cōsuetudo, potationibusq; & bacchationibus mactare. Id simul ut  
cognouit Pater Aloysius Granus, statim illuc, p̄fectus est, ut dete  
stabili huic, p̄posito occurreret, uehementer eos ēt atq; ēt rogauit, ne  
uellent prorsus facinus cōmittere adeo tētrum, cui postulationi libe  
ter illi qdē concesserunt, affirmantes, nunq̄ se permissuros, ut locus,  
in quo tanta Christianorū esset multitudo, innocentī sanguine pol  
lueretur.



lueretur. Sed quis hi, qui erāt baptizati, negassēt, id factū iri, ipse tū captiui dñs, à Christi uidelicet fide auersus, eò se cū cōtulisset, partim uoluntate ductus sua, ut huiusmodi ludis, ac triūpho tā uili frueretur, partim ēt ueneficarum quarundā anuum cōsilio, atq; impulsu incitatus, constituit eū occidere, suamq; familiā praeclaro hoc trophæo locupletare, qđ cū audiuissemus, nullā moram interponendā putauimus, qn aliud agere simulantes, ne eū suo more occultarent, illuc iremus, hoc certe cōsilio, ut eum sacro baptismate ablutum ad æternam dirigeremus felicitatē. Puer erat duorū triumue annorū, forma, & specie satis pulchra. Hunc igitur in medium adductū baptizauimus, & quanquā ualde dolebamus, qđ puerulus innocens per summā immanitatē periturus esset, quodq; illius sanguine multi se essent inquinaturi, ēt ex his, qđ fidem Christi iam fuerant professi, tñ non mediocriter lætabamur, dū considerabamus, animā illam purissimā in possessionē sempiternorū bonorum confestim uenturā esse, id cum fecissemus, intelligentes, rē esse in tuto, qđ scilicet nihil iā uerendū esset, ne eum cælarent, cœpimus multis audiētibus atrox illud facinus grauitate uituperare, paruū accusantes, & abiectū ipsorū animū, qui uellent, infantis pueri cæde hostiū iniurias ac suorū mortem ulcisci, simul & diuini iudicij, ac propriæ mortis periculū intendentes, si animū induxissent, carnes illas, sacro iā baptismate elutas, atq; expiatis, edere. Post hæc discessimus. At illi paucos post dies nobis absentibus, statim, solēnibusq; cerimonijs infantē mactauerunt, à comedēdo certe abstinuere. Est uero, ut mirandū sit, simulq; Deo gratiæ agendæ, qđ humana carne, ut cōsueuerant, amplius nō uescantur neq; huius, neq; aliorū uicinorū locorū incolæ, qđ qđ nām disciplinā aliq̃ diu sint sequuti: atq; ēt nunc uerbi Dei audiendi gratia ad nos adeant: idq; eo magis, qđ liberi sunt à Christianorū imperio, nec ullo eorū metu afficiuntur. Nō prætēmittā alterū eiusdem rōnis exēplū, ex quo quidē possis haud minorc piæ iucunditatis fructū percipere. Nup̃ cū ijdē aliū aliò captiuum ducerent, ut eum more suo imolarent, & comederent, nocte Piratinigiæ cōstitērunt. hic uero nri fratres accurrere ad arcē illius aīæ, qđ à Diabolo iā pridē occupabat, uerbo Dei expugnandā: & qđ primo impetu inferna bestia percussa, atq; eiecta, facile ille se pbuit, atq; adeo prōptū ad nām sanctā fidē suscipiendā, erat certe adolescēns, qđ tū iudicare poteramus, in nos natus fere quindecim, & summa ingenij indole p̃ditus, nimirū tata animi alacritate, tantoq; mentis ardore rñdebat ad ea, qđ in-

N ter-



# EPISTOLA

interrogabatur de rebus ad uerū cultum pertinentibus, ut uideretur eā-  
 dē iandudum didicisse. A nostris igitur fratribus accurate instructus,  
 atq; et cōmonitus, ut aīo uere Christiano iniurias perferret, quas ei  
 imposituri erant sui inimici, postmodum aliū in locū deductus est. quō  
 qdē cum est sequutus Pater Blasius Magister una cū fratribus. Ema-  
 nuele Ciarisio, & Ganzalo Oliverio, interpretibus. Cū ergo Ciarisius,  
 quē precipue attingebat cura de eo erudiendo, punctaretur ab ipso  
 quō esset ab illis acceptus, pugno tm̄, inquit, anus qdā me percussit: at-  
 q; ego tuarū admonitionum, ac pceptorum memor, tuli aīo acquisi-  
 tio, nec quicquid prorsus sum cōmotus. Tū uero studiosius cū nostri-  
 fratres institerendū, & Christi fide informandū, atq; et protegendum  
 susceperunt ab his, qui uellent eī iniuriam facere: solent. n. quo tpe ali-  
 que immolari sunt, multis cū modis crudeliter uexate. Cū autē  
 ei, ut scire soliti, his, quas morti addixerunt, puellā Cōcubinē,  
 simul & custodis loco cōstitissent apponere, nequaquam nr̄i id fra-  
 tres p̄miserunt, atq; et ipsi, oculis mō eam percipere, molestissimum  
 erat, cū diceret, nunquā omnino tali se turpitudine inquinasse. Neq;  
 uero deerant, q̄ conaretur eū ē manibus nostrorū fratrum eripere, &  
 per domos huc, atq; illuc tota nocte ad saltandū, se q̄ ostentandū  
 trahere. & cū nollent hū illo pacto eū dimittere, multis in ipsos inso-  
 lentibus, contumeliosisq; uerbis utebantur. Iā alij prope inuenē prae-  
 torculates, morieris dictitabant. solennis hęc est illius tēporis uox. at-  
 ille parui id ducebat, quin et cū uideret, uelle nostro huiusmodi no-  
 ces inhibere: sinite, inquit, ego. n. ista curo iā plane nihil. cū ergo sit-  
 mentiā uideretur Christi fidem tenere, media nocte baptizatus est, ac  
 diligenter monitus, ut humanis rebus posthabitis, quas breui erat ce-  
 listurus, totū se Deo cōmitteret, ac traderet. O' altitudo immēsa sa-  
 pientiae, & scientiae Dei, q̄ multis, q̄ uarijs modis, & uijs pergit eos,  
 quos elegit, ad se uocare. ita nimirū p̄potēs Deus illā animā, ex aeter-  
 no tpe ab ipsius prouidentia p̄destinatā, possidebat, ut nihil quicquā  
 permitteret adolescentē aut cogitare, aut desiderare, q̄ ut secū esset  
 in gratia: cum. n. q̄reret ex eo Ciarisius tentandi quodāmodo causa,  
 qdē nam esset inimicorū consilium de bello nobis, ut consueuerunt,  
 inferendo, non esse iā tēpus, respōdit, hęc sciscitandi: se. n. alta spe-  
 ctare, & ad Deū aspirare. cū uero dies necis ei p̄stitutus iā, iamq; in-  
 starer, uir Indus ex numero Christianorum, cuius quidē magna erat  
 apud oēs auctoritas, sermonē ædes circūmeundo, quomodo ipsorū  
 fert cōsuetudo, omnibus suis habuit, eosq; pluribus uerbis hortatus:  
 est, &



est, & obsecrauit, paterentur, nōs misero illi captiuo oīa officia p-  
stare, q̄cunq; putarent ad eius aīæ salutem necessaria, obtestās, si qd  
obstiterent, fore se eis acerbissimum hostē. Aduentāte igitur hora,  
qua felicē hanc animā, mortali ueste exuta, lucē uiui solis iustitiæ in-  
duere oportebat; Adolescens ad locū cædi designatū, maxima horū  
barbarorū turba āstante; ducitur, medio q̄dem corpore lōgis quibus-  
dam funiculis, qui multorū manibus utring; trahebātur, colligatus,  
ceteris mēbris solutus ac liber: itaq; in forū cum esset pductus, carni-  
fex, ceremonijs barbara superstitione peractis, accedens ad eū, solē  
ne illud ptulit uerbū, morieris. Tū ille nostrorū fratrū admonitu, il-  
lico genibus nixus humi latātī aīo institit, manus eodē tpe, oculosq;  
ad cœlū extollens, atq; ita sacrosanctū Iesu nomen implorātī caput  
grauibaculo fractū est; aīa uero quemadmodū nobis est penitus per-  
suasum; ad eternæ, beatæq; uitæ p̄m̄ium uenit, ei qdē à Deo optimo  
maximo iā inde ab orbe condito p̄paratum. Velim ita nos idē Pater  
misericordiarū Deus dignos habeat, q̄ simili aliqua, aut et acerbio-  
re morte sanguinē pro ipso, sanctissimū eius nomen cōfiteres, pro-  
fundamus. Verū illi adolēcenti iam mortuo funicula detraxerunt,  
nec ampliū q̄cquā fecerunt. Tum demum nri fratres accepto cada-  
uere, rete illud cū inuoluissent, suis humeris Piratiningiam tulerunt,  
ibiq; nro in tēplo sepelierunt, à morte scilicet excitandum extrema  
die aduentus Domini. quē q̄dem decet nos pro suis admirabilibus  
operibus, & pro eximia in hominibus cooptandis benignitate sum-  
mis in p̄petuum laudibus celebrare. De his aut, qui à prima pueritia  
Christianos mores nostris ē scholis hauserūt: quorū certe uita, quo-  
minus erat patrū suorū uitæ consentanea, eo maiore nobis habet fa-  
cultatem Dei bonitatē extollendi, consolandiq; & fulciēdi nostræ fi-  
dei studiosos; de his inquā ne memnisse qdē uelim, ut ne uulnus re-  
fricem, ac dolorē, quē q̄dem iustissimum capio ex ipso mutatio-  
nē & lapso. Illud igitur satis fuerit de eorum calamitate tetigisse, q̄  
uix dū iuuentutē ingressi, & uim nacti arbitrio suo uiuēdi, usq; eo in-  
temperātes, dissolutiq; euaserunt, ut non mō fratres, ac propinquos  
assequantur turpissimis, nefarijsq; facinoribus, uerum longe et supe-  
rent, in omni gñe & scelerū, & libidinum, & ebrietatū se se uolutan-  
tes. Neq; tñ non summe nos, quacunq; possumus rōne, contēdimus,  
ut eos ad rectā reducamus salutis uīā. Sed uero non ita multū debe-  
mus eiusmodi mutationē in istis admirari, qñ uidemus, ipsos et ue-  
teres Christianos idē cōmittere. Quod aut pertinet ad illos, qui à fi-

N ij de no-



# EPISTOLA

de nostra alieni, ea continentis loca incolunt, q̄ sunt à mari remotio-  
ra, tñ dicā, nou definere eos arma nobis, ac uim intentare. & q̄dem  
non ita multis ante diebus nōn nullos occiderunt Lusitanos, q̄ ex Pa-  
raguaio ueniebant: atq; ea re elati, mortē nobis minitantur. Quin ē  
ppinuioreſ habemus hostes, qui in hāc ipsa castella subitis excur-  
sionibus inuadunt, agros populantur, oīa diuexant, & diripiunt: mul-  
tos quoq; abducunt captiuos, uel ut miserabili eos seruitute oppres-  
sos, teneant, uel ut interimāt, & humana carne suā effrenatā, impor-  
tunamq; famē expleant. superiore q̄dem anno uico potiti prope hāc  
Diui Vincentij Baiā, cōplures ceperunt mulieres, q̄ spe salutis egres-  
sæ, fugæ se dederant: atq; eas in quasdā naues, chanoas quas uocant,  
īpositas aſportarūt, una excepta, q̄ patre nata Lusitano, matre Indā,  
frequens huc accedebat ad Christianā doctrinā hauriendā, & ad pec-  
cata confitenda. hāc certe barbaris hoībus aīo restitit adeo uirili, ut  
illi intelligentes uanos suos esse conatus, multis eā uulneribus cōse-  
cerint. restitisse uero ipsam, credibile est, timore amittendæ pudici-  
tiæ, nā cū saepe alias, tum maxime pridie, q̄ cōprehenderetur, suis as-  
seuerat socijs, si forte accidisset, ut hostes domū patris aggrederen-  
tur, & caperent, nunquā se q̄dem permissurā, ut ipsam uiuā abduce-  
rent, ne uidelicet cogeretur esse eis concubinæ loco; constitutū hīe,  
**quod** uis potius mortis genus ppeti. O laudabile propositū. utinam  
multæ ex nostris Christianis numerarentur eadē mente p̄ditæ. pluri-  
mis profecto malis, & incōmodis liberaremur, q̄ quotidie emanant  
non sine multarū domnū, immo uero ē ciuitatū exitio, atq; interi-  
tu. Ante hos aut, quos dixi, aliæ eiusdē gentis copię huc appulerāt:  
q̄bus cū erant quatuor Galli, specie, ut p̄berent se illis adiutores bel-  
li gerendi, re, & ueritate, ut ad nos pfugerent: id q̄d non potuerunt  
sine maximo discrimine efficere. hi uero, quēadmodū postea cōpe-  
rimus, seiunxerant se ab alio suorū cœtu, qui loca q̄dam incolentes,  
q̄d nos Henaristumē nuncupamus, millia passuū centū, & quinquā-  
ginta amplius hinc distantia nostrorū utebantur hostiū consuetudi-  
ne, ibiq; & domos ædificauerant, & arcē extruxerant firmissimam,  
eamq; maioribus tormētis, & alijs opibus ad bellū gerendū oppor-  
tunis probe muniuerant. eō aut dicebant se à Rege Gallorū missos  
esse, ut regionē illā in eius ditionē redigerent: quod tñ minime uide-  
batur credibile, quin erant isti q̄dem oēs Hæretici ab ipsorū Hære-  
siarcha Ioāne Caluino eam ob cām missi, ut hanc quoq; partē orbis  
terrarū inficerent opinionū prauitate. itaq; eis duos ille de suis, mi-  
nistros



nistros quos uocant, attribuerat, q̄ falsa ip̄forū doctrina & suos, & alios erudirent. Isti uero paucis post diebus, q̄ illuc uenissent, cœperunt, ut mos est Hæreticorū, uarijs inter se opinionibus dissentire: in eo tñ consenserunt oēs, ut singulas sentētias ad Calvinū, & cæteros ip̄forū doctores, uel potius, si uerū q̄rimus, indoctissimos homines, p̄scriberent; & q̄quid esset ab eis relatū, id utiq; cōprobarent, ac ratum haberent. Hoc dū expectatur respōsum, unus interea ex eis, uir q̄dē certe in liberalibus artibus in primisq; in mathematicis non mediocriter uersatus, atq; ēt hæbraicæ, græcæq; linguæ, & sacrarū litterarum bene peritus, siue q̄ pp̄ opinionū dissimilitudinē minus cōueniret cum ipsius duce, siue, q̄d est magis uerisimile, q̄a cuperet suā mēdacem doctrinā, ac pestiferam nostros inter Lusitanos dispergere; ad nos uenit, & secū duxit tres alios eiusdē sectæ, quanquā rudes, & indoctos hoīes. nos uero eos tanquā peregrinos, quēadmodū pōstulat Christiana charitas, domum nostrā recepimus, & benigne trāctauimus. hic sophistes ille, q̄ ēt hispane luculenter sciebat, cœpit sui generis nobilitatē iactare. quo factū est, ut à uulgo magni æstimaretur; & uero ēt pro sua facilitate, & iucunditate cōsuetudinis uidebātur eum iam oēs admirari. Scripsit hic p̄fecto ad Patrē Aloysiū Granium, q̄ Piratiningiæ id t̄pis morabatur, breues quasdā litteras, q̄bus uitæ ei ac studiōrū suorum rōnem explicabat, cum diceret, se quidē, postq̄ esset ab eo, quo adolescens magistro usus erat, uiro sane eximio, ac p̄stāti, in felices Pieridū speluncas introductus, ubi animum Heliconio in fonte diuinis, amānisq; sapientiæ riuis insaturabiliter expleuerat, ad iucundissimū penetrasse, & altissimū sacræ Theologiæ studiū, atq; cā facilius ut arriperet, hæbraicas quoq; litteras multo sudore ac labore didicisse, docentibus ipsiis summis Hebræorum doctoribus, ab eisdemq; admirabilia percepisse mysteria q̄ esset ipsi largissime impertiturus, cū primū daretur facultas eius alloquendi. hæc erant, & alia id genus in illius epistola: q̄ demū distico claudebatur. Verum enim uero pauci omnino dies ab hac epistola intercesserunt, cum iste cœpit, quasi ex stomacho pestiferis, putidisq; humoribus referto, falsas, & inanes opiniones suas euomere, dū petulāter in Diuorū imagines inueheretur; sacrā hostiā uituperaret; de Pōtifice maximo, Christi uicario, detraheret; sanctas indulgentias improbareret; multa deniq; alia carperet, q̄ censet Romana ecclesia pie colēda & obseruāda esse. Omnia uero facetiarū sale cōdiebat, ut pote esca ignaræ, ac stultæ plebis palato acceptissima. cui sane plebi erat ille  
non



## EPISTOLA

non mō nō molestus, sed ēt (qđ uere deplorādū est) ualde gratus, & iucundus. Quo cognito Pater Aloysius Piratiningia confestim pfici scendū putauit, ut nascenti malo occurreret, ac teneras eius radices ante euelleret, qđ posset, p̄ improvidas mente huius imperitæ gētis, & rerū nouarū studiosæ serpens, amarus in eis sempiternæ mortis fructus p̄creare. Gallus igit, id ipsū ueritus, ut eius aīnū aduersus se p̄uocaret, hominemq; inimicitiarū nomine iudicibus suspectū redderet, statuit aliquorū ēt fortasse studio, & grā nixus, cōtumeliosas ad eū litteras qđ primū mittere, quarū qđ ēt inītiū erat istiusmodi, Adeste mihi, Cœlites, afferte gladios ancipites ad faciendā uindictam in Ludouicū Dei osorē. In reliqua uero epistola asperius eū increpabat, in criminis loco obijciēs, qđ pabulū uerbi Dei subduceret Lusitanis, ac totū traduceret ad eos conuertendos, qđ a fide Christi abhorrent, multa p̄terea adscripserat, qbus putabat fore, ut facilius excitaret eius erga se odiū. Sequitur ille p̄bus, q, sp̄reta pp̄ria gloria, Dei cām accurate agebat, & harū aīarū, atq; adeo uniuersæ huius nationis utilitati, incolumitatiq; studebat, cū animaduertēret, si quidē permisisset eiusmodi peste propagari, nullo p̄senti adhibito remedio, summum esse periculū, ne regio tota corrumperetur, Vicariū primo quoque tempore adiit, eumque magnopere hortatus est, ut ne fineret id mali latius manare. populū porro i cōcionibus, quas hēbat de rebus diuinis, uehementissimē monebat, ut ab hisce hoībus sedulo cauēret, & a libris, quos attulerat, nihilo minus, q̄ppe qđ essent hærēsū pleni. Neq; tñ cessabat cœcū uulgus, atq; amens, laudibus Gallū efferre, admirare hoīs sapiētia, suspicere eloquetia, predicare bonarū artū disciplinā, cōtraq; Patrē Aloysiū acriter obiurgare, & calūniari, qđ hominē infectaretur, odio impulsus, quod in eū cōceperat, lectis literis, qbus ille fuerat in ipm̄ inuēctus. Quid plura? funesta hęc cōtagio p̄ in timos multitudinis sensus usq; cō puāserat, ut in maximū periculū, & extremū penē discrimen adducta esset multorū salus, nisi Deus, ut est summe misericors, puidisset. nā ille tñ erat exultationis loquacitate sua adeptus apud populū nugarum. s. ac rerū nouarū sua natura studiosum, ut iā paruū, & penē dicam nullū pondus hēret Patris Aloysij auctoritas, grauitas, uita, p̄bitas, ac doctrina planē singularis. Postea aut ille cū suis socijs ad Baiā ductus est, quo melius ibi quid hoīs esset, p̄spiciū fieret. Quæ uero in hoc negocio tu hīc, tum ibi acta sint, ea tibi oīa separatim alijs literis significabo: mihi enim uidētur eiusmodi esse, ut nō debeāt cōem in Epistola conijci.

Sed



Sed tñ pstringam unū, ex quo possis, tanq̃ longinquo aliquo ex loco, rei euentū prospicere, nimirū q̃ negociū ita administratū, itaq; p̃clare expensum eius momentū est, ut nō paruum tu quidē dolorē sis pcepturus, dum intelliges, q̃ negligēter fuerit à n̄ris Christianis Christi cā tractata. Ab eo igitur Baia Præses de Gallorum cōsilio certior factus, statuit arcē ab illis extructā inuadere, & oppugnare; ob eāq; cām p̃fectus primum ipse est quibusdā cum nauibus, ad bellum gerendum idoneis; deinde subsecutum est cōplurium nauigiorum, & Canoarum subsidiū. atq; ēt ipsi, quod ad nos attinebat, huic cā præsto fuimus, Deum sine ulla intermissione p̃eantes, ut Christianis potestate p̃missa rei bene gerendæ, Hæreticos, q̃ illud tenebant p̃sidium, funditus perderet: ualde. n. timebamus, ne illi, si essent diutius his in locis cōmorati, paucos hosce Christianos deprauarent penitusq; corrumperet. ita est humanū in genus p̃clue ad mollē, et uoluptaria uitā, cuiusmodi uitæ gradibus pollicetur isti q̃ dē fore, ut hoīes in cœlū ascendant. Itaq; ad priuatas p̃cationes, quibus separatim unusq; nostrorū utebatur, p̃inde ut sua cuique religionis, & obediētia rō suadebat, publicas addebamus sūplicationes, cūctiq; simul quotidie mane, peracto Missæ sacrificio, litācias in ipso tēplo canebamus. Sacerdos quoq; & unus ē nostris fratribus iterpres, petente præsīde, in illa classe hinc missi sunt, q̃ operā suā militibus in audiēdis peccatis præberent, & Indos instruerent, q̃ erant cum eo p̃fecti. Sed iterpres haud multo post reuertit acutissimas habens febres, & dysenteria grauius laborans, ex maximis certe incōmodis & frigoribus, q̃ ibi fuerat p̃pessus. hic tñ, Deo iuuante, morbo leuatus breuē cōquauit. Verum uidebatur illa quidē arx expugnari nullo mō posse, tum ob loci naturā (erat. n. in altissimo scopulo sita, atque alijs in idē scopulis undiq; septa, nec ascensus ad eā aliunde patebat, q̃ angusta uia, & ardua inter asperrimas quasdā rupes) tum ēt p̃p magnā copā tormētorum, & aliarum cuiusq; modi rerum, q̃ solent ad tuenda p̃sidia, & ad uim hostium repellendā cōnarari. Accedebat eodē, q̃ bene erat cōmeatu, barbarisq; militibus, q̃ auxilio. Hæreticis uenerant, cōmunita. Quāobrē nemo erat, quin putaret, uanam fore, atq; inanē oppugnationē, certissimum uero, & exploratū nostrorū periculū, si p̃tinaciter susceptum negociū p̃sequerentur: quod quidē oī humana rōne existimabatur fieri nō posse, ut cōficerent, apparatu p̃fertim tā exili. Vicit tñ has oēs difficultates sollicitudo honoris Dei, & spēs maxima, quā nostri in ipso positam hēbant. Ergo cœpta est




## E P I S T O L A

est arx illa terra, mariq; oppugnari. cum uero, q̄ intus erant, Galli, à barbaris adiuti, fortiter resisterent in pugna, q̄ quidē summa est cōtentione cōmissa, multi ex utraq; parte ceciderunt; sed plures oīno ex nostris pp̄ angustia, & asperitatē loci. ac res eò iā deducta uidebatur, ut nō solum in nulla spe essent potiundi p̄sidij, sed et dubitarent, ne liceret sibi pedē honeste referre, de quo iā deliberabant, timētes, ne tormenta amitterent, & uix possent, se ipsos incolumes recipere: ueruntamē qm̄ temere certe, ut dixi, oīum iudicio, ac parum diligenter expensis pprijs uiribus, sed tñ Dei honoris tuendi, suaq; sanctæ fidei amplificandæ studio hanc puinciā susceperant, Dñs exercituū minime oblitus est populi sui, quin eo ipso tpe, cum nec tormētarij pulueris in nauibus q̄cūq; supererat, nec cōmeatus suppetebat pedestribus copijs: atq; oēs multis incōmodis, difficultatibusq; affecti deficiebant, & cū turpi fuga crudeliissimā mortē expectabant. hoc inq̄ tpe effecit Deus Optimus Maximus, ut Galli relictā arce pfugerēt, & in mare se conicerent, naues, lintres, ac diuersa, q̄ ibi erant, nauigia certatim cōscendentes. Tum ad munitiora barbarorum loca pfugerunt, pulsi, quēadmodū certo credimus, metu ac terrore, quē ipso rum animis iniecit idē ille, qui sua incredibili uirtute, ac potentia Pharaonē cum curribus, & exercitibus eius uniuerſis in mare rubrū demersit, ut populū suū ex Aegyptiorū seruitute ī libertatē uindicaret. Arce igitur capta, magna quidē in ea reperta est bellicorū instrumentorū copia, & rerū ad uiuēdum necessariarū, quibus ualde se refecerunt afflicti Christiani, maximus itē hæreticorū librorū numerus inuentus, crucē uero, aut diuorum imaginē uidisses planē nullā, nec ullū oīno extabat Catholicæ disciplinæ uestigium, excepto Misali, eoq; abrais oībus, & inquinatis imaginibus. Succurrat, quæso, Deus sua immēsa bonitate labenti ipsius gregi. Hæc habui, q̄ ad te, Reuerende Pater, de tuis filijs, q̄ hic sumus hoc tpe scriberē. Quod superest, uelim tu nos p̄ tuū paternum amore, quod certe cōfidimus te uel nobis tacentibus sine ulla intermissione facere, Deo pijs sacrificijs, ac precibus cōfiteri, ut ueri simus huius minimæ societatis IESV filij, & mereamur in ea, suis sanctis donis in dies aucti, usq; ad extremum spiritum perseuerare. Ex oppido Sancti Vincentij. Calendis Iunij. M D L X.

F I N I S.





005643475







KONSERVIERT DURCH  
ÖSTERREICHISCHE FLORENZHELFE  
WIEN 1967